

2 ካኦቶ ማፃኣፖ ዓይያ ካር

ለምዓሳ ካኦቶ ማፃኣፖ ቤርታሳ ካኦቶ ማፃኣፖ ሃይሶ ኬኤዚ ዓቁሴሰካፓ ዓርቃያ ዒሰራዔኤሌ ዓጮኮ ለምፖ ካኦቶ ዛሎ ኬኤዛኔ፤ ሃና ማፃኣፓ ለምፖ ዴኤፒ ዴኤፒ ቤሲ ፓቁንታኒ ዳንዳዓኔ፡-

1. ኪሪሰቶሴ ሾይንታንዳሂኮ ቤርታ ታዞጳሳ ጃኤቶ ሌዎኮ ሄካሰካፓ ዴንዲ ሳማሪያ ካታሞኮ ሻሂንቲያና ኪሪሰቶሴ ሾይንቶኮ ቤርታ ላንካይ ጃኤታና ለማታሚ ለምፖ ለዔ ሄላንዳኦና ጌይፃ፡- ኬዶ ዛሎ ካኦቶ ሎኦሚያ ሄላንዳኦና ዓኣ ለምፖ ካኦቶ ሃይሶ፤

2. ዒሰራዔኤሌ ካኦቶ ጌይፃ፡- ኬዶ ዛሎ ካኦቶኮ ሎኦሚያፓ ዓርቃያ ዴንዲ ኪሪሰቶሴ ሾይንታንዳሂኮ ቤርታ ዶንጎ ጃኤታና ሳሊታሚ ላሃሳ ሌዎ፡ ካኦቲ ናቡካዳናፆሬ ዩሩሳሌም ያሊ ባሺ ዓርቁ ሻሂሂ ሄላንዳኦና ካኦታፎ ዪሁዳ ካኦቶ ዛሎ ሃይሶ፤

ጌዳሊያ ጎሮሂ ባብሎኔ ካኦቲ ዴማ ማዒ ዪሁዳ ዓጮ ዎይሃያ ማዔሂንታ ዪሁዳ ካኦቲ፡ ዮዓኪኔ ባብሎኔይዳ ቱኡዞ ማኣራፓ ቡሊንቲ ኬሰኬሂ ዛሎ ማፃኣፔላ ፓይዲ ፓይዲ ኬኤዜሰካፓ ሃሻኔ።

ዩይ ቢያ ፑርቶ ባካ ዒሰራዔኤሌ ዓሶ ሄላኒ ዳንዳዔሂ ዪሁዳና ዒሰራዔኤሌ ዓጮናኮ ካኦቶንታ ዴርንታ ያኦሲም ጉሙርቁንቱዎያ ማዔሂርኬ፤ ዩሩሳሌምኮ ሻሂንቲያና ዪሁዳ ዓጮ ዴር ባኣካፓ ባሺሂ ዓጮፓ ዳውሲንቲፃ ዒሰራዔኤሌ ዓሶ ዛሎ ኬኤዚንታ ሃይሳ ዲማዳንዳጉዲ ማሄ ባኮኮ ዴኤፖ ዴኤፖኬ።

ለምዓሳ ካኦቶ ማፃኣፖ ጋራ ኮሺ ዔርቲያ ማዔ፡ ያኦሲ ማሊያ ኬኤዛ፡ ዔኤሊያሴ ቤዛ ኬሰኬሂ ዔልሳዒኬ።

ማፃኣፔላ ዲማ ዲማ ዓርቁ ባኮ

ለምፖ ፓቁንቲ ካኦቶ (1:1—17:41)

- 1. ያኦሲ ማሊያ ኬኤዛ ዔኤሊያሴ ዛሎ (1:1—8:15)
- 2. ዪሁዳና ዒሰራዔኤሌ ዓጮና ካኦቶ (8:16—17:4)
- 3. ሳማሪያኮ ሎኦሚያ (17:5-41)

ዪሁዳ ዓጮ ካኦቶ (18:1—25:30)

- 1. ሂዚቂያሴፓ ዴንዲ ዒዮሲያሴ ሄላንዳኦና (18:1—21:26)
- 2. ዒዮሲያሴ ዎይሄ ዎይሂያ (22:1—23:30)
- 3. ጋፒንሂ ማዔ ዪሁዳ ዓጮ ካኦቶ (23:31—24:20)
- 4. ዩሩሳሌምኮ ሎኦሚያ (25:1-30)

የኦሲ ማሊያ ኬኤዛ ዔኤሊያሴና ካኣቲ ዓካዚያሴና

1 ዒሰራዔኤሌ ዓጮኮ ካኣቲ፣ ዓክዓቤ ሃይቁሰካፓ ሞዓኣቤ ዓሳ ዒሰራዔኤሌ ዓሰም ዋይዚ ዒፄኔ።

2 ዒማና ዒሰራዔኤሌኮ ካኣቲ፣ ዓካዚያሴ ሳማሪያይዳ ካኣቲም ማኣሮኮ ዑፃ ኮሾና ቤዛፓ ኬዲ ሎኦሚ ሃርጊ ዓኣኔ፤ ዩያሮ ዒዚ፡- «ሃይ ሃርጋ ታና ዋዳንዳቲያ ዓይሳንዳቲያ ፒሊሰፄኦሚይዳ ዓኣ ዔክሮኔ ካታም ያኣዛሢ፣ ቢዔልዜቡሌ ታኣም ያኣጪ ሙኩዋቲ» ጌይ ኪኢታ ዓሲ ዳኬኔ። 3 ጋዓንቲ ናንጊና ናንጋ ጎዳኮ ኪኢታንቻሢ ቲሲቤ ዓጮ ዓሢ፣ ዔኤሊያሴም፡- «ዔቂጋፓ ሳማሪያ ዓጮ ካኣቲ፣ ዓካዚያሴ ዳኬ ኪኢቶ ዓሰንሢና ካኣማኒ ዴንዴ፤ ዔያቶም ሂዚ ጌዔ፡- «ዔክሮኔ ካታም ያኣዛሢ፣ ቢዔልዜቡሌ ዒንሢ ያኣጫኒ ዴንዳሢ ዒሰራዔኤሌ ዓጮይዳ ያኦሲ ባኣሴ ጌይዳ?» 4 ዩያሮ ናንጊና ናንጋ ጎዳ፡- ሃይሾ፣ ሃሢ ኔ ሃይቃንዳኔ፤ ዳቃዓኬ! ኔ ላሂ ቤዛፓኣ ዔቃዓኬ! ጌዔኔ ጎዑዋቲ» ጌይ ዓይሢኔ።

ናንጊና ናንጋ ጎዳ ዒዛ ዓይሢ ጎይያ ዔኤሊያሴ ማዔኔ፤ 5 ዩካፓ ዩንሢ ኪኢቶ ዓሰንሢ ማዒ ካኣቲ ኮይላ ሙካዛ፣ ካኣቲ፡- «ዋይቲም ዒንሢ ማዒ ሙኬይ?» ጌይ ያኣጮኔ።

6 ዔያታ ዒዛም፡- «ፔቲ ዓሲ ጎይያ ኑኡና ካኣሚ ኔ ባንሢ ማዒ ኑ ሙካንዳጉዲ፤ ሃሃ ናንጊና ናንጋ ጎዳኣ ኔ ዛሎ ጌዔ ባኮ ኔኤም ኑ ኬኤዛንዳጉዲ ኑና ዓይሢኔ፤ ዒዚ ኑኡም ኬኤዜ ጎይያ ሂዚኬ፡- «ዔክሮኔ ካታም ያኣዛሢ፣ ቢዔልዜቡሌ ያኣጫኒ ኪኢቶ ዓሰ ኔ ዳኬሢ ዓይጎሮዳይ? ዒሰራዔኤሌይዳ ያኦሲ ባኣሴ ጌዒዳ? ዩያሮ ኔኤኒ ሃይቃንዳኔ! ሃርጋፓ ኔ ፖዒንዲዋሴ! ላሂ ቤዛፓኣ ኔ ዔቃዓኬ!» ጌዔኔ።

7 ዩካፓ ካኣቲ፡- «ጎይያ ዒንሢና ካኣሚ ዩያ ጌዒ ኬኤዜሢ ሞዚጉዴ ዓሲዳይ?» ጌይ ዔያቶ ያኣጮኔ።

8 ዔያታ ማሃዖ፡- «ቆልሞ ጋፓኔፓ ኮሾና ማኣያ * ማይንቲ ኬርና ቃልሾ ቱኪ ዓኣኔ» ጌዔኔ።

ካኣቲ ዒማና፡- «ዩይ ዔኤሊያሴዋይ!» ጌዔኔ።

9 ዩካፓ ካኣቲ ፔቲ ፖኦሊሶኮ ሱኡጌሰኬያ ደንጊታሚ ዓሰና ዋላ ዴንዲ ዔኤሊያሴ ዔኪ ሙካንዳጉዲ ዓይሃዛ፣ ዔኤሊያሴ ፔቲ ጌሜሪዳ ኬሰኪ ዴዒ ዓኣንቲ ዩይ ሱኡጋሢ ዴንቃዖ፡- «የኦሲ ዓሢዮ! ካኣቲ ኔና ሃይካፓ ኬዲ ዒዛ ኮይላ ሙኩም ጌይ ዓይሢኔ» ጌዔኔ።

10 ዔኤሊያሴ ዒማና፡- «ታኣኒ ያኦሲ ዓሲ ማዔቲ ጫሪንጫፓ ታሚ ኬዲ ኔናንታ ደንጊታም ኔ ዓሰንታ ሙዖንጎ!» ጋዓዛ፣ ቤዛማና ታሚ ኬዲ ዩያ፣ ፖኦሊሶኮ ሱኡጋሢና ደንጊታም ዓሰና ሙዔኔ።

* 1:8 1:8 ቆልሞ ጋፓኔፓ ኮሾና ማኣያ ጋዓዛ፡- ፔቲ ፔቲ ማፃአፓ «ዓሢኮ ዑፃ ጋፓኔናኬ» ጋዓኔ። 1:8 1:8 ማቲ. 3:4፤ ማር. 1:6።

11 ካእቲ ሃሣ ላሚ ሜሌ ፖኦሊሶኮ ሱኡጌሰኬያ ደንጊታሚ ዓሲና ዋላ ዳኬኔ፤ ዒዚያ ዔኤሊያሴ ኮይላ ሙካዖ፡- «ጾሱሲ ዓሢዮ! ካእቲ ኔና ሃሣ ዒዛ ኮይላ ሙኮም ጌይ ዓይሣኔ» ጌዔኔ።

12 ዔኤሊያሴ ጊንሣ ሃሣ፡- «ታኣኒ ጾሱሲ ዓሲ ማዔቴ ታሚ ጫሪንጫፓ ኬዲ ኔናንታ ደንጊታሞ ኔ ዓሶንታ ሙዖንጎ!» ጌዔኔ፤ ዩያሮ ቤዘማና ጾኦሲ ታሚ ጫሪንጫፓ ኬዲ ፖኦሊሶ ሱኡጋሢና ደንጊታሞ ዓሶና ሙዔኔ።

13 ሃሣ ካእቲ ደንጊታሚ ዓሲና ዋላ ፖኦሊሴ ሱኡጌሰኬያ ዳኬኔ፤ ዩና ሃይሣሲኬ፤ ዩይ ሱኡጋሢ ጋዓንቴ ጌሚሮ ኬሰካዖ ዔኤሊያሴ ኮይላ ጉምዓቲ፡- «ጾሱሲ ዓሢዮ! ታናንታ ታኣና ዋላ ዓኣ ዓሶንታሞ ሚጠንገቲ ኑና ማኣሬ! ሺምፓሢ ኑኡኮ ዓይሴ! 14 ፖኦሊሶ ሱኡጎ ላምንሢና ዔያቶኮ ዓሶና ዋላ ቢያ ጫሪንጫፓ ታሚ ኬዲ ሙዔኔ፤ ታና ጋዓንቴ ሚጠንገቲ ሃዳራ ማኣሬ!» ጌይ ዔኤሊያሴ ሺኢቄኔ።

15 ናንጊና ናንጋ ጎዳኮ ከኢታንቻሢ ዔኤሊያሴ ኮይላ፡- «ዒዛና ዋላ ኬዳ፤ ፔቲታዖ ዒጊጠገ።» ጌዔኔ። ዩያሮ ዔኤሊያሴ ዩያ፡ ፖኦሊሶ ሱኡጋሢና ዋላ ካእቲ ኮይላ ኬዳዖ፡- 16 «ናንጊና ናንጋ ጎዳ ሂዚ ጋዓኔ፤ ዒሰራዔኤሌ ዓጮይዳ ጾኦሲ ባኣያ ማሂ ዔክሮኔ ካታሞ ጾኡዛሢ፤ ቢዔልዜቡሌ ኮይላ ጾኡጫንዳጉዲ ከኢታ ዓሲ ኔ ዳኬሢሮ ሃይቃንዳኔ፤ ኔኤኒ ዳቂንዳዎሴ!» ጌዔኔ።

17 ናንጊና ናንጋ ጎዳ ዔኤሊያሴ ዛሎና ኬኤዜ ጎይዖ ዓካዚያሴ ሃይቄኔ፤ ዒዛኮ ዓቲንቄ ናይ ባኣሢሮ ዒዛ ቤዛ ዒዛኮ ጌርሲ፤ ዒዮራሜ ካኣታዳኔ፤ ዩይ ያዲ ማዔሢ ዒዮሳፒፄ ናኣዚ፤ ዒዮራሜ ዪሁዳይዳ ካኣታዳንቴ ላምዓሳ ሌዖናኬ።

18 ካእቲ፡ ዓካዚያሴ ማዳ ሜሌ ባካ ቢያ ዒሰራዔኤሌኮ ካእቶ ሃይሳ ፃኣፒንታ ማፃአፖይዳ ፃኣፒንቲ ዓኣኔ።

2

ዔኤሊያሴኮ ሌካ ጫሪንጫ ዔውቲዖ

1 ናንጊና ናንጋ ጎዳ ዔኤሊያሴ ዓልጎ ዠባሬና ሌካ ጫሪንጫ ዔካንዳ ዋዳ ሄላዛ፡ ዔኤሊያሴና ዔልሳዒና ጌልጌላፓ ዔቄ ዳንዳኔ፤ 2 ዔያታ ዳንዳ ጎይሣ ዓኣንቴ ዔኤሊያሴ ዔልሳዒ ኮይላ፡- «ኔኤኒ ሃይካ ዳዔ፤ ታኣኒ ቤኤቴኤሌ ዳንዳንዳጉዲ ናንጊና ናንጋ ጎዳ ታና ዓይሣኔ» ጌዔኔ።

ዔልሳዒ ጋዓንቴ፡- «ናንጊና ናንጋ ጎዳ ሃይቆ! ፔቲታዖ ታኣኒ ኔ ጊዳፓ ዲማዳዓከ!» ጌዔኔ፤ ዩያሮ ዔያታ ዋላ ቤኤቴኤሌ ዳንዳኔ።

1:12 1:12 ሉቃ. 9:34።

3 የኦሲ ማሊያ ኬኤዛያታዎ ዒኢካ ናንጋ ዓሳ ዔልሳዒ ኮይላ ሙካዎ፡- «ናንገና ናንጋ ጎዳ ሃኖ ኔ ጎዳሢ ኔ ኮይላፓ ዲማሲ ዔካሢ ኔኤኒ ዔራ?» ጌይ ያኦጩኔ።

ዔልሳዒ ዒማና፡- «ሂዮ፣ ታ ዔራኔ፤ ጋዓንቴ ዬያ ታኣም ኬኤዚ ሺሪፖቴ!» ጌዔኔ።

4 ዬካፓ ሃሣ ዔኤሊያሴ ዔልሳዒ ኮይላ፡- «ኔኤኒ ሃይካ ደዔ፤ ታኣኒ ዒያርኮ ዴንዳንዳፕዲ ናንገና ናንጋ ጎዳ ታና ዓይሣኔ» ጌዔኔ።

ዔልሳዒ ጋዓንቴ፡- «ናንገና ናንጋ ጎዳ ሃይቆ! ፔቴታዎ ታኣኒ ኔገዳፓ ዲማዳዓኬ!» ጋዓዛ፣ ዋላ ዔያታ ዒያርኮ ዴንዳኔ።

5 ዬኖ ዓጮይዳ ናንጋ፣ የኦሲ ማሊያ ኬኤዛ ዓሳ ዔልሳዒ ኮይላ ሃሣ ሙካዎ፡- «ናንገና ናንጋ ጎዳ ሃኖ ኔ ጎዳሢ ኔ ኮይላፓ ዲማሲ ዔካሢ ኔኤኒ ዔራ?» ጌይ ያኦጩኔ።

ዔልሳዒ ዒማና፡- «ሂዮ፣ ታ ዔራኔ፤ ጋዓንቴ ዒንሣ ታኣም ኬኤዚ ኬኤዚ ሺሪፖቴ» ጌዔኔ።

6 ዬካፓ ዔኤሊያሴ ዔልሳዒ ኮይላ፡- «ኔኤኒ ሃይካ ደዔ፤ ታኣኒ ዮርዳኖሴ ዋሮ ዴንዳንዳፕዲ ናንገና ናንጋ ጎዳ ታና ዓይሣኔ» ጌዔኔ።

ዔልሳዒ ጋዓንቴ፡- «ናንገና ናንጋ ጎዳ ሃይቆ! ፔቴታዎ ታ ኔገዳፓ ዲማዳዓኬ!» ጋዓዛ፣ ዔያታ ዋላ ጎይያ ዴንዳኔ። 7 ዒማና የኦሲ ማሊያ ኬኤዛ ዓሳፓ ደንገታሚ ዓሲ ዔያቶ ገንዖ ዮርዳኖሴ ዋሮ ዴንዳኔ፤ ዔኤሊያሴና ዔልሳዒና ዋሮ ዓጮ ሙካዎ ዔቄኔ፤ የኦሲ ማሊያ ኬኤዛ፣ ደንገታሞ ዓሳንሣ ጋዓንቴ ዔያቶፓ ዳካ ሃኬ ዔቄኔ፤

8 ዬካፓ ዔኤሊያሴ ፔኤኮ ዴኤፖ ኮኦቶ ኬሲ ዔኪ ዋኣያ ዒዛና ጳርቄኔ፤ ዋኣፃ ዬማና ላምዖ ፓቂንቴም ዔኤሊያሴና ዔልሳዒና ዋሮ ፃኣዲ ፒንቄኔ፤ 9 ዒኢካ ዔኤሊያሴ ዔልሳዒ ኮራ፡- «ታ ኔ ኮይላፓ ዔውታንዳሢኮ ቤርታ ታ ኔኤም ዓይጎ ዋደንዶቴያ ታኣም ኬኤዜ» ጌዔኔ።

ዔልሳዒ ዒማና፡- «ኔ ቤዛ ማዳያ ታና ማሃኒ ዳንዳዓ ዓያኖ ጳንጩ ማሃ * ታኣም ዒንጌ» ጌዔኔ።

10 ዔኤሊያሴ፡- «ኔኤኒ ያኦጩ ባካ ዴኤሢ ባኣዚኬ፤ ጋዓንቴ ታኣኒ ኔ ኮይላፓ ዲማዲ ጫሪንጮ ዔውታኣና ኔ ታና ዴንቄቴ ኔኤኒ ያኦጩ ባኮ ዔካኒ ዳንዳዓኔ፤ ኔ ታና ዴንቄባኣቴ ኔ ዔካዓኬ» ጌዔኔ።

11 ዬያ ጌዒ ዔያታ ጌሰቴ ጌሰቴ ጎይያ ዴንዳንቴ ታሚ ፓራ ጎቻ፣ ታሚ ሳርጌላ ያይታ ዔያታ ዔራዋንቴ ባኣኮ ዔያቶኮ ጌሊ ላምዓሢ ዲማሴኔ፤ ዬማና ዓልጎ ዠባሪና ሌካ ጫሪንጮ ዔኤሊያሴ

2:9 2:9 ላሚ. ዋማ 21:17። * 2:9 2:9 ጳንጩ ማሃ ጋዓዛ፡- ዔልሳዒ ጌዔሢ ዔኤሊያሴ ማዲ ማዲ ጳንጩ ማሃ ማዳኒቱዋንቴ ዒሰራዔኤሌ ዓሳ ዲምቦና ቶይዶ ናኣቶም ማዳንታሢፕዲ ዬያ ማዲ ዔኪ ማዳኒኪ፤ (ላሚ. ዋማ 21:17 ዛጌ።)

ዔውቴኔ። 12 ዔልሳዒ ዬያ ቢያ ዛጋዎ፡- «ዒሰራዔኤሌ ዓሶኮ ሳርጌሎ ያይቶና ፓራሢና ማዔ፥ ታ ዓዳሢዮ! ታ ዓዳሢዮ!» ጌዒ ዔኤሊያሴ ባንሢ ዒላቴኔ፤ ዬማፓ ዒዚ ዔኤሊያሴ ላሚ ዴንቁባኣሴ።

ዔልሳዒ ዒማና ሚርጌና ያዬሢሮ ማኣዓሢ ፔኤኮ ዳርዘዛ ላምዖ ቤሲ ፓቁንቴ ዳርዔኔ፤ 13 ዬካፓ ዒዚ ዔኤሊያሴኮ ሳዓ ኬዴ፥ ዴኤፖ ኮኦቶ ዔከ ዴንዳዖ ዮርዳኖሴ ዋሮ ዓጫ ሙከ ዔቁኔ። 14 ዬያ ኮኦቶና ዒዚ ዋኣዖ ጳርቃዎ፡- «ናንገና ናንጋ ጎዳ ማዔ ዔኤሊያሴ ያኦዛሢዮ! ኔ ዋካዳይ?» ጌዔኔ፤ ዬካፓ ላሚ ዋኣዖ ዒዚ ጳርቃዛ ዋኣዖ ፓቁንቴም ዒዚ ሶሱኮ ፒንቁኔ፤ 15 ዒያርኮፓ ሙኬ፥ ያኦሲ ማሊዖ ኬኤ ዘዘንሢ ዒዛ ዛጋዎ፡- «ዔኤሊያሴም ያኦሲ ዒንጌ ዓያኖ ዋልቃ ዒልሳዒም ዒንገንቴ!» ጋዓዎ፥ ዒዛ ኮይላ ሙከ ቦንቾ ዔኤሊሢ ዔኤሊ፡- 16 «ሃይሾ! ሃይካ ዶዲ ዶዲ ዶዲ ዶዲ ዶዲ ዶዲ ዶዲ ኮኡኮ ዓኣኔ፤ ዔያታ ዴንዲ ኔ ጎዳሢ ኮዖንጎ፤ ናንገና ናንጋ ጎዳኮ ዓያና ጎዖንቴ ዒዛ ዔከ ፔቴ ዴካይዳ፥ ሃንጎ ዶኦቹዳ ጌሢያናንዳኔ» ጌዔኔ።

ዔልሳዒ ጋዓንቴ፡- «ዔይዔ፥ ዔያቶ ዳኪፖቴ» ጌዔኔ።

17 ዔያታ ጋዓንቴ ዒዚ ዒፃንዳሢኮ ዋ ካራ ባይዚ ሸኢቁሢሮ ዒዚ ዔኤዓዛ ዶዲንጋም ዓሳ ዴንዲ ሃይሃ ኬሊ ጉቤ ኮዓዖ ዔኤሊያሴ ዴንቃኒ ዳንዳዒባኣሴ፤ 18 ዬካፓ ዒያርኮይዳ ዴዒ ዔያቶ ካፓ፥ ዔልሳዒ ኮይላ ማዒ ሙኬኔ፤ ዔልሳዒ ዒማና፡- «ታ ዒንሢ ዴንዲፖቴ» ጌይባይ?» ጌዔኔ።

ዔልሳዒ ያኦሲ ዋልቆና ማዴ ዲቃሢ ሄርሺሳ ባኮ

19 ዒያርኮይዳፓ ዳካ ዓሲ ዔልሳዒ ኮይላ ሙካዎ፡- «ኦ ጎዳሢዮ! ኔ ዔራሢጉዲ ሃና ካታሜላ ናንገም ኮሺኬ፤ ጋዓንቴ ዋኣዖ ፑርቴሢሮ ኦኡኮ ላኣሎ ቡሊሲ ባሽኔ ቶ» ጌዔኔ።

20 ዬያሮ ዔልሳዒ፡- «ዓከ ያቲዳ ሶኦጌ ዋሢ ታኣም ዔከ ሙኩዋቴ» ጌይ ዓይሣዛ፥ ዒዚ ዓይሢ ጎይዖ ዔያታ ዔከ ሙኬኔ። 21 ዬካፓ ዒዚ ዋኣዖ ዓልቃ ቤዜሎ ዔከ ዓኣዲ ሶኦጎ ዋኣዖይዳ ዋሃዎ፡- «ናንገና ናንጋ ጎዳ ሂዚ ጋዓኔ፤ ታኣኒ ሃያ ዋኣዖ ጌኤሽኔ፤ ሃይካፓ ሴካ ዋዳያና ዓሲ ቡሊሳያና ማዓዓኬ» ጌዔኔ፤ 22 ዔልሳዒ ጌዔሢጉዲ ዬማፓ ዓርቃዖ ዋኣዖ ጌኤሺ ማዔኔ፤

23 ዔልሳዒ ዒማና ዒያርኮፓ ቤኤቴኤሌ ዓኣዳንቴ ጎይዖይዳ ቤኤቴኤሌ ካታማፓ ሙኬ ሚርጌ ናይ ኬሰከ ዑኡዞ ፔኤኮ ዴጊዲ፡-

2:12 2:12 2ካእቶ. ማ 13:14። † 2:19 2:19 ኦኡኮ ላኣሎ ቡሊሲ ባሽኔ ጋዓዛ፡- ፔቴ ፔቴ ማፃእፓ «ሃኣኮ ኦኡኮ ዔቁሲ ዓይሳያ ማዔኔ» ጋዓኔ።

«ሃይ ኔ ባላሢ ሃይ፣ ሃይፕ ዳንዲ ባይቁ!» ጌይ ጌይ ዒዛይዳ ዒላቲኔ።

24 ዔልሳዒ ዒማና ናኣቶ ባንሢ ሺሪ ዛጋፖ ናንገና ናንጋ ጎዳ ሱንፆና ዔያቶ ጋዳንቄኔ፤ ዩያሮ ዲቤ ጌይንታ ላምፖ ዒንዴ ቦፖ ካያፓ ኬሰኪ ዩያቶ ናኣቶ ባእካፓ ያይዲታሚ ላምፖ ናይ ዳይ ማንሢኔ።

25 ዩካፓ ዔልሳዒ ቁርሜሎሴ ዲኮ ኬሰኪኔ፤ ዒኢካ ዳካ ዴዔሰካፓ ሳማሪያ ካታሞ ማዒ ዒ ዴንዴኔ።

3

ዒሰራዔኤሌ ዓሶና ሞዓኣቤ ዓሶና ዋሊ ያሌ ያሎ

1 ዪሁዳ ካኣቲ፣ ዒዮሳፒዌ ካኣታዳንቲ ታጳ ሳላሳ ሌዖና ዓክዓቤ ናኣዚ፣ ዒዮራሜ ዒሰራዔኤሌይዳ ካኣታዳኔ፤ ዒዚ ዒማና ሳማሪያይዳ ናንገ ታጳ ላምፖ ለዔ ዋይሢኔ፤ 2 ዩካፓ ዒዚ ጎሜ ማዲ ናንገና ናንጋ ጎዳ ያዲኔ፤ ያዲ ማዔቴያ ዒዚ ዒዛኮ ዓዶና ዒንዶ፣ ዔልዛቤሎና፡፡። ፑርታ ዓሰቲዋሴ፤ ባዓኣሌ ጌይንታ ሜሌ ያኣዘ ካኣሽካኒ ዒዛኮ ዓዴ ኮሼ ባኮ ዒ ባይዘኔ፤ 3 ያዲ ዒ ማዳያታፖ ዒዛኮ ቤርታ ካኣታዲ ዒሰራዔኤሌ ዓሶ ጎሜይዳ ዔኪ ጌልዘ፣ ናባዌ ናኣዚ፣ ዒዮርቢዓሜ ካኣሽካ ባኮ ካኣሽኪኔ፤ ዩያ ባይዚባኣሴ።

4 ዒማና ሞዓኣቤ ካኣቲ፣ ሜሻዔ ማራይ ቆላያኬ፤ ዒዚ ለዓ ለዓ ፔቲ ዌኤታ ሺያ ዓዴ ማራናይንታ ፔቲ ዌኤታ ሺያ ማራይኮ ጋፓኔ ዒሰራዔኤሌ ካኣቲሞ ገኢራኔ፤ 5 ጋዓንቲ ዒሰራዔኤሌኮ ካኣቲ፣ ዓክዓቤ ሃይቃዛ ሞዓኣቤ ካኣቲ፣ ሜሻዔ ዒሰራዔኤሌሞ ዋይዘ ዒዳኔ። 6 ዒማና ካኣቲ፣ ዒዮራሜ ዑካዲ ሳማሪያፓ ኬሰኪ ፖኦሊሶ ቢያ ፔቲይዳ ቡኩሴኔ፤ 7 ዩካፓ ዪሁዳ ካኣቲ፣ ዒዮሳፒዌ ኮይላ፡- «ሞዓኣቤ ዓጮ ካኣቲ ታኣሞ ዋይዘ ዒዳኔ፤ ታ ያላኒ ጋዓሢር ኔ ታኣና ዋላ ዒዛ ያላንዳ?» ጋዓ ኪኢታ ዳኬኔ።

ካኣቲ፣ ዒዮሳፒዌ ማሃፖ፡- «ሂዮ፣ ታ ኔና ማኣዳንዳኔ፤ ታ ኔ፡፡። ዳኔ፣ ታኣኮ ፖኦሊሳ ኔ ፖኦሊሶ፡፡። ዳኔ፣ ታኣኮ ፓራሢያ ኔ ፓራሢ፡፡። ያላኒ ገኢጌያኬ፤» 8 ጋዓንቲ፡- «ያሎር ዋይና ኑ ዓኣዳንዳይ?» ጌዒ ያኦጮኖ።

ካኣቲ፣ ዒዮራሜ፡- «ዔዶኦሜኮ ዓሰ ናንጉዋ ቦኣሎና ጌዒ ሺሪ ኑ ዴንዳንዳኔ» ጌዔኔ።

9 ዩያሮ ካኣቲ፣ ዒዮራሜንታ ዪሁዳና ዔዶኦሜና ዓጮ ካኣቶንታ ያሎር ኬሰኪኔ፤ ላንካይ ኬሊ ዔያታ ሃንቲሰካፓ ዋኣፃ ዔያቶኮ ጋፔኔ፤ ዔያቶኮ ፖኦሊሶንታ ጫኣና ጫኣና ቆልሞኮዋ ፔቲታፖ ዋኣሢ ባኣያ ማዔኔ። 10 ዩያሮ ካኣቲ፣ ዒዮራሜ፡- «ኦና፣ ሃይሆ ካኣቶ ናንገና

ናንጋ ጎዳ ሞዓኣቤ ካኣቲም ዓኣሢ ሲንገገገገገገገ ሰዴዔ ኦና!» ጌዒ ሲላቲኔ።

11 ዒማና ካኣቲ፡ ዒዮሳፒፍ፡- «ኦኡኒ ናንገና ናንጋ ጎዳ ገኦጪሳንዳ ገኦሲ ማለሢ ከኤዛ ዓሲ ሃይካ ፔቲታፖ ባኣዓዳ?» ጌዒ።

ካኣቲ ዒዮራሜ ፖኦሊሶኮ ሱኡጎይዳፓ ፔቲሰኬይ፡- «ሚና ዔኤሊያሴ ማኣዲ ማዳ፡ ሳፓፄ ናኣዚ፡ ዔልሳዒ ጎፖሰኬይ ሃይካ ዓኣኔ» ጌዒ።

12 ካኣቲ፡ ዒዮሳፒፍ፡- «ዒዚ ጎኔ ገኦሲ ማለሢ ከኤዛያኬ» ጌዒ፤ ዩካፓ ሃይሃ ካኣቶንሢ ዔልሳዒ ከይላ ዴንዴኔ።

13 ዒማና ዔልሳዒ ዒሰራዔኤሌ ካኣቲ፡ ዒዮራሜ ከይላ፡- «ታኣና ኔኤና ዓይጎና ካኣማ ካራ ዓኣይ? ዴንዲ ኔ ዓድንታ ኔ ዒንድንታ ዠኦኦኦ ዠኦ ከይላ ገኦጪ።» ጌዒ።

ካኣቲ፡ ዒዮራሜ ማሃፖ፡- «ያዲቲዋሴ! ኦና ሃይሃ ካኣቶ ሞዓኣቤ ዓጮ ካኣቲም ዓኣሢ ሲንገገገገገገገ ዔኤሊ ዔኪ ዩዔሢ ናንገና ናንጋ ጎዳኬ» ጌዒ።

14 ዔልሳዒ፡- «ታኣኒ ዒዛም ማዳ ናንገና ናንጋ ገኦዛሢ ሃይቆ! ኦና ማኣዲኒ ሙኬ፡ ዪሁዳ ካኣቲ፡ ዒዮሳፒፍ ቦንቺ ማዓንዳኣፓዓቲም ኔኤም ዓይጎ ባኣዚያ ማዳኒ ከይሱዋያታንቲኬ፤

15 ሂንዳ ታኣም ዴንዲ ጎኦላ ዋርቃ ዓሲ ዔኪ ዩዑዋቲ» ጌዒ።

ጎኦሎ ዋርቃሢ ዋርቃዛ ናንገና ናንጋ ጎዳኮ ዋልቁ ዔልሳዒዳ ከይም ዒዚ፡- 16 «ናንገና ናንጋ ጎዳ ሂዚ ጋዓኔ፤ ሂያ ዋኣፃባኣ ዛርይዳ ቢያ ዔቲ ቦኦኩዋቲ፤ 17 ዒርዘንታ ዠባሬንታ ጴዲባኣያ ማዔቲያ ሃይ ዛራ ዋኣሢ ኩማንዳኔ፤ ዒንሢንታ ዒንሢኮ ቆልሞንታ ጫኣኖ ጫኣና ቆልሞንታ ቢያ ዑሽካንዳ፤ ጊዳ ዋኣሢ ዒንሢ ዴንቃንዳኔ» ጌዒ።

18 ዩያይዲፃ ናንገና ናንጋ ጎዳም ሸሌዔኬ፤ ዩያ ሌሊቲዋንቲ ሞዓኣቤ ዓሶዋ ገሎና ዒንሢ ዒዚ ባሽሲሳንዳኔ።

19 ዙሎ ከልቁ ዲርቆና ሚዛጰ ካታሞዋ ዔያቶኮ ገሊ ባሽ ዒንሢ ዓርቃንዳኔ፤ ዔያታ ቲኬ፡ ዓኣፖ ዓኣፓ ሚፖዋ ዔያቶኮ ዒንሢ ቲቃንዳኔ፤ ዔያቶም ዋኣፃ ዓልቃ ቤዘዋ ዒንሢ ሲንሢ ባይዘንዳኔ፤ ማሎ ጎዠዋ ዔያቶኮ ዒንሢ ሹቺ ኩሊ ፑርቲሳንዳኔ» ጌዒ።

20 ዚሮ ጉቲሎ ገኦሲም ዒንጎ ባኮ ዒንጎ ዎዶ ማዓኣና ዔዶኣሚ ባንፃና ዋኣሢ ጎሲ ሙካፖ ሳፖ ባይዘኔ።

21 ዒማና ሞዓኣቤ ዓሳ ቢያ ሃይሃ ካኣታ ዔያቶ ገላኒ ሙኬሢ ዋይዘፖ ጋርቶይዳፓ ዴንዲ ዴጌ ናኣቶ ሄላንዳኣና ገልዚ ዓንጋሞና ገላ ዓሲ ቢያ ዔኤሊ ከሲ ዓጮኮ ዛጰ ካፔኔ፤ 22 ዚሮ ጉቲሎ ዔያታ ጉቲ ዓማ ዔቁ ዛጋንቲ ዋኣፃይዳ ዓባ ፖዓዛ ዩይ ሱጉሢ ዔያቶም ማለኔ፤

23 ዩያሮ ዔያታ ዑኡዘ ፔኤኮ ዴጊዲ፡- «ሃይ ዔዛታ ሱጉሢኬ! ኦ

ሞርኮ ማዔ፡ ሃይሣ ካእቶኮ ፖኦሊሳ ዋሊ ጨርኪ ጨርኪ ኩርሴኔ፤ ዬያሮ ኦኦኒ ዳንዲ ዔያቶ ባኮ ቡሮም» ዋሊ ኮይላ ጌዔኔ።

24 ዬካፓ ዔያታ ጉርዶ ሙኪ ሃላዛ ዒሰራዔኤሌ ዓሳ ዔቂ ዔያቶ ያለዎ ዳውሲ ማሂ ዳኮኔ፤ ዒሰራዔኤሌ ዓሳ ዒማና ዓጮ ጉቤ ዓርቂ ሞዓኣቤ ዓሶ ዋዲ ኩርሴኔ፤ 25 ካታሞዋ ዔያቶኮ ደይሲ ባይዜኔ፤ ዔያቶኮ ማሎ ጎዡይዳና ዓኣዳዎ ፔቴ ፔቴ ዒሰራዔኤሌ ዓሳ ሹቹ ሹቹ ዔኪ ጎዡ ጋራ ኬኤራሢሮ ጋፒንፃ ጎዡ ዔያቶኮ ቢያ ሹቹ ሌሊ ማዔኔ፤ ዓልቃ ዋእዎዎ ዔያታ ሲንሣኔ፤ ሙዎ ሚያ ዓእፖዋ ቢያ ተቁኔ፤ ዒማና ዓጮኡኮ ጳኤፖ ካታሞ ማዔ፡ ቂሪሄሪሴ ሌሊ ዓቴኔ፤ ሹጮና ዋሪ ያላ ዓሳ ዬናዎ ማንጊ ያሌኔ።

26 ሞዓኣቤ ዓጮ ካእቲ ያሎና ባሺንቴሢ ዔራዎ ጩንቻ ዓፓር ቱኬ ለንካይ ጻኤታ ዓሲ ዔኪ ሞርካ ያሎሮ ዔቂ ዛሎና ቶሊ ኬሰኪ ሶኦሪያ ካእቲ ኮይላ ዓኣዳኒ ጌዔንቴ ፔቴታዎ ዒዛም ዳንዳዒንተባኣሴ። 27 ዬያሮ ዒዛ ቤዛ ካእታዳኒ ዳንዳዓ፡ ዒዛኮ ቶይዶ ናዓሢ ካታሜሎኮ ኬኤሎ ዲፆይዳ ሚቹ ዒንጎ ባኣዚ ማሂ ሞዓኣቤ ያኦሲም ዋዲ ሺኢሹኔ፤ ዬያ ዒ ማዳ ባካ ዒሰራዔኤሌ ዓሶኮ ዑሰካ ጌሌሢሮ ማዒ ፔ ዓጮ ዳንዴኔ።

4

ዔልሳዒ ዜኤሮ ዒንዳሎ ማኣዳሢ

1 ዓኒ ያኦሲ ማሊያ ኬኤዛ ዓሶ ባኣካ ዓኣያታዎ ሃይቁ፡ ፔቴ ዜኤሪንዶሰኬና ዔልሳዒ ኮይላ ሙኪ፡- «ታ ጎዳሢያ! ታኣኮ ዓኒ ሃይቁያኬ! ኔ ዒዛ ዔራሢጉዲ ዒ ያኦሲ ዒጊጫ ዓሲኬ፤ ዒዚ ቤርታ ሚኢሹ ታልዒ ዔኬ፡ ፔቴ ዓሲሰኬይ ፔኤኮ ጋሎ ዛሎ ታኣኮ ላምዎ ዓትንቆ ናኣቶ ዔኪ ዓይሌ ማሃኒ ኮዓኔ» ጌዒ ኬኤዜኔ።

2 ዔልሳዒ፡- «ታ ኔኤም ዓይጎ ዎዳንዳጉዲ ኔ ኮዓይ? ኔ ማኣራ ዓይጌ ዓኣቲ ሂንዳ ታኣም ኬኤዜ» ጌዒ ዒዛ ያኦጩኔ።

ዒዛ ማሃዎ፡- «ዳካ ያቲዳ ዓኣ ሪሚቲ ዛይቲሰኬንሢፓ ዓታዛ ሚሌ ዓይጌያ ባኣሴ» ጌዔኔ።

3 ዔልሳዒ ዒዛም፡- «ኔ ዓሺኖ ኮይላ ዳንዲጋፓ ኔ ዳንቃኒ ዳንዳዔሢጉዳያ ያቲ ሺኢቂ ዔኬ፤ 4 ኔ ዔኬሰካፓ ኔኤና ኔ ናኣቶና ጋሮ ጌላዎ ካሮ ዒንሢ ዑፃ ዎዲዎቲ፤ ዳኮ ያቶይዳ ዓኣ ዛይቶንሢ ዒንሢ ዔኪ ዬዔ ያቶይዳ ዋሁዎቲ፤ ፔቴ ፔቴ ያታ ኩማዛ ሺኢሹ ሺኢሹ ጌሡዎቲ» ጌዔኔ።

5 ዬያሮ ላኣሌላ ፔ ማኣሪ ዳንዲ፡ ፔ ናኣቶና ዋላ ጋሮ ጌሊ ካሮ ዔያቶ ዑፃ ዎዳኔ፤ ዬካፓ ዛይታ ዓኣ ዳኮ ያቲሎ ዔካዎ ናኣታ ዒዛም ያቶ ዔኪ ዔኪ ሙካዛ ዛይቶ ዋሂ ያቶ ቢያ ኩንሣኔ። 6 ያታ ቢያ

ኩሜሰካፓ፡- «ሜሌ ዖቲ ዓኣ?» ጌዒ ዒዛ ፔኤኮ ናኣቶ ዖኦጫዛ፡ ናኣቶፓ ፔቴሰኬይ፡- «ሜሌ ዖቲ ባኣሴ» ጌዒኔ። ዩካፓ ዛይታ ዖቶማፓ ሸኦቲያ ሃሺኔ።⁷ ዒዛ ዖኦሲ ማሊያ ኬኤዛ፡ ዔልሳዒ ኮይላ ዴንዴኔ፤ ዒዚ ዒዛም፡- «ዓካሪ ዛይቶ ሻንቺጋፓ ጋሎ ጉቤ ጨጌ፤ ነናንታ ናኣቶንታም ዩያፓ ዑሣ ዓኣዳ ሚርጌ ሚኢሹ ዓታንዳኔ» ጌዒኔ።

ዔልሳዒና ሱኔሜ ካታማ ናንጋ ዖርጎጮ ላኣሌሎና

⁸ ዔልሳዒ ፔቴ ኬሊ ዖርጎቹ ላኣሊሰኬና ናንጋ፡ ሱኔሜ ጌይንታ ካታማ ዴንዴኔ፤ ዒማና ዩና ላኣሌላ ዒዛ ሙኡዚ ሙዓንዳጉዲ ፔ ማኣሪ ዔኤሌኔ፤ ዩማ ኬላፓ ዓርቃያ ሱኔሜ ካታም ዒ ሙካባ ሙካባ ሲያ ኬሊ ዒዛ ማኣራ ሙዓኔ፤⁹ ዩካፓ ላኣሌላ ዓኒ ኮይላ፡- «ሃኖ ካታም ሙካባ ሙካባ ኑ ማኣሪ ሙካ ዓሣሣ ዖኦሲም ዲማዴያ፡ ዖኦሲ ዓሲ ማዔሣ ጎኔ ታ ዔሬኔ፤¹⁰ ዩያር ኩቦ ጋርይዳ ፔቴ ዳካ ቆልዓ ገኢጊሺጋፓ ዒኢካ ፔቴ ዓርሳ፡ ፔቴ ዴጌ ሎኦዢ ዖይታ፡ ፔቴ ዴጋ ዖይታና ፖዒ ዒዚ ፖዒሳንዳጉዲ ፔቴ ፓኖሴያ ኑኡኒ ጌሦም፤ ዒዚ ኑና ዛጋጊ ሙካ ዎዶና ሲያ ዩና ዒዛም ዎይሣ ሴሲ ማዖንጎ» ጌዒኔ።

¹¹ ገንፃኣ ዓቦ ሃሣ ዔልሳዒ ሱኔሜ ካታም ሙካባ ዔያቶ ማኣሪ ዩዒ ዒዛም ገኢጊሻና ቆልዖ ኬኤዔሎ ጌሊ ሃውሹኔ፤¹² ዒዛም ማዴ ማዴያ፡ ጊያዜ ጎዖሰኬያ ኮይላ ዒዚ፡- «ዴንዲ ሃኖ ማኣሪ ዒንዴሎ ዔኤሌ» ጌዒኔ፤ ዒዛ ዒማና ሙኪ ዒዛ ቤርታ ዔቄኔ፤¹³ ዒዚ ጊያዜም፡- «ዒዛ ኑም ማዴ ኮዡ ባኮር ሲያ ኑ ዒዛም ዓይጎ ማዴንዳጉዲ ዒዛ ኮዓቲያ ሂንዳ ዒዛ ዖኦጫ፤ ጎዖንቴ ታኣኒ ካኣቲ ኮይላ፤ ሃንጎ ፖኦሊሶ ሱኡጋሣ ኮይላ ዴንዲ ኬኤዛም ጋዓ ባኣዚ ዒዛ ናንዳኔ» ጌዒኔ።

ዒዛ፡- «ታኣኒ ሃይካ፡ ታ ዒጊኖ ባኣካ ናንጋሣር ፔቴታዖ ታና ሜታ ባኣዚ ባኣሴ» ጌዒኔ።

¹⁴ ሃሣ ዔልሳዒ ጊያዜ ኮይላ፡- «ታ ዒዛም ዓይጎ ማዴቴ ኮሽካንዳይ?» ጌይ ዖኦጫኔ።

ጊያዜ፡- «ዒዛኮ ናይ ባኣዎይ፤ ዒዛ ናይ ሾውዋንቴና ዓኒ ጋርቹኔ» ጌዒኔ።

¹⁵ ዔልሳዒ ዒማና፡- «ዒዛ ሃኒ ሙኮም ኬኤዜ» ጌይ ጊያዜ ዓይሣም፡ ዒዛ ሙኪ ካሮ ዓጫ ዔቄኔ፤¹⁶ ዔልሳዒ ዒዛም፡- «ሙካ ሊዖ ሃይማ ዎዶ ዓቲንቄ ናይ ኔኤኒ ጎዳንዳኔ» ጌዒኔ።

ዒዛ ዑኡዞ ዴጊዲ፡- «ታ ጎዳሣኖ! ኔኤኒ ዖኦሲ ዓሲኬ፤ ማዓኑዎ ዎዛ ባኣዚ ታኣም ኬኤዚፓ!» ጌዒኔ።

4:16 4:16 ማኸ. ማፃ 18:14።

17 ጋዓንቴ ዳካ ዓገረኩ ገንፃ ዒዛ ጎጳጴይ፤ ዔልሳዒ ኬኤዜ ዎደሚ፣ ሄሊሴ ሌዎማካ ዓተንቄ ናይ ዒዛ ሾዔኔ።

18 ዩካፓ ናዓሢ ዑጌኔ፤ ፔቴ ኬሊ ማአሊ ቡሪሢ ዎደና ዩይ ናዓሢ ዓዶ ኮራ ጎዡ ዳንዴኔ፤ ዓዴ ዒማና ጎዡደ ዓሲና ዎላ ሃአኮ ጮኦራኔ። 19 ዒኢካ ዩይ ናዓሢ ዔርቲባኣንቴ፡- «ቶኦኪ ቆፃኔ! ቶኦኪ ቆፃኔ!» ጌይ ዓዶ ኮይላ ዒላቴኔ።

ዩያር ዓዳሢ ዒዛኮ ዓይሎፓ ፔቴሰኬያ ዔኤላዎ፡- «ናዓሢ ኬዲ ዔኪ ዒንዶ ኮይላ ዓአዳ» ጌይ ዓይሢኔ። 20 ዩያር ዩይ ዓይላሢ ናዎ ኬዲ ዔኪ ዳንዲ ዒንዶም ዒንጋዛ፣ ዒንዳ ዓርቂ ዴዒ ዓኣንቴና ዓባ ሳዛ ማዓኣና ናዓሢ ሃይቄኔ፤ 21 ዩካፓ ዒንዴላ ናዎኮ ሌዞ ዔኪ ዔልሳዒም ገኢገሸና ቆልዎይዳ ጌልዚ ዒዛኮ ዓርሳ ላይሣዎ ካር ዎዲ ሃሺ ኬሰኬኔ። 22 ዩያይዳሰካፓ ዒዛ ዓኒ ዔኤላዎ፡- «ፔቴ ዓይሌና ሃሪና ታኣም ዳኬ፤ ታኣኒ ያኦሲ ዓሢ ኮይላ ዓኣዳንዳኔ፤ ኔጉዎዎ ታ ገንሣ ዩዓንዳኔ» ጌዒ ኪኢታ ዳኬኔ።

23 ዓኒ ጋዓንቴ፡- «ሃኖ ኔኤኒ ዓይጋ ዓኣዳይ? ሃኖ ሃውሾ ኬሊቱዎሰ፤ ገንሣ ሃሣ ዓገረ ጸኤሪ ቦንቾ ኬሊያቱዎሴ» ጌዔኔ።

ዒዛ ማሃዎ፡- «ሜታ ባኣሴ፤ ታ ኔኤም ጌዒማ ጎይዎ ማዴ» ጌዔኔ፤ 24 ዒዛ ሃር ኮኦሪሰካፓ ዓይላሢ፡- «ሃር ሩኡሪ ሩኡሪ ዒሺ፤ ታ ዓይሣባኣንቴ ሃር ታሢ ዒሺፖ» ጌይ ዓይሢኔ። 25 ዒዛ ዒማና ዔልሳዒ ዓኣ፣ ቄርሜሎሴ ዲኮ ዳንዲ ኬሰኬኔ።

ዒዛ ሃገ ሃኬ ዓኣንቴ ዔልሳዒ ዒዛ ዳንቃዎ ዒዛኮ ዓይላሢ፣ ገያዜ ኮይላ፡- «ሃኣሶ ዛጌ! ሱኔሜ ካታም ላኣሌላ ሃንጋ ሙካኔ! 26 ዑካዲ ዳንዲጋፓ ዒዛንታ ዓኒንታ ናዎንታ ዎዚታቴያ ያኦጩ» ጌዔኔ።

ዒዛ ገያዜም፡- «ኦ ቢያሢ ኮሺ ዓኣኔ» ጌዔኔ። 27 ዩካፓ ዒዛ ዔልሳዒ ቤርቶ ሙካዎ ሳዎይዳ ሂርኪ ጌዒ ቶኮ ዒዛኮ ዓርቄኔ፤ ዒማና ገያዜ ሂዒ ዒዛ ሺኢሻኒ ጋዓዛ ዔልሳዒ ጋዓንቴ፡- «ሃሺ፤ ዎዚም ዒዛ ሜታዲ ሙኬቴያ ኔኤም ዔርቱዎዓዳ? ናንገና ናንጋ ጎዳ ዒዛ ዛሎ ባኣዚ ታኣም ኬኤዚ ፔጋሲ ዳውዎዎ ዓይጋ ሃሺቴ ታኣኒ ዔራኒ ዳንዳዒባኣሴ» ጌዔኔ።

28 ሱኔሜ ካታም ላኣሌላ፡- «ታ ጎዳሢዮ! ናይ ታኣም ኔ ዒንጋንዳጉዲ ታ ኔና ያኦጩያ? ማዓኡዎ ዎዛ ባኣዚ ታኣም ኬኤዚፖ» ታ ኔኤም ጌይባኣዓዳ?» ጌዔኔ።

29 ዩካፓ ዔልሳዒ ገያዜ ባንሢ ሺራዎ፡- «ዑኬና ዔቂ ታ ኮኣሎ ዔኪ ዳንዴ! ፔቴ ዓሲታዎ ዔኤላሢ ዔኤላኒ ጎይዎ ዔቂ ኔገፖ፤ ዓይጎ ዓሲያ ኔና ዔኤላሢ ዔኤላቴ ማሂ ዔኤላዎ ዔካኒ ኔገፖ፤ ዚቲጋዓዎ ዳንዲ ታኣኮ ኮኣሎ ናዎኮ ባሊቶና ፒዜ ናዎኮ ዑፃ ጌሢ!» ጌዔኔ።

30 ናዓሢኮ ዒንዴላ ዔልሳዒ ኮይላ፡- «ታኣኒ ጉሙርቃ፥ ናንጊና ናንጋ ጎዳሢ ሃይቆ! ሃሣ ኔ ሃይቆ! ማሊ ታ ኔና ሃሺ ዓኣዳዓኬ!» ጌዔኔ፤ ዩያር ዒዚ ዒዛ ገንዖ ዓኣዳኒ ዔቁኔ፤

31 ዒማና ጊያዜ ዔያቶኮ ቤርታ ቤርታ ዴንዳዖ ዔልሳዒኮ ኮኦ ናዖኮ ባሊቶና ፒዜ፥ ናዖ ዑፃ ጌሣኔ፤ ጋዓንቴ ዋይዚንቴ ዑኡሲያ ማዖም ዳቃንዳ ማላታ ጴዲባኣሴ፤ ዩያር ማዒ ዔልሳዒ ኮይላ ሙካዖ፡- «ናዓሢ ሶያኒ ዳንዳዒባኣሴ» ጌዔኔ።

32 ዩካፓ ዔልሳዒ ሙካዖ ቆልዖ ጋር ጌሊ፥ ናዓሢ ሃይቁም ዒዛኮ ዓርሶይዳ ሌዛ ላይሆናንቴ ዴንቁኔ፤ 33 ዒዚ ዒማና ቆልዖ ጋር ጌላዖ ናዓሢኮ ሌዛና ፔኤና ዑፃ ካር ዋዲ ያኦሲ ሸኢቁኔ። 34 ዩካፓ ፔ ዳንጎ ናዓሢ ዳንጎና፥ ፔ ዓኣፖ ናዓሢ ዓኣፖና፤ ኩጮዋ ናዓሢ ኩጮና ዋላ ካንሢ ናዓሢ ዑፃ ፔና ሃሽኔ። ዔልሳዒ ናዓሢ ዑፃ ፔና ሃሻዛ ናዓሢኮ ዑፃ ያይዲሢ ዓርቁኔ። 35 ዒማና ዔልሳዒ ዔቁ ቆልዖ ጋራ ሴካ ሃንጋ ሃንታዖ ላሚ ገንሣ ናዓሢ ዑፃ ፔና ሃሽኔ፤ ዩያር ናዓሢ ላንካይ ማይንቴ ሂዲሸካዖ ዓኣፖ ቡሌኔ። 36 ዔልሳዒ ጊያዜም፡- «ናዓሢኮ ዒንድ ዔኤሌ» ጋዓዛ፥ ዒዛ ሙኬም ዔልሳዒ፡- «ናዖ ኔኤኮ ሃኣዛጌ!» ጌዔኔ። 37 ዒዛ ዒማና ዔልሳዒኮ ቶካ ሎኦሚ፥ ሳዓ ላሃኔ፤ ዩካፓ ዒዛ ፔኤኮ ናዓሢ ዔኪ ዴንዴኔ።

ያኦሲ ዋልቁና ማዲንቴ ላምዖ ዓኪ ባኣዚ

38 ፔቴና ዔልሳዒ ጌልጌላ ሙካንቴ ዓጩሎይዳ ዴኤፒ ናይዚ ዓኣኔ፤ ዒኢካ ዒዚ ያኦሲ ማሊዖ ኬኤዛ፥ ቡኬ ዓሶ ዔርዚሢሢ ዳኣዖ ዒዛኮ ዓይላሢ፡- «ዴኤፒ ያቴ ዴይሢ ዋዩ ዔያቶም ዋዩ» ጌይ ዓይሣኔ። 39 ዒማና ዩያቶ፥ ያኦሲ ማሊዖ ኬኤዛ ዓሶፓ ፔቴሰኬይ ሳኣሚ ማንፃኒ ቡኦሎ ዴንዴኔ፤ ዒዚ ካዮይዳ ባልጊ ዓኣ ጉሲ ዴንቁኔ፤ ዒዚ ኬዳኒ ዳንዳዒሳጉዴያ ዲቢ ጉሲ ዒላሸ ማንፃ ዔኪ ሙኬኔ፤ ዩይ ዓይጎ ሳኣሚታቴያ ዔሩዋዖ ጨርኪ ያታ ዓጌኔ፤ 40 ዩካፓ ያኦሲ ማሊዖ ኬኤዛ ዓሳ ሙዓንዳጉዲ ዒንጎና ዋዖ ኩኡሊ ዛጋዖ፡- «ሃያ ዋዖይዳ ዋዳ ዴኤሻ ዓኣኔ!» ጌዒ ዔልሳዒ ኮይላ ዒላቴኔ፤ ሙዓኒያ ዳንዳዒባኣሴ፤ 41 ዔልሳዒ ዒማና ዓሳ ዒዛም ዲኢሊ ዒንጋንዳጉዲ ያኦጪ ዔኪ ያቶይዳ ዋሃዖ፡- «ዋዖ ዱይ ዱይ ዋሃ» ጌይ ዓይሣኔ፤ ዒማና ዋዖይዳ ፔቴታዖ ጩንቃ ባኣዚ ባኣያ ማዔኔ፤

42 ፔቴ ኬሊ ሃሣ ቤዓልሻሊሻ ጌይንታ ቤሰካፓ ማኣሎ ቡር ዋዶና ቤርታዲ ሸርኪንቴ ዔልዓፓ ላኣዲንቴያ ላምታሚ ሙሊሢ ላኣዳና ቴሸና ዋላ ፔቴ ዓሲሰኬያ ዔኪ ዔልሳዒም ሙኬኔ፤ ዔልሳዒ ዒማና፡- «ያኦሲ ማሊዖ ኬኤዛ፥ ቡኬ ዓሶም ዒንጌ፤ ዔያታ ሙዖንጎ»

ገይ ዒዛኮ ዓይላሢ ዓይሣኔ። 43 ዓይላሢ ጋዓንቴ፡- «ሃንሢ ጃኤታ ዓሲም ገዳንዳያ ኔኤም ማላ?» ገዒ ዖኦጮኔ።

ዔልሳዒ፡- «ዔያታ ሙዖም ዒንገ፤ ዔያታ ሙዒ ሚሽካንዳሢ ሌሊቱዋንቴ ደምባ ዓታንዳሢና ናንገና ናንጋ ጎዳ ታኣም ከኤዜኔ» ገዔኔ። 44 ዔያሮ ዔልሳዒኮ ዓይላሢ ዔንሢ ዳኮ ሙዖንሢ ዓሲም ሺኢሾኔ፤ ናንገና ናንጋ ጎዳ ገዔ ጎይዖ ቢያሢ ሙይ ሚሽካዛ ደምባ ዓቴኔ።

5

ኒዒማኔ ጎዖ ዓሢኮ ደርዓሰካፓ ዳቂዖ

1 ናንገና ናንጋ ጎዳ ኒዒማኔ ዛሎና ሶኦሪያ ዓጮ ፖኦሊሳ ዖሎና ባሻንዳጉዲ ማሃሢሮ ሶኦሪያ ዓጮ ካኣቴ ዒዛኮ ፖኦሊሶ ሱኡጋሢ፤ ኒዒማኔ ኮሺ ናሽኪ ደንዛ ዒዛ ማሃ ዓኣኔ፤ ኒዒማኔ ያዲ ዖልዚና ዔርቴያ ማዔቴያ ዑፃ ኬሰካ ደርዓሢ ዒዛ ዓርቂ ሜታሳያኬ።

2 ሶኦሪያ ዓሳ ዒሰራዔኤሌ ዓሶ ዖሌ ዋደና ዲዒ ዔከ፡ ፔቴ ዳካ ዉደሮ ናይሰከና ዓኣኔ፤ ዔና ናዔላ ኒዒማኔ ማቕም ማዶ ማዲቤቃ፡

3 ፔቴ ኬሊ ዒዛ ዒዛኮ ዒንዶ ማዔ፡ ኒዒማኔ ማቕ ኮይላ፡- «ታ ጎዳሢ፡ ኒዒማኔ ሳማሪያይዳ ዓኣ ዖኦሲ ማሊዖ ኬኤዛሢ ኮይላ ዓኣዳቴ ኮሺ ማላኔ! ዔይ ዖኦሲ ማሊዖ ኬኤዛሢ ዑፃ ኬሰካ ደርዓሰካፓ ዒዛ ፓሢኒ ዳንዳዓኔ!» ገዔኔ። 4 ዔያ ኒዒማኔ ዋይዛዖ ካኣቴ ኮይላ ዴንዲ ዉደሮ ናዔላ ገዔ ባኮ ቢያ ኬኤዜኔ፤ 5 ዔያሮ ካኣቴ፡- «ሃያ ታኣኒ ፃኣፔ ኪኢቶ ዔኪ ዒሰራዔኤሌ ካኣቴ ኮይላ ዴንዴ» ገዒ ዴንዳጎዳጉዲ ዓይሣኔ።

ዒማና ኒዒማኔ ሃይሣ ጃኤታና ዖይዲታሚ ኪሎ ገራኣሜ ማዓ ሹቕ ቢራ፤ ላንካይታሚ ኪሎ ገራኣሜ ማዓ ዋርቁንታ ሚርጌ ሚዛዳያ ላኣሚ ላኣሚ ማይንቶያ ታጾ ዴማ ዴማ ማኣዖ ጫኣኒ ዔኪ ዴንዴኔ፤ 6 ዒዚ ዔኪ ዴንዴ ኪኢታ፡- «ሃይ ታ ኔኤም ፃኣፔ ባካ ታኣኮ ፖኦሊሶኮ ሱኡጋሢ፤ ኒዒማኔ ዛሎ ኬኤዛያኬ፤ ዒዛኮ ዑፃ ኬሰኪ ዓኣ ደርዓሰካፓ ኔ ዒዛ ገኤሺ፤ ፓሣንዳጉዲ ታ ኮዓኔ» ጋዓያኬ።

7 ዒሰራዔኤሌ ካኣቴ ዔያ ኪኢቶ ናባባዖ ዳጋና ፔኤኮ ማኣዓሢ ደርዜኔ፤ ዑኡዞዋ ፔኤኮ ዴገዲ፡- «ሃያ ዓሢ ታኣኒ ፓሣንዳኔ ገዒ ሶኦሪያ ካኣቴ ዋይቴ ማሌይ? ታኣኒ ሃያ ዓሢ ሃያ ደርዓሰካፓ ፓሣንዳያኮ ዓሲ ዋዳኒና ዳቂሻኒ ዳንዳዓ ዖኦሲ ታ ዒዛም ማሊያ? ጎኔና ሃይ ገኤዛ ታኣና ዋላ ዒ ፑርቴሢሮ ኮዓያታሢ ፔገና ዔርዛኔ!» ገዔኔ።

8 ዖኦሲ ማሊዖ ኬኤዛ፡ ዔልሳዒ ዔያ ባኮ ቢያ ዋይዛዖ ካኣቴ ኮይላ ኪኢታ ዳኪ፡- «ማኣዓሢ ኔኤኮ ኔ ዓይጋ ደርዜይ? ዓሢ

ታ ከይላ ዳኬ፤ ታኣኒ ዒሰራዔኤሌይዳ ያኦሲ ማሊሢ ከኤዛ ዓሲ ዓኣያታሢ ዒዛ ዔርዛንዳኔ!» ጌዔኔ።

9 ዬያር ኒዒማኔ ፓራሢ ጎቻ፡ ሳርጌሎ ያይቶ ቶጊ ዔልሳዒ ማኣሪ ጌላ ካር ሄላዎ ዔቁኔ። 10 ዔልሳዒ ዒማና ፔኤኮ ዓይላሢ ዔኤላዎ፡- « ዳንዲ ዮርዳኖሴ ዎርይዳ ላንካይ ማይንቲ ጌሊ ጌሊ ማሰቲ፤ ደርዓሰካፓ ጋፒ ኔኤኒ ጌኤሽካንዳኔ» ጌይ ዒዛም ከኤዜ» ጌዔኔ።

11 ኒዒማኔ ጋዓንቲ ዳጋዲ ፔ ዓጮ ጊንሣ ማዒ ዳንዳኒ ዔቁኔ፤ ዒዚ ሂዚ ጌዒ ጉንዳሜኔ፡- «ታኣኒ ማሌሢ ያኦሲ ማሊያ ከኤዛ ዓሢ ታ ከይላ ሙኪ ያኦሲ ታኣም ሸኢቁ፤ ሃሣ ታኣኮ 0-9 ከሰኬ ደርዓሢ ዓኣ ቤዛ ኩጮ ጌሢ ፓሣንዳኔ ጌይከ! 12 ዋኣሢና ማማሰቶያታቲ ዒሰራዔኤሌ ዓጮይዳ ዓኣ ዎርይዳፓ ባሽ ታ ዓጮ፡ ዳማሰቆይዳ ዓኣ ዓባኣና ፓርፓሪና ባሽቱዋዓዳ? ያዲታቲ ዎንዳ ዬያቶይዳ ማሰቲ ታኣኒ ጌኤሽኩዋይ!»

13 ዒማና ኒዒማኔኮ ዓይላ ዒዛ ኮይላ ሙካዎ፡- «ኑ ጎዳሢዮ! ያኦሲ ማሊያ ከኤዛ ዓሢ ሜሌ ዴኤፒ ባኣዚ ኔ ማዳንዳጉዲ ዓይሢቲ ኔ ማዳዓዳ? ሂዳዎ ሃሢ ያኦሲ ማሊያ ከኤዛሢ ዓይሢ ጎይዎ ማሰቲ ደርዓሰካፓ ጌኤሽኪ ዳቁፃ ዎይቲ ኔኤም ዳኤጃይ?» ጌዔኔ። 14 ዬያር ኒዒማኔ ያኦሲ ዓሢ ዓይሢ ጎይዎ ዮርዳኖሴ ዎር ከዲ ላንካይ ማይንቲ ጌሊ ከሰኪ ከሰኪ ማሰቲ፤ ደርዓሢፓኣ ጌኤሽኪ ዳቁኔ፤ 0-9 ዒዛኮ ዳካ ናይ 0-ሢጉዲ ጌኤሽኪ ዳቁኔ፤

15 ዬካፓ ዒዚ ዒዛና ዎላ ዓኣ ዓሰንታ ዎላ ያኦሲ ዓሢ ከይላ ሙካዎ፡- «ዒሰራዔኤሌ ያኦሲፓ ዓታዛ ሜሌ ያኦሲ ባኣሢ ዓካሪ ታ ዔሪኔ፤ ዬያር ታ ጎዳሢዮ! ሃዳራ ሃያ ታ ኔኤም ዒንጋ ባኮ ዔከ» ጌዔኔ።

16 ዔልሳዒ፡- «ታ ዒዛም ማዳ፡ ናንጊና ናንጋ ጎዳ ሃይቆ! ዓይጎ ባኣዚያ ታኣኒ ዔካዓከ» ጌዔኔ።

ኒዒማኔ ጋዓንቲ ዒዚ ዒንጋ ባኮ ዔካንዳጉዲ ሃሾ ዓዲ ሸኢቁንቲያ ዔልሳዒ ዔኤዒባኣሴ፤ 17 ኒዒማኔ ዒማና፡- «ታ ዒንጋ ባኮ ኔ ዔኮ ዒፃቲ ላምዎ ባቁሎና ዓጪ ታኣኒ ሃይፓ ጫኣኒ ዔኪ ዓኣዶም፤ ዓይጎር ጌዔቲ ሃይማፓ ዓርቃዎ ናንጊና ናንጋ ጎዳም ሌሊ ማዓንዳኣፓዓቲም ሜሌ ያኦዛም ሚቺ ዒንጎ ዒንጊሢና ሜሌ ዒንጊሢያ ፔቲታዎ ታኣኒ ዒንጋዓከ፤ * 18 ዬያር ታኣኒ ታ ዓጮ ካኣቲና ዎላ ሪሞኔ ጌይንታ፡ ሶኦሪያ ዓጮ ያኦዛሢ ካኣሽከንታ ማኣር ጌሊ

5:14 5:14 ሉቃ. 4:27። * 5:17 5:17 ሚናኣ ዎደና፡- «ፔቲ ዓጪኮ ያኦሲ ዒዛ ዓጪሎፓ ዔከንቲ ዓጪና ማኸና ዒንጎ ቤሲዳ ካኣሽከንታኒ ኮይሳ» ጌዒ ዓሳ ጉሙርቃሢር ኒዒማኔ ዓጮ ዒሰራዔኤሌይዳፓ ጫኣኒ ዓኣዳኒ ማሌኔ።

ዲዛም ዚጌያ ማዕቲያ ናንገና ናንገ ጎዳ ታኣም ዓቶም ጋዓንዳሢ ታ ጉሙርቃኔ፤ ጎኔ ዲ ታኣም ዓቶም ጋዓንዳኔ» ጌዔኔ።

19 ዔልሳዒ ዒዛ፡- «ኮሺ ዳንዳ!» ጌዔም ዒዚያ ሳራሢ ዳንዳ።

ዒዚ ዒማና ዳካ ሃኪ ዳንዳዛ፡ 20 ዔልሳዒኮ ዓይላሢ፡ ጌያዜ፡- «ታ ጎዳሢ ዔኤቢ ፔቲታዎ ጨጌሱዎም ኒዒማኔ ጉሪ ዳዳከባይ! ዩይ ሶኦሪያ ዓሣሢ ዒዛም ዒንጌ ባኮ ዒዚ ዔዔካንዳዎ ዓቲኔ፤ ናንገና ናንገ ጎዳ ሃይቆ! ታ ዩያ ዓሢ ጊንፆ ዑኩ ሩኡሪ ዳንዲ ፔቲ ባኣዚታዎ ዔኩዎ ሃሻዓ» ጌዒ ዒኖና ማሌኔ። 21 ዩያር ዒዚ ኒዒማኔ ጊንፆ ጳሽኪ ዳንዳኔ፤ ዒማና ኒዒማኔ ሺሪ ዛጋንቲ ፔቲ ዓሲ ጳሽኪ ሙካያ ጋዓዛ ዒዚ ሳርጌሎ ያይታፓ ኩዲ፡- «ዎይቲይ? ኮሺቱዎይ?» ጌዒ ያኦጩኔ።

22 ጌያዜ ማሃዎ፡- «ሙኮ ታኣኒ ኮሺ ዓኣዎ ሙኩኔ፤ ታ ጎዳሢ ኮይላ ጌማራ ሚርጌ ዓኣ ዔፕራኤማ ዓጮይዳ ናንጋ፡ ያኦሲ ማሊያ ኬኤዛ ዓሶ ባኣካፓ ላምዎ ዓሲ ዒ ዔሪባኣንቲ ሸኦቹም ሙኪም ላኣሚ ላኣሚ ማይንቶ ላምዎ ዲማ ዲማ ማኣዎና ሃይሢታሚ ያይዶ ኪሎ ማዓ ሹቹ ቢራና ኔ ዒንጋንዳጉዲ ኬኤዛም ጌዒ ኔ ኮራ ታና ዳከኔ» ጌዔኔ።

23 ዩያር ኒዒማኔ፡- «ሂዳቶ ሃዳራ ታ ኔኤም ላሆ ሺያ ማዓ ሹቹ ቢራ ዒንጋንዳኔ» ጌዔኔ፤ ዒዚ ጌዔ ጎይዎማ ዩያ ቢሮ ላምዎ ቃርዒቲና ከንሣ፤ ሃሣ ላኣሚ ላኣሚ ማይንቶ ላምዎ ዲማ ዲማ ማኣዎ ዒዛኮ ላምዎ ዓይሌና ኬዲሲ ጌያዜኮ ቤርታ ቤርታ ዳንዳንዳጉዲ ዳከኔ። 24 ዒማና ዔልሳዒ ናንገ ጌማሮ ዔያታ ሙኪ ሄላዛ፡ ጌያዜ ላምዎ ቃርዒቶንሣ ዔኪ ፔ ማኣሪ ጌልዛዎ ኒዒማኔኮ ዓይሎ ሳራሢ ማሂ ዳከኔ። 25 ዩካፓ ዒዚ ጋር ጌላዛ፡ ዔልሳዒ፡- «ኔ ዎካፓ ሙኪይ?» ጌይ ዒዛ ያኦጩኔ።

ጌያዜ፡- «ዓህ! ታ ጎዳሢዮ! ዓንኮዎ ታ ዳንዲባኣዎይ» ጌዔኔ።

26 ዔልሳዒ፡- «ዓሢ ኔኤና ጌሰታኒ ሳርጌሎ ያይታፓ ኩዳኣና ታኣኒ ዓያናና ኔ ኮይላቱዎዓዳ? ሚኢሹ፡ ማኣዓ፡ ዛይቶ ሪሚቶ ሚያንታ ዎይና ቱኮንዶ ጎሽንታ፡ ማራይያ ማምዎ ባይ፤ ሃሣ ማዶ ማዳ ዓሲያ ዔኪያ ኮይሳያቱዎሴ! ኔ ሃሢ ዓሢዳፓ ዔኪ ባካ ኔኤኮ ዳቢንቲከ፤ 27 ዩያር ኒዒማኔ ዓርቄ ዶርዓሢ ኔና ዓርቃንዳኔ፤ ኔናንታ ኔ ዜርዎንታይዳፓ ናንገና ዩይ ዶርዓሢ ሺኢኩዎያ ማዓንዳኔ!» ጌዔኔ።

ጌያዜ ዒኣካፓ ኬሰኪ ዳንዳንቲ ዩይ ዑፃ ኬሰካ ዶርዓሢ ዒዛ ዓርቄም ዒዛኮ ዑፃ ሻቹጉዲ ቦኦሬኔ።

6

ኪሪ ዋእፃ ጌሌ ሄርጎ ዔልሳዒ ኬሴ ጎይፆ

1 ዔልሳዒ ሱኡጌ ማዔም ማዳ፣ ፆኦሲ ማሊፆ ኬኤዛ ዲቦ ዓሳ ዔልሳዒ ኮይላ፡- «ኑ ዋላ ቡኪንቶ ዴዓ ኬኤፃ ኑኡም ዳኬኔ፤² ዬያር ዮርዳኖሴ ዋር ዴንዲ ዒኢካፓ ማህሂ ተቁ ዔካፆ ኑ ዴዓንዳ ኬኤህሂ ዒኢካ ኑ ማኸም!» ጌዔኔ።

ዔልሳዒ ዔያቶም፡- «ቃራኬ!» ጌዔኔ።³ ዒማና ዬያቶ ፆኦሲ ማሊፆ ኬኤዛዘንህፓፒ ፔቲ ዓሲ ዔልሳዒ ዔያቶና ዋላ ዓኣዳንዳጉዲ ፆኦጩም ዒዚ ዓኣዳኒ ዔኤዒ፤⁴ ዋላ ዴንዴኔ፤ ዬካፓ ዮርዳኖሴ ዋር ሄላፆ ማፆ ተቁፆ ዓርቄኔ፤⁵ ዬያቶይዳፓ ፔቲሰኬይ ማፆ ተቃኔ፤ ዒማና ዒ ዔሩዋንቲ ሄርጎ ኪሪ ዴኤፖ ዋእፆይዳ ጌሌኔ፤ ዬይ ዓህሂ ዒላታፆ፡- «ታ ጎዳህሂዮ! ታ ዋይታንዳይ? ሄርጎ ታኣኒ ዔርገ ዔኬያኬ!» ጌይ ዔልሳዒም ኬኤዘኔ።

6 ዔልሳዒ ዒዛ ኮይላ፡- «ዋማ ዛላ ኬዴይ?» ጌይ ፆኦጩ።
ዓህሂ ሄርጎ ኬዴ ቤዘ ዳዋዛ ዔልሳዒ ፔቲ ማህሂ ተቁ ዔኪ ዋእፆይዳ ዓጋፆ ሄርጎ ዋእፆ ዑፃ ኬሰኪ ዴዓንዳጉዲ ማህሄ፤⁷ ዬካፓ ዔልሳዒ፡- «ሄርጎ ዔኬ» ጋዓዛ፣ ዓህሂ ሄርኪ ጌይ ዔኬኔ።

ሶኦሪያ ዓጮ ፖኦሊሳ ፆሎና ባሽንቲህሂ

8 ዬኖ ዋደና ሶኦሪያ ካኣቲ ዒሰራዔኤሌና ዋላ ፆልቲ ፆልቲ ዓኣፆ ፔኤኮ ፖኦሊሶ ሱኡጎና ዋላ ዘርቲ ዴንኪ ዴፆንዶ ቤሲ ዶኦሪኔ፤⁹ ዔልሳዒ ጋዓንቲ፡- «ሶኦሪያ ዓሳ ካቲ ዴዒ ኔና ካፒ ዓኣህሂር ዬኖ ቤዘሎ ባንህሂ ዴንዲፖ» ጌዒ ዒሰራዔኤሌ ካኣቲም ከኢታ ዳኬኔ።¹⁰ ዒሰራዔኤሌ ካኣቲ ዒኢካ ናንጎ ፖኦሊሶም ላቲ ኬኤዘህሂር ፖኦሊሳ ዔሪ ካፒህሂ ዓርቄኔ፤ ዬኖጉዲ ማርጌ ማይንቲ ዔያታ ማዳኔ።

11 ፆዲ ማዳንቲህሂር ሶኦሪያ ካኣቲ ማርጌና ዳጋዲ ፖኦሊሶ ሱኡጎ ዔኤላፆ፡- «ኑ ባኣካፓ ዒሰራዔኤሌ ካኣቲና ዋላ ዴማና ዒሲንቲ ዓሲ ዓኣቲ ታኣም ኬኤዘዋቲራ?» ጌዔኔ።

12 ዬያቶ ባኣካፓ ፔቲሰኬይ፡- «ካኣቲዮ፣ ኑ ባኣካፓ ዬያይዳንዳ ዓሲ ፔቲታፆ ባኣሴ፤ ኔ ላሃ ቆልፆ ጋራ ጌሰታ ባኮ ቢያ ዓይሱዋፆ ዒሰራዔኤሌ ካኣቲም ፔጋሲ ኬኤዘያ፣ ዔልሳዒ ጌይንታ፣ ፆኦሲ ማሊህሂ ኬኤዛ ዓሲሰኬይ ዓኣኔ» ጌዔኔ።

13 ሶኦሪያ ካኣቲ ዒማና፡- «ዒዚ ዓኣ ቤዘ ኮዑዋቲ፤ ታኣኒ ዓሲ ዳኪ ዒዛ ዓርቄሳንዳኔ» ጌዔኔ።

ዔልሳዒ ዶኦታኔይዳ ናንጋህሂ ዓሲ ዒዛም ኬኤዘኔ፤¹⁴ ዬያር ፓርንታ ፓራህሂ ጎቻ ፆይቶንታ ገኢጊሺ ዔኬ፣ ፖኦሊሶ ካኣቲ ዒኢካ ዳኬኔ፤ ዔያታ ዲማ ዴንዲ ካታሜሎ ማንጌኔ።¹⁵ ዚር ጉቲሎ ጉቲ

ዓመ ዓልሳዒኩ ማዶ ማዳሰኬይ ገንዓፓ ዓቁ ማእሮ ጋሮ ኬሰካንቲ ፓሮንታ ሳርጌላ ያይታንታ ዔኪ ዓአ ዲቢ ፖኦሊሴ ካታሚሎ ማንገረ ዓአሢ ዴንቁኔ፤ ዩካፓ ዩይ ዓሢ ዓልሳዒ ከይላ ማዒ ሙካዖ ዑኡዞ ፔኤኮ ደገዲ፡- «ታ ጎዳ! ኑ ኩዴኔ! ኑ ዎዎይታንዳይ?» ጌዔኔ።

16 ዓልሳዒ ዒማና፡- «ኔ ዎይታይ ዒገጨፖ፤ ዔያቶና ዎላ ሙኩይ ያሎ ዓሶፓ ባሼ ኑኡና ዎላ ያላኒ ገኢጊ ዓአ ፖኦሊሳ ባሼኬ» ጌዔኔ። 17 ያዲ ጋዓዖ ዓልሳዒ፡- «ናንገና ናንጋ ጎዳሢዮ! ሃይ ዓሢ ዴንቃንዳጉዲ ዓአፖ ዒዛኮ ቡሌ!» ጌዒ ሺኢቁኔ፤ ዒዚ ሺኢቁ ጎይዖ ዒዛሞ ማዶ ማዳሢኮ ዓአፖ ናንገና ናንጋ ጎዳ ቡሌሞ ጌሚሮ ጎኑባ፣ ዓልሳዒ ከይሎይዳ ሚርጌ ታሚ ፓሮና ሳርጌላ ያይታና ዓቁ ዓአሢ ዒ ዴንቁኔ።

18 ዒማና ሶኦሪያ ዓሳ ያሎሮ ሎኦፓ ኬዲ ሙካዛ ዓልሳዒ፡- «ናንገና ናንጋ ጎዳሢዮ! ሃያ ዓሶኮ ዓአፖ ባይዘ!» ጌዒ ሺኢቃዛ፣ ናንገና ናንጋ ጎዳ ዓልሳዒኩ ሺኢዲዖ ዎይዚ ዓአፖ ዓሶኮ ባይዘኔ። 19 ዩካፓ ዓልሳዒ ዔያቶ ባንሢ ሙካዖ፡- «ጎይዖ ዒንሢ ዣኦሎኔ፤ ዒንሢ ኮዓ ካታሚላ ሃፍቱዎሴ፤ ዒንሢ ኮዓ ዓሢ ከይላ ታ ዒንሢ ዔኪ ዓአዳንዳኔ፣ ሃኒ ዩዑዎቲ» ጋዓዖ ዔኪ ዔያቶ ሳማሪያ ካታሞ ዴንዴኔ።

20 ዔያታ ካታሞ ጌጌላዛ ዓልሳዒ፡- «ናንገና ናንጋ ጎዳሢዮ! ዔያታ ዛጋንዳጉዲ ዓአፖ ዔያቶኮ ቡሌ!» ጌዒ ሺኢቁኔ፤ ናንገና ናንጋ ጎዳ ዒዛኮ ሺኢዲዖ ዎይዚ ዔያቶኮ ዓአፖ ቡላዛ ዔያታ ሳማሪያ ካታሞይዳታሢ ዔሬኔ።

21 ዒማና ዒሰራዔኤሌ ካኣቲ ሶኦሪዮ ዓሶ ዴንቃዖ፡- «ታ ጎዳ! ታ ዔያቶ ዎዶሞ? ዎዶሞ ታ ዔያቶ?» ጌዒ ዓልሳዒ ከይላ ዖኦጩኔ።

22 ዓልሳዒ ማሃዖ፡- «ዔይዔ! ሃኣታ ዓታዛ ጨንቾ ዓፓሮና፤ ሃሃ ሂኢዦና ኔኤኒ ዲዒ ዔኬ ፖኦሊሶታዎ ዎዳንዳያ ኮይሱዎሴ፤ ዩያይዳፓ ዔያታ ሙዓንዳ ባኣዚና ዑሽካንዳ ባኣዚና ዒንገጋፓ ዔያቶኮ ካኣቲ ባንሢ ማሃ ዳኬ» ጌዔኔ። 23 ዩያሮ ዒሰራዔኤሌ ካኣቲ ዔያቶሞ ሚርጌ ሙኡዚ ገኢጊሹኔ፤ ዔያታ ሙዒ ሚሽኬሰካፓ ሶኦሪያ ካኣቲ ባንሢ ማሃ ዔያቶ ዳኬኔ፤ ዩማፓ ዓርቃዖ ሶኦሪያ ዓሳ ዒሰራዔኤሌ ዓሶ ያሊዖ ሃሹኔ።

ሳማሪያ ካታሞኮ ማንገረቶ

24 ዳካ ዎዴ ዴዔሰካፓ ሶኦሪያ ካኣቲ፣ ቤንሃዳዴ ፖኦሊሶ ጉቤ ዒሰራዔኤሌ ያላንዳጉዲ ዔቁሲ፣ ሳማሪያ ካታሞ ዴንዲ ማንገረኔ፤ 25 ዔያታ ዩሮ ካታሞ ማንገረኒ ሙዖ ባኣዚ ባይቁሞ ዴኤፒ ናይዚ

ከስካዛ ፔቴ ሃሪ ቶኦኪ ሳሊታሚ ማዓ ሹቹ ቢራ፤ ላምዎ ጻኤታ ጊራኣሜ ማዓ ዶኦሌ ሺኢዢ ዶንጎ ማዓ ሹቹ ቢራ ዔኪሢ ሳርቄ።

26 ፔቴ ከሊ ዒሰራዔኤሌ ካኣቲ ካታሜሎኮ ከኤሎ ዲሮ ዑፃ ሃንታንቴ ፔቴ ላኣሊሰከና ዑኡዞ ጰጊዲ፡- «ካኣቲዮ፣ ሃዳራ ታና ማኣዴ!» ጌይ ዒላቴ።

27 ካኣቲ ዒዞ ኮይላ፡- «ናንጊና ናንጋ ጎዳ ኔና ማኣዳኒ ጌይባኣንቴ ታኣኒ ኔና ዓይጎ ማኣዳኒ ዳንዳዓይ? ዛርጌ ታኣኮ ዓኣ ጌዔምሞ? ጩኡጳና ወይኔ ዓኣኔ ጌይዳይ ኔ ጋዓሢ? 28 ሂንዳ ከኤዜ፣ ሜታ ኔኤኮ ዓይጎዳይ?» ጌዔ። ዒዞ ማሃዎ፡- «ቤርታኣ ዓቦ ሃና ላኣሌላ ሃና ኔ ናዎ ኑ ሙዓንዳኔ፤ ዘር ታ ናዎ ኑ ዋላ ሙዓንዳኔ» ጌዔ። 29 ዬያሮ ታ ናዎ ካሢ ኑ ሙዔኔ፤ ዘሬሎ፡- «ኔ ናዎ ዔኪ ሙኬ ኑ ሙዎም» ጌይ ታ ዒዞ ያእጫዛ፣ ዒዞ ጋዓንቴ ናዎ ዓኣቸ።» ጌዔ።

30 ካኣቲ ዬያ ወይዘዎ ያዩ ፔኤኮ ማኣዓሢ ዳርዘኔ፤ ዒዞ ዬኖ ዓቦ ከኤሎ ዲዎ ዑፃ ከሰኪ ዓኣሢሮ ዒዛኮ ኮይላ ዓኣ ዓሳ ማኣሢኮ ዴማ ሲዬ ማኣዎ ካኣቲ ማይንቴ ዓኣሢ ዴንቄ። 31 ካኣቲ ዒማና ዑኡዞ ፔኤኮ ጰጊዲ፡- «ሃኖ ዓባ ጌላንዳሢኮ ቤርታ ሳፓፄ ናኣዚ፣ ዔልሳዒኮ ቶኦኮ ታ ተቁሰባኣቴ ያኦሲ ታና ባይዞም!» ጌዔ። 32 ዒማና ዒዚ ኔጉዋዎ ዔልሳዒ ዔኪ ሙካንዳ ከኢታ ዓሲ ዳከኔ።

ዔልሳዒ ዒዞ ዛጋኒ ሙኬ ጋርቹ ዓሲና ዋላ ፔ ማኣራ ዓኣኔ፤ ካኣቲ ዳከ፣ ከኢቶ ዓሢ ሙካንዳሢኮ ቤርታ ዔልሳዒ ጋርቸንሢ ኮይላ፡- «ዬይ፣ ዓሶ ዋዳሢ ታና ዋዳሻኒ ፔቴ ዓሲ ዳከኔ! ዒዚ ሃይካ ሙካማና ካሮ ዋዋዳዎቴ፤ ጋሮ ጌልዚፖቴ፤ ካኣቲ ዒዞ ጊንዖ ሙኪ ሙኪኬ» ጌዔ። 33 ዬያ ጌዒ ዒ ከኤዚ ጋፑዋንቴ ካኣቲ ዔርቲባኣ ጎይሢና ሙካዎ፡- «ሃያ ሚታሢ ኑ ጊዳ ዔኪ ዬዔሢ ናንጊና ናንጋ ጎዳከ፤ ሂዳዎ ማይ ኑናዒ ማኣዳንዳኔ ጌዒ ታ ዓይጎ ካፓይ?» ጌዔ።

7

1 ዔልሳዒ፡- «ናንጊና ናንጋ ጎዳ ጋዓ ባኮ ወይዜ! ዘር ሃይማ ወዳ ሳማሪያይዳ ሃይሣ ከሎ ማዓ ቃራ ዛርጌ ዲኢሊ፤ ሃሣ ጊንሣ ላሆ ከሎ ማዓ ዔልዓ ታጾ ፔቴ ጊራኣሜ ማዓ ሹቹ ቢራም ሻንቹንታንዳኔ» ጌዔ።

2 ዒማና ካኣቲኮ ዔርቲያ ማዔ ዶንዛሰከይ ዔልሳዒ ኮይላ፡- «ናንጊና ናንጋ ጎዳ ፔኤሮ ጫሪንጮ ቡሊ፣ ሃኣኮ ዒርዚጉዲ ዋርቁሴቴያ ዬይ ፔቴታዎ ማዓኒ ዳንዳዑዋያከ!» ጌዒ ቦሃ ጌሰቴ።

6:29 6:29 ላሚ. ዋማ 28:57፤ ዓ.ቃ. ማ 4:10።

ዔልሳዒ ዬያ ዓሣሞ፡- «ዬያ ሃኣኮ ዓኣፖና ኔኤኒ ዛጋንዳኔ፤ ጋዓንቴ ዬያ ፔቲታዖ ኔ ሙዓባኬ!» ጌዔኔ።

ሶኦሪያ ፖኦሊሶኮ ጳዠ

3 ዑፃ ኬሰካ ደርዓሣና ዓርቁንቴ፣ ያይዶ ዓሲሰኬንሣ ሳማሪያ ካታሞ ጌሎ ካራ ዓኣኔ፤ ዬንሣ ዓሶንሣ ሞሊ ኮይላ፡- «ኑ ሃይቃንዳያ ሃለንዳኣና ሃይካ ዓይጋ ዴዓይ? 4 ኑኡኒ ካታሞ ጌሌቲያ ኑና ማኣዳንዳ ባኣዚ ባኣሴ፤ ሃይካ ኑ ዴዔቲያ ካታሞ ኑ ጌሌቲያ ናዮና ሃይቢፓ ኑ ዓታዓኬ፤ ዬያሮ ዔቁ ኑኡኒ ሶኦሪያ ዓሳ ዲንኪ ዴዔ ቤዞ ዓኣደሞ፤ ዔያታ ሞዲሞ ሃሹቴ ኑ ዓታንዳኔ፤ ዔያታ ኑና ሞዲቲ ሞንዴያ ኑ ዓታቲሞኣሣረ ሃይቁኬ» ጌዔኔ። 5 ዬካፓ ሳዓ ሃባርቲ ዓማዛ ሶኦሪያ ፖኦሊሳ ዲንኪ ዴዔ ቤዞ ዔያታ ዴንዴኔ፤ ጋዓንቴ ዒኢካ ዔያታ ሙካኣና ፔቲታዖ ዓሲ ባኣሴ፤ 6 ዒማና ሶኦሪያ ዓሶሞ ፓሮና ሳርጌላ ያይታና ዔኪ ሙካ ዲቢ ፖኦሊሴ ካኣኒ ማላ ዑኡሲ ናንገና ናንጋ ሳዳ ሞይዚሴሣረ ሶኦሪያ ዓሶሞ ዒሰራዔኤሌ ካኣቲ ሂኢታ ዓጮ ካኣቲንታ ጌብፆ ዓጮ ካኣቲንታ ዔያቶኮ ፖኦሊሶማኣ ሚኢሹ ጨጋኒ ጌሰቲ ዔኪ ያሊሳኒ ሙኬያ ማሌኔ። 7 ዬያሮ ዬዮ ሞንቶ ሶኦሪያ ዓሳ ዔያቶኮ ማኣሮንታ ፓራሣንታ ሃሮንታ፤ ጌይፃ ጉርዶ ቢያ ሃሹ ሸምፖ ሌሊ ዓይሳኒ ጳሽኪ ዴንዴኔ።

8 ዑፃ ኬሰካ ደርዓሣና ዓርቁንቴ፣ ያይዶ ዓሶንሣ ሶኦሪያ ዓሳ ዲንኪ ዴዔ ቤዞ ሙኪ ሄላዖ ፔቲ ማኣሪሰኬና ጌሌኔ፤ ዒኢካ ዔያታ ዴንቁ ባኮ ቢያ ሙዒ ዑሽኬኔ፤ ዔያታ ዴንቁ ቢሮንታ ሞርቆንታ ማኣዓሣንታ ዔኪ ዴንዲ ዓኣቲኔ፤ ጊንሣ ሃሣ ማዒ ሙኪ ማሌ ማኣሪሰኬና ጌሊ ዒማይዴኔ፤ 9 ዬካፓ ሞሊ ኮይላ፡- «ኑ ቃራ ማዶ ማዲባኣሴ! ሃያ ኮዦ ሃይሶ ዓኣቲ ዓይሳንዳያ ኮይሱሞሴ! ሃያ ኮዦ ሃይሶ ኑኡኒ ዴንዲ ኬኤዙሞዖ ሳዖ ካርዜቲ ኑኡኮ ዳቢንቲ ማዓንዳኔ፤ ዬያሮ ኑ ሃሣ ዴንዲ ካኣቲኮ ፖኦሊሶ ሱኡሳም ኬኤዛንዳኔ!» ጌዔኔ። 10 ዬያ ጌዔሰካፓ ሶኦሪያ ዓሳ ዲንኪ ዴዔ ቤዞ ሳማሪያ ካታሞ ማዒ ዴንዴኔ፤ ዒኢካ ዔያታ ሄሃላዖ ካታሞ ጌሎ ካር ካፓ ዓሶ ዔኤሊ፡- «ሶኦሪያ ዓሳ ዴንኪ ዴዔ ቤዞ ኑ ዴንዴኔ፤ ጋዓንቴ ዒኢካ ኑኡኒ ዴንቁ ዓሲ ባኣሴ፤ ሞይዚንቴ ዑኡሲያ ባኣሴ፤ ፓራሣንታ ሃሮንታ ቲኡቲ ዓኣኔ፤ ዓፒሎና ማዢንቴ ማኣራኣ ደቁንቴ ቤዞ ዓኣኔ፤ ሶኦሪያ ዓሳ ሃሹ ዴንዲናኣኮኬ» ጌዒ ኬኤዜኔ።

11 ካታሞ ጌሎ ካር ካፓ ዓሳ ዬያ ሃይሶ ዓሶሞ ኬኤዜሣረ ሃይሳ ካኣቲ ማኣሮይዳ ሞይዚንቴኔ። 12 ዒማና ሳዓ ዲሚኬ፤ ካኣቲ ሳሄ ቤዞፓ ዔቁ ዒዛኮ ደንዞ ማዔ፣ ቢታንታ ዓኣ ዓሶሞ፡- «ሶኦሪያ ዓሳ ማሌ ማሊዖ ታ ዒንሣሞ ኬኤዞም! ዔያታ ኑኡኒ ሃይካ ናይዲንቴ ዓኣሣ ዔራኔ፤ ዬያሮ ዔያታ ጉርዶ ፔኤኮ ሃሹ ካያ ዴንዲ ፑኒ ካታኒ

ዓኣጳጳይ፤ ኦኡኒ ሙዖ ባኮ ኮይ ኬሰካኣና ሹምፔና ዓኣንጉቴ ኦና ዔያታ ዓርቂ ኦኡኮ ካታሞዎ ዔካንዳይ» ጌዔ።

13 ዒዛኮ ደንዘይዳፓ ፔቴሰኬይ፡- «ሃይካ ካታሞይዳ ሃይቁዎዎ ዓቲ ዓኣ ዓሳ ቤርታ ሃይቁ ዓሶጉዲ ሃይቢ ዓታዓኬ፤ ዬያር ሶኦሪያ ዓሳ ዎዎይቴያ ዔራኒ ዳካ ዓሲ ዶኦሪ ኦኡኒ ዳኮም፤ ሃይቁዎዎ ቶሊ ዓቲ ፓራሢፓ ደንጎ ፓር ዔያታ ዔኬ ዳንደንጎ» ጌዔ። 14 ዬካፓ ዔያታ ዳካ ዓሲ ዶኦሪ፤ ዒማና ካኣቲ ዬንሢ ዓሶንሢ ላምዎ ሳርጌላ ዖይታ ቶጊሲ ሶኦሪያ ዓሶ ፖኦሊሳ ዎዎይቴያ ሙሪ ማዓንዳጉዲ ዓይሢ ዳኬ። 15 ዬያር ዓሳ ዮርዳኖሴ ዎር ሄላንዳኣና ዓኣጳጳይ፤ ጎይዖይዳ ዔያታ ሶኦሪያ ዓሳ ጳሽካዖ ኬኤሪ ኬኤሪ ዓኣጳጳይ ማኣዓሢና ዓንጋሞና ቢያ ዳንቄ፤ ዬካፓ ማዒ ሙኪ ዬያ ቢያ ካኣቲም ኬኤዜ። 16 ዳራ ዒማና ዑኩና ጳሽኪ ዳንዳዖ ሶኦሪያ ዓሶ ጉርዶ ቡራ፤ ናንጊና ናንጋ ጎዳ ቤርታዲ ኬኤዜ ጎይዖ ሃይሃ ኪሎ ማዓ ቃራ ዛርጌ ዲኢሊ፤ ሃሃ ጊንሢ ላሆ ኪሎ ማዓ ዔልዓ ታጳ ፔቴ ጊራኣሜ ማዓ ሹቺ ቢራም ሻንቺንጉቴ።

17 ዒሰራዔኤሌ ካኣቲ ዒማና ካታሞ ጌሎ ካር ካፒሳንዳጉዲ ፔቴ ዒዛኮ ደንዘሰኬያ ዓይሢም ዒ ሱኡጋቶና ካፒሲሳይ፤ ዬይ ደንዘሢ ዒኢካ ዓኣንጉቴ ዳራ ዲርጋዖ ዒዛ ሄርቁም ዒዚ ሃይቄ፤ ዬይ ያዲ ማዓሢ ካኣቲ ዔልሳዒና ጌሰታኒ ዳንዴያና ዔልሳዒ ዬያ ዓሢም ኬኤዜ፤ ዖኦሲ ማሊዖ ኩሜሢርኬ።

18 ዔልሳዒ ካኣቲም፡- «ዚር ሳማሪያ ካታሞይዳ ሃይሃ ኪሎ ማዓ ቃራ ዛርጌ ዲኢሊ፤ ሃሃ ጊንሢ ላሆ ኪሎ ማዓ ዔልዓ ታጳ ፔቴ ጊራኣሜ ማዓ ሹቺ ቢራም ሻንቺንጉጉዳይ» ጌይ ቤርታ ኬኤዚናኣኮኬ፤ 19 ዬያ ዒ ጋዓኣና ካኣቲኮ ደንዘሢ፡- «ናንጊና ናንጋ ጎዳ ፔኤር ጫሪንጮ ቡሊ ሃኣኮ ዒርዚጉዲ ዎርቁሴታዖ ዬይ ፔቴታዖ ማዓኒ ዳንዳዑዎሴ!» ጌዔ። ዬያር ዔልሳዒ ዒዛም፡- «ዬያ ሃኣኮ ዓኣፒና ሌሊ ኔ ዛጋንዳይ፤ ጋዓንጉቴ ዬያ ፔቴታዖ ኔ ሙዓዓኬ» ጌዔ። 20 ዬያ ካኣቲኮ ደንዘሢ ሳማሪያ ካታሞ ጌሎ ካራ ዳራ ሄርቁ ዎዳሢ ዖኦሲ ማሊዖና ኬኤዚንጉቴ ባካ ኩሜሢርኬ።

8

ሱኔሜ ካታማ ናንጋ ላኣሌላ ቤቴ ቤዛፓ ማዔሢ

1 ናዖ ዒዛኮ ዒ ሃይባፓ ዔቂሴ፤ ሱኔሜ ካታማ ናንጋ ላኣሌሎም ዔልሳዒ ሃያኮ ቤርታ፡- «ላንካይ ሌዔ ጉቤ ሃይ ዓጫ ሉምዳንዳጉዲ ናንጊና ናንጋ ጎዳ ዓይሢ፤ ዬያር ኔ ማኣር ዓሶና ዎላ ሃይቢፓ ዓታኒ ሜሌ ቤሲ ቤቴ ዳንዴ» ጌዒ ኬኤዜያኬ። 2 ላኣሌላ ዒማና ዔልሳዒ

8:1 8:1 2ካእቶ. ማ 4:8-37።

ዘር ዋይዚ፣ ፔ ማኦር ዓሶና ዋላ ፒሊስጻኤሜ ዓጮ ቤተ ዴንዲ ለንካይ ለዔ ዴዔ።

3 ለንካዋ ሉማሢ ለዓ ጋፓዛ ገንሣ ዒሰራዔኤሌ ዓጮ ዒዛ ማዒ ሙካዖ ዒዛኮ ማኦርና ጎዡና ዒዛም ማሂ ዒንገንታንዳጉዲ ካኦቲ ኮይላ ዖኦጫ ኤንዴ። 4 ዒማና ዔልሳዒኮ ዓይላሢ ገያዜና ዋላ ካኦቲ ጌሰታንቲ ዒዛ ዴንቄ፤ ካኦቲ ገያዜና ዋላ ጌሰታሢ ዔልሳዒ ዖኦሲ ዋልቆና ማዴ፣ ዲቃሢ ሄርሺሳ ባኮ ዛሎ ዋይዚ ዔራኒኬ፤ 5 ዔልሳዒ ሃይቄ ዓሲ ዔቂሴሢ ገያዜ ካኦቲም ኬኤዛኦና ላኦሌላ ሙኪ ዒዛ ዖኦጫ ባኮ ካኦቲ ኮይላ ዖኦጫ፤ ገያዜ ዒማና፡- «ካኦቲዮ! ላኦሌላ ሃኖኬ፤ ዔልሳዒ ሃይባፓ ዔቂሴ ናዒሢ ዒዛኮ ሃያኬ!» ጌይ ኬኤዜ። 6 ገያዜ ካኦቲም ኬኤዜ ባካ ጎኔታሢ ላኦሌላ ካኦቲም ኬኤዜ፤ ዩያር ካኦቲ ፔቲ ቢታንቶ ዓኦ ዓሲሰኬያ ዔኤሊ፣ ዒዘር ማዔ ባኮ ቢያ፤ ጎዡንታ ዒዛኮ ለንካይ ለዔ ካፄ ሃኦኮንታ ቢያ ዒዛም ዒንገንታንዳጉዲ ዓይሢ።

ዔልሳዒና ሶኦሪያ ካኦቲ ቤንሃዳዳና

7 ሶኦሪያ ካኦቲ፣ ቤንሃዳዳ ሃርገንቲ ዓኦንቲ ዔልሳዒ ዴማሰቆ ሙኬ፤ ካኦቲ ዒማና ዔልሳዒ ሙኬሢ ዋይዚ፣ 8 ዒዛኮ ደንዘ ባኦካፓ ፔቲ፣ ዓዛሄሌ ጎዖሢ ዔኤላዖ፡- «ዖኦሲ ማሊዖ ኬኤዛሢም ዒንጎ ባኦዚ ዔኪ ዴንዲጋፓ ታኦኒ ሃያ ዶርዓሰካፓ ዳቃንዳቲያ ሃይቃንዳቲያ ናንገና ናንጋ ጎዳ ታኦም ዒዚ ዖኦጫም ዒዛ ሺኦቄ» ጌዒ ዓይሢ። 9 ዩያር ዓዛሄሌ ዴማሰቆይዳ ዓኦ፣ ኮዡ ኮዡ ባኮ ቢያ ዖይዲታሚ ጋኦሎና ጫኦኒ ዔልሳዒም ዔኪ ዴንዴ፤ ዓዛሄሌ ዴንዲ ዔልሳዒ ዴንቃዖ፡- «ኔኤኮ ናዖ ማዔ፣ ካኦቲ ቤንሃዳዳ ሃርጋፓ ዳቃንዳቲያ ሃይቃንዳቲያ ዒዛም ኔ ኬኤዛንዳጉዲ ታና ዖኦጫም ዒ ዳኬ።» ጌዔ።

10 ዔልሳዒ ማሃዖ፡- «ቤንሃዳዳ ሃይቃንዳሢ ናንገና ናንጋ ጎዳ ፔጋሲ ታኦም ኬኤዜ፤ ኔኤኒ ጋዓንቲ ዒዛም፡- «ኔ ዳቃንዳኔ» ጌዒ ኬኤዜ» ጌዔ፤ 11 ዩካፓ ዔልሳዒ ዓኦፖ ካር ቱኪ ዒጊቻ ጎይሢ ዓዛሄሌ ዛጌ፤ ዩያር ዓዛሄሌ ማሊ ሜታዴ፤ ዒማና ዔልሳዒ ኔጉዋዖ ዩኤፒ ዓርቄ። 12 ዓዛሄሌ ዒዛ ኮይላ፡- «ታ ጎዳ፣ ዓይጋ ኔ ዩኤካይ?» ጌዒ ዖኦጫ።

ዔልሳዒ ማሃዖ፡- «ዒሰራዔኤሌ ዴይዳ ኔ ማዳንዳ ባኮ ታ ዔራሢሮኬ፤ ኔ ዔያቶኮ ዋርዲዮ ቤዞ ታሚና ሚቻንዳኔ፤ ዶዲ ዶዲ ማዔ ዴጌሢ ኔ ዔያቶኮ ቲቃንዳኔ፤ ናኦቶ ዔያቶኮ ኔኤኒ ሹቺዳ ጳዲሲ ዲኡሳንዳኔ፤ ጎጾይንዶ ማዔ ላኦኮኮዋ ኔኤኒ ጎጾ ዳርዛንዳኔ» ጌዔ።

13 ዓዛሃሌ ዒማና፡- «ታኣኒ ፔቲታዎ ማኣዳ ባኣዚ ባኣ፡ ላኣፓ ዓሲከ! ታኣኒ ይያ ዓይጎ ዋልቁና ማዳይ?» ጌይ ያኦጩኔ።

ዔልሳዒ ዒዛሞ ማሃዎ፡- «ኔኤኒ ሶኦሪያ ካኣቲ ማዓንዳሢ ናንገና ናንጋ ጎዳ ታኣሞ ፔጋሲ ዳዌኔ» ጌዔኔ።

14 ዩካፓ ዓዛሃሌ ካኣቲ፡ በንሃዳዴ ኮይላ ሙካዛ፡- «ዔልሳዒ ዋዚ ጌዔይ?» ጌይ ካኣቲ ያኦጩኔ።

ዓዛሃሌ ዒዛሞ፡- « <ኔኤኒ ጎኔ ዳቃንዳኔ> ጌዒ ታኣሞ ዒዚ ከኤዜኔ» ጌዔኔ። 15 ጋዓንቴ ዚሮ ጉቴሎ ዓዛሃሌ ሜጲ ዓፒላ ዓኪ ዋኣሢዳ ዓጋዎ ዩያና ካኣቲ ሹኡሚ ዋዳኔ።

ዩካፓ ዓዛሃሌ በንሃዳዴ በዛ ጌሊ ሶኦሪያ ዓጫ ካኣታዳኔ።

ዪሁዳ ካኣቲ ዒዮሆራሚ
(2ዎኦሲ. ዓሃኬ 21:1-20)

16 ዒሰራዔኤሌ ካኣቲ፡ ዓክዓቤ ናኣዚ፥ ዒዮራሚ ካኣታዳንቴ ደንጋሳ ሌዎና ዒዮሳፒፄ ናኣዚ ዒዮሆራሚ ዪሁዳይዳ ካኣታዳኔ፤

17 ዒዚ ካኣታዳያና ሌዓ ዒዛኮ ሃይሢታሚ ላሞዎኮ፤ ዒዚ ዩሩሳላሜይዳ ናንገ ሳሊ ሌዔ ዋይሢ። 18 ማቻ ዒዛኮ ዓክዓቤ ናይ ማዔሢሮ ዒዚያ ዓክዓቤ ማኣሮ ዓሶጉዲ ዒሰራዔኤሌ ካኣታ ማዳ፡ ፑርቶ ማዶ ማዳ፤ ዳቢንቲ ማዶ ማዲ ናንገና ናንጋ ጎዳ ያዪሴ፤ 19 ናንገና ናንጋ ጎዳ ጋዓንቴ ፔ ዓይላሢ፡ ዳውቴ ዜርፃፓ ካኣቱሞ ዔኪንዲ ዋኣያታሢ ጫኣቁሢሮ ዪሁዳ ባይዛኒ ኮሳባኣሴ።

20 ዒዮሆራሚ ካኣታዲ ዓኣንቴ ዔዶኦሚ ዓሳ ዪሁዳሞ ዋይዞ ዒፄ፤ ፔና ዳንዳዒ ካኣቲያ ካኣታሢ፤ 21 ዩያና ዒዮሆራሚ ሳርጌሎ ያይቶ ቢያ ዔኪ ያላኒ ፃዒሬ ዴንዴ፤ ዒማና ዔዶኦሚ ፖኦሊሳ ዔያቶ ማንገሢሮ ዲሞና ዒዛንታ ሳርጌሎ ያይቶና ያሊሳ ሱኡጎንታ ዩያ ማንገ፤ ዓሶኮ ጌዴና ዳርዚ ዴንዲ ቶላዛ፡ ፖኦሊሳ ፔኤኮ ማኣሪ ማኣሪ ዴንዴ፤ 22 ዩማፓ ዓርቃዎ ዔዶኦሚ ዪሁዳ ዴማ ዋርቃ ዋይፃፓ ከሰከ፤ ዒማና ሃሣ ሊቢና ካታማኣ ዪሁዳሞ ዋይዞ ዒፄ።

23 ዒዮሆራሚ ማዶ ሜሌ ባካ ቢያ ዪሁዳ ካኣቶ ሃይሳ ፃኣፒንታ ማፃኣፖይዳ ፃኣፒንቲ ዓኣኔ፤ 24 ዩካፓ ዒዮሆራሚ ሃይቁ፡ ዳውቴ ካታሞይዳ ካኣታ ዲኡታ በዛ ዲኡቴ፤ ዒዛ በዛ ዒዛኮ ናኣዚ፡ ዓካዚያሴ ካኣታዳኔ።

ዪሁዳ ካኣቲ ዓካዚያሴ
(2ዎኦሲ. ዓሃኬ 22:1-6)

25 ዲሰራዔኤሌ ካአቲ ዓክዓቤ ናአዚ፡ ዲዮራሜ ካአታዳንቴ ታጾ ለምዓሳ ሌዖና ዲዮሆራሜ ናአዚ ዓካዚያሴ ዪሁዳይዳ ካአታዳኔ፤
 26 ዲዚ ካአታዳያና ሌዓ ዲዛኮ ለማታሚ ለምዖ ሌዔ ማዔያ ናይኬ፤
 ዲዚ ዬሩሳላሜይዳ ናንጊ ፔቴ ሌዔ ዋይህኔ፤ ዲዛኮ ዲንዳ ዓታሊያ
 ጌይንታያ ዓክዓቤ ናአዚ፡ ዲሰራዔኤሌ ካአቲ ያምሪኮ ናአዚ ናይኬ።
 27 ካአቲ፡ ዓክዓቤኮ ዓካዚያሴ ባይሲታሢሮ ዓዳ ዓክዓቤ ማእሮ
 ዓሶጉዲ ጎሜ ማዲ ናንጊና ናንጋ ጎዳ ያዩሴኔ።

28 ሶኦሪያ ካአቲ፡ ዓዛሄሌ ዓሳ ያላኒ ዴንዴያና ካአቲ ዓካዚያሴ
 ዲሰራዔኤሌ ካአቲ ዲዮራሜና ዋላ ማዒ ያላኒ ዴንዴይ፤ ዬያቶ
 ለምዖ ካአቶኮ ፖኦሊሳ ሶኦሪያ ፖኦሊሶና ዋላ ጌሌዓዴ ዓጫ
 ራሞቴይዳ ያሎ ዓርቃዛ ዲዮራሜ ያሎይዳ ሂኢሽና ዱኡቲ ማእሳኔ፤
 29 ዲዮራሜ ካአቲ ዓዛሄሌና ዋላ ራሞቴይዳ ያልቴያና ዱኡቲ ከፃዴ
 ከፃሮ ማይሢንታኒ ዲይዚራዔኤሌ ካታሞ ማዒ ዴንዴይ፤ ዬያሮ
 ካአቲ፡ ዓካዚያሴ ዲዛ ያኦጫኒ ዲኢካ ዴንዴይ።

9

ዲዩ ዲሰራዔኤሌይዳ ዶኦሚንቲ ካአታዳሢ

1 ያኦሲ ማሊያ ኬኤዛ፡ ዔልሳዒ ያኦሲ ማሊያ ኬኤዛ ዓሶ ባኣካፓ
 ፔቴሰኬያ ዔኤላዖ፡- «ጌሌዓይይዳ ዓኣ ራሞቴ ዴንዳኒ ጊኢጊንቴ፤
 ሃኖ ዛይታ ዓኣ ያቴሎ ዔኪጋፓ፡ 2 ዲኢካ ዴንዳ ሃላዖ ዲዮሳፒዩ
 ናአዚ፡ ኒሚሽኮ ናአዚ ናዖ ማዔሢ፡ ዲዩ ኮዔ፤ ዲዛ ዴንቃዖ ዲዛኮ
 ላጎ ባኣካፓ ዴማሲ ቆልዓ ጌልዜ፤ 3 ዬካፓ ሪሚቶ ዛይቶ ዲዛኮ
 ቶኦካ ዋሃ፤ «ናንጊና ናንጋ ጎዳ ኔና ዶኦሚ ዲሰራሌይዳ ካአታህኔ»
 ጌዒ ኬኤዜ፤ ዬያይደሰካፓ ካሮ ቡሊ ኔጉዋዖ ጳሽኪ ኬሰኪ ዴንዴ»
 ጌዔኔ።

4 ዬያሮ ያኦሲ ማሊያ ኬኤዛ፡ ዴጌሢ ራሞቴ ዴንዴይ፤ 5 ዲኢካ ዲ
 ሃላዖ ፖኦሊሶ ሱኡጋ ዋላ ዴዒ ጌሰታንቴ ዴንቁ፡- «ታ ጎዳ፡ ታ ኔኤም
 ኬኤዛንዳ ከኢታ ዓኣኔ» ጌዔኔ።

ዲዩ ዲዛ ኮይላ፡- «ኔ ያኦም ኬኤዛኒ ጋዓዖ?» ጌዔኔ።
 ያኦሲ ማሊያ ኬኤዛሢ፡- «ኔኤም ታ ኬኤዛንዳኔ» ጌዔኔ።
 6 ዬካፓ ለምዖንሢ ዋላ ፔቴ ኬኤሢ ጌላዛ ያኦሲ ማሊያ ኬኤዛ፡
 ዴጌሢ ሪሚቶ ዛይቶ ዲዩ ቶኦካ ዋሃዖ፡- «ናንጊና ናንጋ ጎዳ ማዔ
 ዲሰራዔኤሌ ያኦዛሢ ሂዚ ጋዓኔ፤ ታ ዴሮ፡ ዲሰራዔኤሌ ዓሶ ዑፃ
 ታ ኔና ዶኦሚ ካአታህኔ፤ 7 ዬያሮ ኔኤኒ ዓክዓቤ ናአዚ፡ ኔ ጎዳ
 ማዔ ካአታሢ ዋዳንዳያ ኮይሳኔ፤ ዬያይዲ ታ ማሊያ ኬኤዛ ዓሶንታ
 ማሌ ታኣም ማዳ ዓሶ ዔልዛቤላ ዋዴሢኮ ኮሞ ታ ማሃንዳኔ፤

9:6 9:6 1ካላቶ ማ 19:16።

8 ዓክባቤ ማኦር ዓሰንታ ዒዛኮ ዜርፃ ቢያ ሃይቃንዳያ ኮይሳኔ፤ ታኣኒ ዒዛ ማኦሪፓ ባቲንቄ ማዔያ ቢያ፤ ዓይሌያ ማፃም ጉሪ ማዳ ባቲንቄ ቢያ ባይዛንዳኔ፤ 9 ዒሰራዔኤሌይዳ ካኣታዳ ናባፄ ናኣዚ፡ ዒዮርቢዓሚና ዓኪያሌ ናኣዚ፡ ባዕሻና ማኦር ታ ማዳ ጎይፃ ዓክባቤ ማኦር ዓሰቃ ታ ዒማይዳንዳኔ። 10 ዔልዛቤላ ዲኡኪንቲያ ዲኡኪንታዓኬ፤ ዒዛኮ ለዘ ዒይዚራዔኤሌ ዓጮይዳ ካኒ ሙዓንዳኔ» ጌዔኔ፤ ዬያ ጌይ ጋፔሰካፓ ያኦሲ ማሊያ ኬኤዛ፡ ዳጌሢ ካር ቡሊ ኬኤፃፓ ኬሰኪ ጳሽኪ ዴንዴኔ። 11 ዒዩ ፔኤኮ ላጎ ማዔ፡ ፖኦሊሶ ሱኡጎንሢ ኮይላ ሙካዛ ዔያታ፡- «ዋይቲይ ኮሽቲዋይ? ዬይ ኔ ኮይላ ሙኬ ዣኣዣሢ ዓይጎ ኮዓ ዓሲዳይ?» ጌዒ ያኦጮኔ።

ዒዩ ማሃዮ፡- «ዓሢንታ ዒዚ ጌሰታ ባኮንታ ዒንሢ ዔራያኬ» ጌዔኔ። 12 ዔያታ፡- «ዓህ! ኦ ዔራዋሴ፤ ዒ ኬኤም ዓይጎ ጌዔቲያ ሂንዳ ኦም ኬኤዜ» ጌዔኔ።

ዒዩ ዒማና፡- «ናንገና ናንጋ ጎዳ <ዒሰራዔኤሌይዳ ኔ ካኣቲ ማዓንዳጉዲ ታ ኔና ደኦሜኔ> ጋዓኔ፡ ታኣም ጌዔኔ» ጌይ ዔያቶም ኬኤዜኔ።

13 ኔጉዋዎ ዒዩኮ ላጎ ማዔ፡ ፖኦሊሶ ሱኡጎንሢ ማኣዓሢ ፔኤኮ ኬሲ ኬሲ ዒዩ ሄርቂ ኬሰካ ቤዘይዳ ሂኢሢኔ፤ ዬዮ ዒዚ ገዒ ኬሰካ ቤዘይዳ ዒዛ ዔያታ ኬሲ ዔቂሳፃ ዛዬ ዋርቄኔ፤ ዑኡዘዋ ፔኤኮ ዳጊዲ፡- «ዒዩ ካኣታዳኔ!» ጌይ ዒላቲኔ።

ዒሰራዔኤሌ ካኣቲ ዒዮራሚ ዋደናሢ

14-15 ዬካፓ ኒምሺ ናኣዚ ዒዮሳፒፃኮዋ ናኣዚ ማዔሢ፡ ዒዩ ካኣቲ ዒዮራሚም ጌኔ ማዳ ማዳሢ ዓርቄኔ፤ ዒዮራሚ ዬያኮ ቤርታ ሶኦሪያ ካኣቲ፡ ዓዛሄሌና ዋላ ራሞቲይዳ ያልቲያና ዲኡቲ ዓኣሢር ዒማና ዒይዚራዔኤሌይዳ ማይሢንቲ ማይሢንቲ ዓኣኔ፤ ዬያር ዒዩ ዒዛኮ ላጎ ማዔ፡ ፖኦሊሶ ሱኡጎንሢም፡- «ጎኔ ዒንሢ ታኣና ዋላታቲ ዒይዚራዔኤሌይዳ ናንጋ ዴርም ዴንዲ ሃይሴ ኬኤዜም ዓሳ ቶላንዳሢ ፔቲ ዓሲታፃ ራሞቲይዳፓ ኬሰኪ ዴንዳዋጉዲ ቃዙዋቲ» ጌዔኔ። 16 ዬካፓ ዒዩ ሳርጌሎ ያይቶ ቶጊ ዒይዚራዔኤሌ ዴንዴኔ፤ ዒማና ዒዮራሚ ሃጊ ማይሢንቲ ዳቂባኣሴ፤ ዬሁዳ ካኣቲ፡ ዓካዚያሴያ ዒዛ ያኦጮኒ ሙኪ ዒኢካ ዓኣኔ።

17 ዒይዚራዔኤሌ ካታም ዴዒ ካፖ፡ ኬኤሎ ዴፃ ዑፃ ዴዒ ካፓ ዓሲሰኬይ ዒዩንታ ዒዛና ዋላ ዓኣ ዓሰንታ ሙኪ ዑካሢ ዴንቃዮ፡- «ፖኦሊሶ ያልዚር ሙካኔ!» ጌዒ ዒላቲ ኬኤዜኔ።

9:10 9:10 1ካእቶ. ማ 21:23።

ዬያሮ ዲዮራሜ:- «ፔቲ ዓሲ ፓሮና ዳኪጋፓ ሙካ ዓሳ ኮሺ ዓአያ ሙካቲ ያኦጪሴ» ጌዔኔ።

18 ዬይ ኪኢቶ ዓሢ ፓራሢ ቶጊ ዴንዳዖ ዲዩ ኮይላ:- «ኮሺ ዓአያ ኔ ሙካቲያ ካአቲ ዔራኒ ኮዔኔ» ጌዒ ያኦጪኦ።

ዲዩ ማሃዖ:- «ኮሹሞ ዛላ ኔና ያኦጪሳ ባአዚ ዓይጎዳይ? ኔኤሮ ዬያ ሃሺጋፓ ታ ጊንዖ ሙኬ!» ጌዔኔ።

ካታሜሎ ካፖ፣ ኬኤሎ ዲዩ ዑፃ ዓአ ዓሢ:- «ኪኢቶ ዓሢ ዴንዳ ሙካ ዓሶና ዋላ ካአሜኔ፤ ጋዓንቲ ዒ ማዒ ሙኪባአሴ» ጌይ ኬኤዜኔ። 19 ሃሃሚ ሜሌ ኪኢታ ዓሲ ዳካዛ ዒማ ጎይዖ ዲዩ ያኦጪኦ። ዲዩ ዬያ ኮይላአ:- «ኮሹሞ ዛላ ኔና ያኦጪሳ ባአዚ ዓይጎዳይ? ኔኤሮ ዬያ ሃሺጋፓ ታ ጊንዖ ሙኬ!» ጌዔኔ።

20 ካታሞ ካፓ ዓሢ:- «ላሚ ዳኪንቲ ዓሢ ሙካ ዓሶና ዋላ ዴንዳ ካአሜኔ፤ ጋዓንቲ ዒ ማዒ ሙኪባአሴ» ጋዓዖ:- «ፖኦሊሶ ሱኡጋሢ ሳርጌሎ ያይቶ ዣዣአሽካ ዓሲጉዲ ዒሻኔ! ዒዚ ዓዳ ዲዩ ማላኔ!» ጌዔኔ። 21 ዬካፓ ካአቲ፣ ዲዮራሜ:- «ታኦኮ ሳርጌሎ ያይቶ ጊኢጊሹዋቲ» ጌይ ዓሶ ዓይሣኔ፤ ሳርጌሎ ያይታ ጊኢጊሹንታዛ ዒዛንታ ካአቲ ዓካዚያሴንታ ፔኤኮ ሳርጌሎ ያይቶ ቶጊ ዲዩና ካአማኒ ዴንዳኔ፤ ዔያታ ዒማና ናአቡቲሮ ማዔ ጎዡ ጋራ ዲዩና ካአሜኔ። 22 ዲዮራሜ ዲዩ ኮይላ:- «ዲዩ፣ ኮሺ ዓአያ ኔ ሙኪያ?» ጌይ ያኦጪኦ።

ዲዩ ማሃዖ:- «ኔ ዲንዳ ዔልዛቤሎኮ ሜሌ ያኦዞ ካአዦና ማሮሽ ማደና ሃያይዲ ሳዖ ባይዚ ዓአንቲ ዓይጎ ኮሹሞ ዓአይ?» ጌዔኔ።

23 ዬያሮ ዲዮራሜ ዑኡዞ ዴጊዲ:- «ዓካዚያሴ! ሃይ ፑርቲሞ ማላሢኬ!» ጌይ ጌይ ሳርጌሎ ያይቶ ጊንሢሞ ማሂ ጳሽኬኔ።

24 ዲማና ዲዩ ሂኢሺና ዲዮራሜኮ ካአሎ ዴማ ዴኬኔ፤ ዬይ ሂኢዣ ዴንዳ ሳዞ ሄሌሢሮ ዲዮራሜ ሳርጌሎ ያይቶይዳ ዓአዖ ዲኢካ ሎኦሚ ሃይቄኔ። 25 ዬካፓ ዲዩ ቤዲቃሬ ጌይንታ፣ ዲዛና ዋላ ማዳሢ:- «ለዞ ዔኪ ዴንዳ ናአቡቲ ጎዡይዳ ኬኤሬ፤ ታኦና ኔኤና ካአቲ ዲዮራሜኮ ዓዶ፣ ዓክዓቤ ጊንዖ ኦኡኮ ሳርጌሎ ያይቶ ቶጊ ዓአዳንቲ ናንጊና ናንጋ ጎዳ ዓክዓቤይዳ ማዳኒ ኬኤዜ ባኮ ማሊ ጳቂሣ፤ 26 ናንጊና ናንጋ ጎዳ ጌዔ ባካ:- «ኪሮ ናአቡቲንታ ዲዛኮ ናአቶዎ ዎደናሢ ታኦኒ ዛጌኔ፤ ዒዞ ሃሮ ጎዡሎይዳ ዬያ ኮሞ ታኦኒ ማሃንዳኔ» ጋዓያኬ» ጌዔኔ። ዬያሮ ዲዩ:- «ናንጊና ናንጋ ጎዳ ጌዔ ባካ ኩማንዳጉዲ ዲዮራሜኮ ሌዞ ዔኪ ናአቡቲ ጎዡ ኬኤሬ» ጌይ ዲዛና ዋላ ማዳሢ ዓይሣኔ።

ጴሁዳ ካእቲ ዓካዚያሴ ዎድናሢ

27 ዓማና ካእቲ፥ ዓካዚያሴ ዬያ ባኮ ቢያ ዛጋያ ሳርጌሎ ያይቶ ቶጊ ቤትሃጋኔ ካታሞ ጳሽኪ ዴንዴኔ፤ ዒዩዋ ዒዛ ጊንያ ዳውሲ ዳውሲ፡- «ዒዛ ዎዎዲዎቲ!» ጌዒ ፖኦሊሶ ዓይሢኔ፤ ዬያሮ ፖኦሊሳ ዓካዚያሴ ዳውሲ ዩብሌዓሜ ካታሞ ኮይላ ዓእ ጉኡሬ ሴኤሮይዴና ጳሽካንቴ ዱኬኔ፤ ዒዚ ጋዓንቴ ባሺንቴያ ሜታዲ ሜጊዶ ካታሞ ዴንዲ ሄሊ፥ ዒኢካ ሃይቄኔ፤ 28 ዒዛኮ ደንዛ ማዔ፥ ቢታንታ ዓእ ዓሳ ሌዞ ዒዛኮ ሳርጌሎ ያይቶና ዔኪ ዬሩሳላሜ ዴንዲያ ዳውቴ ካታማ ካእታ ዱኡታ ቤዛ ዱኡኬኔ።

29 ዓካዚያሴ ጴሁዳይዳ ካእታዴሢ ዒሰራዔኤሌ ካእቲ፥ ዓክዓቤ ናኣዚ፥ ዒዮራሜ ካእታዴንቴ ታጶ ፔታሳ ሌያናኬ።

ዔልዛቤሎኮ ሃይቦ

30 ዬካፓ ዒዩ ዒይዚራዔኤሌ ዴንዴኔ፤ ዔልዛቤላ ዒማና ዬያ ባኮ ዎይዛያ ዓእፖ ኮይሎ ቲሽኪ ሚዛጴኔ፤ ቶኦኮዎ ፔኤኮ ማዘር ካእቲሞ ማኣሮኮ ዑፃ ዓእ ዴጌ ቤዛ ዔቂ ፑልቶ ካሮና ሊካ ጎይያ ዛጋኔ። 31 ዒዩ ካታሞ ጌሎ ካሮና ጌላኣና ዒዛ፡- «ዔኤዛይ፥ ዘምሪ!»* ሃይ ኔኤኒ ኔ ጎዳ ዎዴሢ ሃይ! ሃይካ ኔና ዓይጌ ዔኪ ዬዔይ?» ጌይ ዒላቴኔ።

32 ዓማና ዒዩ ሌካ ዴግ ጌይ ዛጋያ ዑኡዞ ዴጊዲ፡- «ታኣና ዎላ ማዓኒ ኮዓሢ ያናዲይ?» ጌዔኔ፤ ዬያሮ ፓይዲና ላምያ፤ ጊንሣ ሃሣ ሃይሣ ማዓንዳ ዓሲ ፑልቶ ካሮና ሞኦኪ ዒዛ ዛጌኔ፤ ዬና ዓሳ ካእቲሞ ማኣሮይዳ ቢታንቶ ዓእ ዓሲኬ፤ 33 ዒዩ ዔያቶም፡- «ዔልዛቤሎ ሊካ ሃዒ ኬኤሩዎቲ!» ጌዔኔ፤ ዔያታ ዒማና ዒዛ ዔኪ ሊካ ኬኤሬኔ፤ ፓራሢና ሳርጌሎ ያይቶና ዒዛ ሄርቁሢሮ ዒዛኮ ሱጉፃ ኮጮና ፓራሢናይዳ ፓሽኪንቴኔ። 34 ዬካፓ ዒዩ ካእቲሞ ማኣሪ ጌሊ ሙኡዚ ሙዔኔ፤ ዒማና ዒዚ፡- «ዎይቴቲያ ዒዛ ካእቲ ናይታሢሮ ዒዛ፥ ጋዳንቁንቴ ላኣሌሎ ዔኪ ዱኡኩዎቲ» ጌዔኔ። 35 ዒዛ ዱኡካኒ ዴንዴ ዓሳ ጋዓንቴ ቶኦኮ ማጌያማና ቶኮንታ ኩጮንታ ሜጌያፓ ዓታዛ ሜሌ ባኣዚ ዴንቁባኣሴ፤ 36 ዬያ ቢያ ዒዩም ዔያታ ኬኤዛዛ፥ ዒዩ፡- «ዬይ ቢያ ማዲንቴሢ ናንጊና ናንጋ ጎዳ ፔ ዓይላሢ፥ ቴሲቢ ዓጮ ዓሢ፥ ዔኤሊያሴ ዛሎና ቤርታ ኬኤዜ ጎይያኬ፤ ዬይያ፡- «ዔልዛቤሎኮ ሌዞ ዒይዚራዔኤሌ ዓጮይዳ ካኒ ሙዓንዳኔ፤ 37 ካናታ ሙዔንቴ ዓቴ ባካ ፒፂ ላኣሎና ቡኡራጉዲ

* 9:31 9:31 ዘምሪ ጌይንታ ዓሢ፡- ፖኦሊሴ ሱኡኢታያ ዔኤላ ጌይንታ ካእታሢ ዎዴያኬ፤ 1ካኣቶ. ማ 16:8-12ይዳ ዛጌ። 9:36 9:36 1ካኣቶ. ማ 21:23።

ማዕንዳኔ፤ ዬያሮ ያኑኒያ ዒዛ ዲማሲ ዔሪ፣ ሃና ዔልዛበሎኬ ጋዒኒ ዲንዳዑዋሴ» ጌይንቴሂኬ» ጌዔኔ።

10

ዓክዓቤ ዜርዖ ጉቤ ዋድናሂ

1 ፓይዳ ላንካይታሚ ማዕያ፣ ዓክዓቤ ዜርሂ ሳማሪያ ካታማ ናንጋኔ፤ ዬያሮ ዒዩ ዋርቃታ ፃእፒ ፔቴ ፔቴ ፃእፖና ከኢቶ ዋርቃቶ ካታሞ ዋይሂ ዓሶንታ ዔርቴ ዓጮ ጨሞንታ ዓክዓቤ ዜርዖ ዲቻ ዓሶንታሞ ቢያ ዳኬኔ፤ ፃእፒንቴ ከኢታ፡- 2 «ካእቲ ዜርዖ ማዔ ዓሳ ዒንሂ ዴማ ዋርቃያኬ፤ ፓርንታ ሳርጌሎ ያይቶንታ ያሎ ዓንጋሞንታ ዙሎ ከልቁ ዲርቆና ካታማኣ ዒንሂርኬ፤ ዬያሮ ሃና ከኢቶ ዋርቃታ ዒንሂ ሄሄላዛ ኔጉዋዖ፣ 3 ካእቲ ዜርዖፓ ፔቴ፣ ኮሺ ማዔያ ደኣሚ ካእታሡዋቴ፤ ዬያ ካእታሂ ዛላ ማዒ ዒዛሞ ያልቴዋቴ!» ጋዒያኬ።

4 ዬያሮ ሳማሪያ ዋይሂ ዓሳ ካራ ባይዚ ዒጊጨ፡- «ካእቲ ዒዮራሜንታ ካእቲ ዓካዚያሴንታ ቃዛኒ ዳንዳዒባኣ፣ ዒዩ ኑኡኒ ዋዲ ባሻኒ ዳንዳዒይ?» ጌዔኔ። 5 ዬካፓ ካእቲ ማኣር ዓሶኮ ሱኡጌሰኬያንታ ካታሞ ዋይሂሂንታ ዔርቴ ዓጮ ጨሞንታ ዓክዓቤ ዜርዖ ዲቻ ዓሶንታ ዒዩሞ፡- «ኑኡኒ ኔ ዓይሎኬ፤ ኔ ኑና ዓይሄ ባኮ ቢያ ማዲ ኑ ኩንሃንዳኔ፣ ያናኣ ኑ ካእታሃዓኬ፤ ኔኤም ኮሺ ማዔ ባእዚ ማማዴ» ጌዒ ከኢታ ዳኬኔ።

6 ዒዩ ዔያቶም ገንሃ፡- «ዒንሂ ታኣና ዋላ ማዒ ታኣኒ ዓይሂ ባኮ ኩንሃንዳያታቴ ዚር ሃይማ ዋዴ ካእቲ፣ ዓክዓቤ ዜርዖ ቢያሂኮ ቶኣኮ ቴቁ ዔኪ ታኣም ዬዑዋቴ» ጌዒ ዋርቃታ ፃእፔኔ።

ላንካይታሞ ዓክዓቤ ዜርዖንሂ ዒማና ሳማሪያይዳ ዔያቶ ዲቻያ፣ ዓጮይዳ ዔርቴ ጨሞ ኮይላ ናንጋኔ፤ 7 ዒዩ ፃእፔ ዋርቃታ ዔያቶ ሄላዛ ሳማሪያ ካታሞ ሱኡጋ ላንካይታሞ ዓክዓቤ ዜርዖ ቢያ ዋዲ፣ ቶኣኮዋ ዔያቶኮ ቴቁ፣ ኮታና ኩንሂ፣ ዒይዚራዔኤሌይዳ ዓኣ ዒዩሞ ዳኬኔ።

8 ዓክዓቤ ዜርዖኮ ቶኣካ ቴቁንቴ ሙኬሂ ዒዩ ዋይዛዖ ካታሞ ጌሎ ካራ ላሞዖ ቤሰካ ዋሊ ቤኤዚ ዚር ሄላንዳኣና ኩሊንቴ ዴዓንዳጉዲ ዓይሄኔ፤ 9 ዚራሎ ጉቴ ዓማ ካታሞ ጌሎ ካር ዒዩ ዴንዲ ዒኢካ ቡኪ ዓኣ ዓሶሞ፡- «ካእቲ ዒዮራሜሞ ጌኔ ማዲ ዋዴሂ ታናኬ፤ ዬያሮ ዒንሂ ዬያ ዛሎ ያኣጨንታዓኬ፤ ጋዓንቴ ሃያ ዓሶ ቢያ ዋዴሂ ዒንሂ ኮራ ያና ማላይ? 10 ሃይ ቢያ ዓክዓቤ ዜርዖይዳ ሄላንዳኔ ጌዒ ናንጊና ናንጋ ጎዳ ከኤዜ ባካ ጎኔ ማዔሂ ዔርዛኔ፤ ናንጊና ናንጋ ጎዳ ፔ ዓይላሂ፣ ዔኤሊያሴ ዛሎና ከኤዜ ባኮ ማዲ ኩንሄኔ» ጌዔኔ። 11 ዬካፓ ዒዩ ዒይዚራዔኤሌይዳ ናንጋ፣ ሃንጎ

ዓክዓቤ ዜርዖንታ ደንዞ ማዔ ቢታንታ ዓአ ዓሶንታ ዒዚ ናሽካ ዒዛኮ ላጎንታ ቁኤሶዋ ዓይሱዋዎ ቢያ ዋደኔ።

ካአቲ ዓካዚያሴ ዜርዖ ቢያ ዋደናሢ

12 ዒማና ዒዩ ዒይዚራዔኤሌይዳፓ ዔቁ ሳማሪያ ዴንዴኔ፤ ዒዚ ዴንዲቤቃ «ቆልሞ ሄንቃ ዓሶ ጉርዶ» ጌይንታ ቤሲ ሄላዎ፤ 13 ሃይቁ ካአቲ፣ ዓካዚያሴ ዒጊኖ ባአካፓ ዳካ ዓሲ ዴንቁ፡- «ዒንሢ ያናንሢ ዳይ?» ጌዒ ያኦጩኔ።

ዔያታ ማሃዎ፡- «ኩኒ ዓካዚያሴ ዒጊኒኩ፤ ሃሢ ኩኒ ጌኤሾ፣ ዔልዛቤሎኮ ናአቶንታ ሃንጎ ካአቲ ማአሮ ዓሶንታ ዛጋኒ ዒይዚራዔኤሌ ዴንዳኔ» ጌዔኔ። 14 ዒዩ ዒማና፡- «ሃንሢ ዓሶንሢ ዓርቁዋቲ!» ጌዒ ፔኤኮ ፖኦሊሶ ዓይሢኔ፤ ዬያሮ ፖኦሊሳ ዓርቃዛ ዒኢካ ዋአሢ ዔቲ ዓአንቲ ዬያ ዔቶ ኮይላ ዒዩ ዔያቶ ዋደኔ። ዔያቶኮ ሚርጉማ ያይዲታሚ ላምዎ ማዓያታንቲ ፔቲ ዓሲታዎ ዓይሱዋዎ ዒዚ ዋደኔ።

ዓክዓቤኮ ዒጊኖ ሃሃ ዋደናሢ

15 ዬካፓ ዒዩ ጎይዎ ዴንዶ ዓርቁኔ፤ ዒዚ ዴንዲቤቃ ሬካቤ ናአዚ፣ ዒዮናኦዳኦቤና ካአሜኔ፤ ዒዩ ዒዛ «ኮሺዳ?» ጌዒ ዔኤሌሰካፓ፡- «ታኦና ኔኤናኮ ማሊዎ ፔቲኩ፤ ዬያሮ ኔኤኒ ታኦና ዋላ ታ ማዳ ባኮ ማዳንዳ?» ጌይ ያኦጩኔ።

ዒዮናኦዳኦቤ፡- «ሂዮ፣ ታ ኔኤና ዋላ ኔ ማዳ ባኮ ማዳንዳ» ጌዔኔ።

ዒዩ ዒዛ ኮራ፡- «ታ ኩጮ ዓርቁ» ጋዓዛ፣ ዒዮናኦዳኦቤ ዓርቁኔ፤ ዬካፓ ዒዩ ዒዛ ጎቺ ዔኪ ሳርጌሎ ያይታ ዔኪ ኬሲ ዴይሃዎ፡- 16 «ታኦና ዋላ ዴንዲጋፓ ያኦሲሮ ጌዒ ታ ማዳንዳ ባኮ ዛጌ» ጌዔኔ፤ ዒማና ዔያታ ሳርጌሎ ቶጊ ሳማሪያ ዴንዴኔ። 17 ዒኢካ ዔያታ ሄላዛ ዓክዓቤ ዜርዖ ፔቲታዎ ዓይሱዋዎ ዒዩ ጋፒሲ ዋደኔ፤ ዬይ ያዲ ማዔሢ ናንጊና ናንጋ ጎዳ ፔ ዓይላሢ ዔኤሊያሴ ዛሎና ኬኤዜ ጎይዮናኬ።

ባዓኦ ጌይንታ ያኦዞ ካአሽካ ዓሶኮ ሃይቦ

18 ዬካፓ ዒዩ ሳማሪያ ዴር ፔቲይዳ ዔኤላዎ፡- «ካአቲ፣ ዓክዓቤ ባዓኦ ጌይንታ ያኦዞ ካአሽኬሢ ዳካኬ፤ ታኦኒ ጋዓንቲ ዒዛፓ ባሾ ካአሽካኒ ኮዓኔ፤ 19 ዬያሮ ባዓኦ ማሊዎ ኬኤዛ ዓሶ ቢያ፤ ዬያጉዲ ባዓኦ ካአሽካ ዓሶንታ ዔያቶኮ ቁኤሶዋ ቢያ ዔኤሊ ታኦም ቡኩሱዋቲ፤ ዎይቲቲያ ዔያቶፓ ዓሲ ዓቲዋጉዲ፤ ታኦኒ ባዓኦም

10:11 10:11 ሆሴ. 1:4።

ዴኔፕ ዲንጎ ባኣዚ ዲንጋንዳሢሮ ዲኢካ ሙኪባኣ ዓይጎ ዓሲያ ማዎም ዎዲንጋንዳኔ» ጌዔኔ። ዲዩ ዩያይዳሢ ባዓኣሌ ካኣሽካ ዓሶ ቢያ ዎዲኒ ጌኔ ማሊሢካኔ። 20 ዩካፓ ዲዩ፡- «ባዓኣሌ ቦንቻኒ ዴሮ ዔኤሉዎቴ!» ጌዒ ዓይሣዛ፡ ዴሮ ዔኤሊንቴኔ። 21 ዲዩ ዲማና ዩያ ኪኢቶ ዲሰራዔኤሌ ዓጮ ቢያ ዳካዛ፡ ባዓኣሌ ካኣሽካ ዓሶ ቢያ ቡኬኔ፤ ፔቴ ዓሲታዎ ዓቴዎዎ ቢያሢ ባዓኣሌኮ ጌኤዦ ማኣሮ ጌሊ ኩሚ ዴዔኔ፤ 22 ባዓኣሌ ዎኦዞም ዴማዴ ማኣዓሢ ዓርቃ፡ ቄኤሳሢ ባዓኣሌ ካኣሽካ ዓሶም ማኣዓሢ ኬሲ ዲንጋንዳጉዲ ዲዩ ዓይሣኔ። 23 ዩካፓ ዲዩ ሪካቤ ናኣዚ፡ ዲዮናኦዳኣቤና ዎላ ባዓኣሌኮ ጌኤዦ ማኣሮ ጌሌኔ፤ ዲኢካ ጌላዎ ዴሮ ኮይላ፡- «ዓካሪ ዲንሢ ሃይካ ዓኣ ዓሶ ባዓኣሌ ሌሊ ካኣሽካያታሢ፤ ናንገና ናንጋ ጎዳ ካኣሽካ ዓሲ ፔቴታዎ ባኣያ ማዔሢ ዴማሲ ዔሪ ታኣም ኬኤዞዎቴ» ጌዔኔ። 24 ዩካፓ ዲዚ ዲዮናኦዳኣቤና ዎላ ባዓኣሌም ሚቹ ዲንጎ ዲንገሢና ሜሌ ዲንጎ ባኣዚያ ሺኢሺሢ ዓርቄኔ፤ ዩያኮ ቤርታ ዲዩ ሳሊታሚ ፖኦሊሴ ባዓኣሌኮ ጌኤዦ ማኣሮ ዓጮ ማንገሲ ዔቄሳዎ፡- «ሃይካ ጋራ ዓኣ ዓሶ ቢያ ዎዲዎቴ፤ ፔቴ ዓሲታዎ ቶሊሲ ዳኬ ዓሲ ዩያ ዓሢ ዛሎ ዎዲንጋንዳኔ!» ጌዒ ዓይሢናኣኮኔ።

25 ዲዩ ዲንጎ ባኮ ዲንጌሰካፓ ኔጉዎዎ ዙላ ካፒ ዓኣ ፖኦሊሶና ፖኦሊሶ ሱኡጎ፡- «ጌሊ ሃይካ ጋራ ዓኣ ዓሶ ጉቤ ዎዲዎቴ፤ ፔቴ ዓሲታዎ ቶሉዎጉዲ!» ጌዒ ዓይሣኔ፤ ዩያሮ ፖኦሊሳ ፔኤኮ ጨንቾ ዓፓሮ ቱጊ ቱጊ ጌላዎ ጋራ ዓኣ ዓሶ ቢያ ዎዴኔ፤ ሌዞዎ ቢያ ጎቹ ጎቹ ዙሎ ኬሴኔ፤ ዩካፓ ባዓኣሌ ጌኤዦ ማኣሮኮ ጋራ ዓኣ ቆልዎ ጌሊ፡ 26 ዲኢካ ዔያታ ካኣሽካ ሹጮ ዳኣቦ ዙሎ ኬሲ ታሚና ሚቹኔ። 27 ዩያይዲ ባዓኣሌ ካኣሽካ ዓሶ «ዴማዴያ ጌኤሺኬ» ጌዒ ጉሙርቃ ሹጮ ዳኣቦንታ ማኣሮንታ ሻሃኔ፤ ዩያ ባዓኣሌኮ ጌኤዦ ማኣሮ ዔያታ ሹኤሺ ማኣሮ ማሃኔ፤ ዩይ ማኣራ ሃሮ ሄላንዳኣና ዲማዲ ማዒ ዓኣኔ። 28 ዲዩ ዲይዚራዔኤሌይዳ ዓኣ፡ ባዓኣሌ ካኣሽካ ካኣዦ ባይዜሢ ዩያይዲኬ፤ 29 ያዲ ማዔቴያ ዲዩ ዲሰራዔኤሌ ዓሶ ጎሞይዳ ዔኪ ጌልዜ፡ ካኣቴ፡ ዲዮርቢዓሜ ማዴ ጎሞ ማዲያ ሃሺባኣሴ፤ ዲዚ ዓይጎ ማዴይ ጌዔቴ፡ ናባጼ ናኣዚ፡ ዲዮርቢዓሜ ቤኤቴኤሌና ዳኣኔናይዳ ማዢ ዔቄሴ ናኣሪ ማላ ባኮ ካኣሽኪያ ሃሽ ዲጼኔ። 30 ጋዓንቴ ናንገና ናንጋ ጎዳ ዲዩም፡- «ዓክዓቤ ዜርዎይዳ ቢያ ለማዴ» ታ ኔና ጌዔ ጎይዎ ማዲ ኔኤኒ ኩንሣኔ፤ ዩያሮ ኔኤኮ ዜርዓ ዴንዲ ዎይዶ ሾይንቴ ሄላንዳኣና ዲሰራዔኤሌይዳ ካኣታዳንዳሢ ታ ኔኤም ጫኣቃኔ» ጌዔኔ። 31 ዲዩ

10:29 10:29 1ካኦቶ. ማ 12:28-30።

ጋዓንቴ ናንጊና ናንጋ ጎዳ ማዔ ዒሰራዔኤሌ ያክዛሢ ዋጎም ጉቤ ዒናፓ ዒይሢንታያ ማዒባኣሴ፤ ዩያይዶንደሢ ሃሺ ዒሰራዔኤሌ ዓሶ ጎማ ዔኪ ጌልዜ፣ ዒዮርቢዓመ ማዔ ፑርቶ ማዔ ማዔ።

ዒዩኮ ሃይቦ

32 ናንጊና ናንጋ ጎዳ ዒማና ዒሰራዔኤሌ ዓሶኮ ዓጮ ደኪሲሢ ዓርቄ፤ ዩያር ሶኦሪያ ካኣቲ፣ ዓዛሄሌ ዒሰራዔኤሌ ያሊ ባሺ ዒሰራዔኤሌ ዓጮ ቢያ ዓርቄ። 33 ዒዚ ዓርቄ ዓጮ፡- ዮርዳኖሴ ዋርኮ ዓባ ኬሰካ ዛሎንታ ደኣሎ ዛሎና ዴንዲ ዓርኖኦኔ ዋርኮ ኬዴ ዓኣ ዓርዔኤሬ ካታም ሄላንዳኣናኬ፤ ዩይ ቤዛ ጋኣዴንታ ሮኦቤኤሌንታ ዓባ ኬሰካ ዛላ ዓኣ ሚናኣሴ ፃጶኮ ሄካሢ ናንጋ፣ ጌሌዓዴንታ ባኣሳኣኔንታ ዓጮ ጋራ ማሂ ዔካያኬ።

34 ዒዩ ማዔ ማሌ ባኮና ጫርሹሞና ዒ ያሊ ባሺ ባሺፃ ቢያ ዒሰራዔኤሌ ካኣቶ ሃይሳ ፃኣፒንታ ማፃኣፓ ፃኣፒንቲ ዓኣኔ፤ 35 ዩካፓ ዒዩ ሃይቄ ሳማሪያይዳ ዲኡቲ፤ ዒዛ ቤዛ ዒዛኮ ናኣዚ፣ ዒዮዓካኣዜ ካኣታዴ፤ 36 ዒዩ ሳማሪያይዳ ናንጊ ዒሰራዔኤሌ ዓጮ ለማታሚ ሳሊ ሌዔ ካኣታዲ ዋይሢ።

11

ዪሁዳ ካኣቲሎ ዓታሊያ
(2ያኦሲ. ዓሃኬ 22:10—23:15)

1 ካኣቲ ዓካዚያሴኮ ዒንዳ፣ ዓታሊያ * ዒዛኮ ናያ ዋደናሢ ዋዋይዛያ ዪሁዳ ካኣቲ ማኣሮ ዓሶ ቢያ ዋደንዳጉዲ ዓሶ ዓይሢ ዋዲሼ። 2 ዒዛ ዋዲሹዋንቴ ዓቲሢ፣ ዓካዚያሴ ናኣዚ፣ ዒዮዓሴ ሌሊኬ፤ ዒዚያ ሃንጎ ዓሶና ዋላ «ዋዲንቶም» ጌይንቴያታያ ዓቲ፤ ዒማና ዒዛኮ ዓደ ጌራ፣ ካኣቲ ዒዮራማ ናኣ፣ ዪሆሻባዓ ዒዛ ዓኣቲ ዓይሴ፤ ዩና ዒዛኮ ዓደ ጌራላ ዒዛንታ ዒንደ ማዒ ዒዛ ዲቻዘንታ ዔኪ ጌኤዦ ማኣሮኮ ጋራ ዓኣ ቆልያይዳ ዓኣቲሢሮ ዓታሊያ ዒዛ ዋዲሻኒ ዳንዳዒባኣሴ። 3 ዓታሊያ ዪሁዳይዳ ላሆ ሌዔ ካኣታዲ ዴዔ፤ ዒማና ዪሆሻባዓ ዒዮዓሴ ጌኤዦ ማኣሮይዳ ጌሢ ዛጊ ዲቼ።

4 ጋዓንቴ ቄኤሳሢ፣ ዮዳሄ ላንካሳ ሌዖና ካኣቶ ካፓ ፖኦሊሶንታ ካኣቲሞ ማኣሮ ካፓ ፖኦሊሶኮ ሱኡጎንታ ቢያ ዔኤሊሲ ጌኤዦ ማኣሪ ዔኪ ዩዔ፤ ዒኢካ ዒዚ ማዳኒ ማሌ ባኮ ዔያታ ዒዛና ዋላ ማዳንዳጉዲ ጫኣቄሴ፤ ዩካፓ ዓካዚያሴኮ ናኣዚ፣ ዒዮዓሴ

* 11:1 11:1 ዓታሊያ ፔቴ ፔቴ ማፃኣፓ ዩና ዓሴሎኮ ሱንያ «ጎቶሊያ» ጋዔ።

ዔያቶም ዒዚ ደቀዎ፣ 5 ሂዚ ጌዒ ዓይሄኔ፡- «ሃውሾ ኬሎና ካፖ ዒንሂ ካፓኦና ሃይሃ ቤሲ ፓቁንቲጋፓ ፔቲ ቤሰካ ፓቁንቲ ዓሳ ካኦቶም ማኦሮ ካፖንጎ፤ 6 ማሌ ቤዛ ማሂ ፓቆና ዓሳ ሃሃ ሱኡሬ ባንሂ ጌሎ ካሮ ካፖንጎ፤ ሃይሃሶ ፓቆና ዓሳ ሃንጎ ፖኦሊሶኮ ዙላ፣ ጊንሂና ዓኣ ጌሎ ካሮ ካፖንጎ። 7 ሃውሾ ኬሎና ካፑዎ፣ ላምዎ ቤዛ ፓቁንቲ ፖኦሊሳ ጋዓንቲ ካኦቲ ዔኤቢ ሙኪ ሄሉዋጉዲ ጌኤዙ ማኦሮ ካፖንጎ፤ 8 ካኦቲ፣ ዒዮዓሴ ዒንሂ ካፓኦና ጨንቾ ዓፓሮ ዒንሂኮ ቱጊ ዓርቂ ዒ ዴንዳ ቤዛ ቢያ ዒዛና ዎላ ዴንዱዎቲ፤ ዒንሂ ባንሂ ሙካ ዓይጎ ዓሲያ ቢያ ዎዎዲዎቲ።»

9 ዖሎ ፖኦሊሶኮ ሱኡጋ ዮዳሄ ዓይሂ ዓይሂዎ ዔኪ ሃውሾ ኬሎና ካፓ ፖኦሊሶንታ ካፑዎዎ ዓታ ፖኦሊሶዎ ዎላ ዔኪ ዮዳሄ ኮይላ ሙኬኔ። 10 ዮዳሄ ዒማና ጌኤዙ ማኦሮይዳ ጌሂ ካፒንቲ ናንጋ፣ ዎርዖንታ ጊቲሞንታ ዔኪ ዖሎ ፖኦሊሶኮ ሱኡጎም ዒንጌኔ፤ ዬይ ዓንጋማ ካኦቲ ዳውቴሲኬ። 11 ፖኦሊሶ ጨንቾ ዓፓሮ ቱጊ ዓርቂሲ ካኦቲ ካፓንዳጉዲ ያኦሲም ዒንጎ ባኮ ሺኢሾ ቤዛ ዛሎና ጌኤዙ ማኦሮኮ ቤርቶ ዛላ ዒ ዔቁሴኔ። 12 ዬያይዴሰካፓ ዒዮዓሴ ዓኦቾና ቤዛፓ ኬሲ፣ ቶኦካ ቦንቾሮ ዓጎ ባኮ ዓጌኔ፤ ዒዚ ካኦታዳዎ ዎይሃንዳ ዎጎ፣ ፃኦፖና ዒዛም ዒንጌኔ፤ ዬያይዲ ዒዮዓሴ ካኦቲሞም ዳኦሚንቲ ካኦታዴኔ፤ ዴራ ዒማና ኩቺ ባዒ ባዒ ዑኡዘዎ ዴጊዲ፡- «ካኦቲ ናንጊና ካኦታዳንጎ!» ጌዔኔ።

13 ካኦቲላ፣ ዓታሊያ ካኦቶ ካፓ ፖኦሊሶንታ ዴርንታኮ ዒላቶ ዑኡዘ ዎይዛዎ ዴራ ቡኪንቲ ዓኣ ጌኤዙ ማኦሪ ዑኬና ዴንዴኔ። 14 ዒኢካ ዒዛ ሙካዎ ዓኪ ካኦታሃና ካኦታሂ ካኦቶ ካኦታሃ ዳምሶ ጎይዖና ጌኤዙ ማኦሮኮ ጌሎ ካራ ዓኣ ቱርቲሮ ኮይላ ዔቁ ዓኦንቲ ዴንቁኔ፤ ዬይ ካኦታሂ ዒማና ዖሎ ፖኦሊሶ ዓይሃ ሱኡጎንታ ዛያሂ ዎርቃ ዓሳኣ ዒዛ ኮይላ ዔቁ ዓኦንቲ ዒዛ ዴንቁኔ፤ ዴራኣ ቢያ ሚርጌና ዎዛዲ ዒላሺሂና ዛዬ ዎርቃኔ፤ ዬያሮ ዓታሊያ ዲቃቲ ማኦሳሂ ፔኤኮ ዳርዚ፡- «ሃይ ታና ዒዳ ማዶና ጌኔ ማዶኬ! ጌኔ! ጌኔ!» ጌዒ ዒላቲኔ።

15 ጌኤዙ ማኦሮኮ ዲሮ ጋራ ዓሳ ዓታሊያ ዎዳንዳጉዲ ዮዳሄ ኮይባኦሲ፤ ዬያሮ ዖሎ ፖኦሊሶ ሱኡጎ፡- «ሻውሎና ሚዛቆ ዛሎናይዳ ዔቁ ካፓ ፖኦሊሶኮ ባኦኪና ዔኪ ዒዛ ኬሱዎቲ፤ ዒዛ ጊንፆ ዴንዳጊ ጋዓ ዓሲ ዓኦቲ ዎዎዲዎቲ» ጌይ ዓይሄኔ። 16 ዒማና ዒዛ ዔያታ ዓርቂ ዔኪ ካኦቲሞ ማኦሪ ዴንዴኔ፤ ዒኢካ «ፓራሂ ጌላ ካሮ» ጌይንታ ቤዘይዳ ዔያታ ዎዴኔ።

11:14 11:14 2ካኦቶ. ማ 23:3።

ዲሰራዔኤሌ ዓሳ ሃሼ ጫአቁሞ ዮዳሄ ጊንሣ ዓካሴሣ
(2ፆኦሲ. ዓሃኬ 23:16-21)

17 ቁኤሳሣ፡ ዮዳሄ ዲዛንታ ካአቲንታ ዴሮንታ ያኦሲ ዴሪ ማዓንዳጉዲ ናንጊና ናንጋ ጎዳና ዎላ ዓሶ ጫአቁሴኔ፤ ሃሣ ጊንሣ ካአቲንታ ዴሮንታ ዎሊ ጉሙርቃያ ማዓንዳጉዲ ዲዚ ጫአቁሴኔ።
18 ዩካፓ ዴሪ ባዓአሌኮ ጌኤዡ ማአሪ ዴንዲ ካአዡ ማአሮ ሻሄኔ፤ ባዓአሌሞ ዲንጎ ባኮ ዲንጊ ካአሽኮ ቤዞና ዲዛ ማሊሲ ማዡና ባኮዎ ቢያ ማንሣኔ፤ ማአታኣኔ ጌይንታ፡ ባዓአሌሞ ማዳ፡ ቁኤሴሰኬያ ዲንጎ ባኮ ዲንጎ ቤዞኮ ቤርታ ዔያታ ዎዴኔ።

ዮዳሄ ዲማና ያኦሲ ካአሽኪንታ፡ ጌኤዡ ማአሮ ዎሊ ዓአሣ ዓአሣ ካፓንዳ ዓሲ ኬሲ ካፓንዳጉዲ ዓይሣኔ፤ 19 ዩያይዴሰካፓ ዲዛንታ ፖኦሊሶ ሱኡጎንታ ካአቲ ካፓ ፖኦሊሳሣንታ ካአቱሞ ማአሮ ካፓ ፖኦሊሶንታ ካአቲና ዎላ ጌኤዡ ማአራፓ ዴንዲ ካአቱሞ ማአሮ ሄላንዳኣና ዴንዳንዳጉዲ፤ ሃሣ ዴራኣ ቢያ ጊንፆ ሙካንዳጉዲ ዓይሣኔ፤ ዲማና ዲዮሳሴ ካአቱሞ ማአሮ ካፓ ዓሳ ጌላ ዲሮ ካሮና ጌሊ ካአቱሞ ያይቶይዳ ዴዔኔ። 20 ዓታሊያ ዎዴንቴሣሮ ዓሳ ቢያ ዎዛዴኔ፤ ካታሞ ዓሳኣ ሃርጋ ባኣዚ ባኣያ ማዔኔ።

21 ዲዮዓሴ ካአታዳኣና ለዓ ዲዛኮ ላንካይ ለዔኬ።

12

ዪሁዳ ካአቲ ዲዮዓሴ
(2ፆኦሲ. ዓሃኬ 24:1-16)

1 ዲዩ ዲሰራዔኤሌይዳ ካአታዴንቴ ላንካሳ ለያና ዲዮዓሴ ዪሁዳይዳ ካአታዴኔ፤ ዲዚ ዩሩሳላሜይዳ ናንጊ ያይዲታሚ ለዔ ዎይሣኔ፤ ዲንዳ ዲዛኮ ዪቢያ ጌይንታያ ቤርሳቤ ካታማ ሾይንቴያኬ። 2 ቁኤሳሣ፡ ዮዳሄ ዲዛ ዞራያ፤ ሃሣ ዔርዛያ ማዔሣሮ ዲዚ ናንጌ ዎዶ ቢያይዳ ናንጊና ናንጋ ጎዳ ዎዛሳ ማዶ ማዴኔ፤ 3 ጋዓንቴ ጌሜራ ጌሜራ ሜሌ ያኦዞ ካአሽኮ ካአዡ ማአራ ሻሂንቴባኣሣሮ ዴሪ ዲኢካ ዑንጃ ጩቢሲ ጩቢሲ ዲንጎ ባኮዎ ዲንጊ ዲንጊ ካአሽኪያ ሃሺባኣሴ።

4 ዲማና ዲዮዓሴ ቁኤሶ ዔኤሊ ጌኤዡ ማአሮይዳ ዲንጊንታ ባኮና ዎላ ዲንጎያ ማሂ ሺኢሾ ሚኢሾ ቢያ ዛጊ ዔያታ ዓርቃንዳጉዲ ዓይሣኔ፤ ዩይ ሚኢሾ ዲንጎ ባኮ ዲንጎዎና ዲንጊንታ ዔርቱ ሚኢሾንታ ዴራ ፔ ሸኔና ናሽኪ ዲንጋ ሚኢሾ ቢያ ጌይሣኬ። 5 ፔቴ ፔቴ ቁኤሳ ዔያታ ማዳ ፔ ዓሶፓ ዓሶፓ ዲንጊንታ ሚኢሾ ቢያ ዛጊ ዓርቃንዳጉዲ

12:4 12:4 ኬሲ. ማፃ 30:11-16።

ቢታንቶ ዔያቶም ዒንገንቴኔ፤ ዔያታ ዬያ ሚኢሾና ኮይሳ ጎይያ ጌኤዡ ማኣሮኮ ፑርቴህ ገኢጊሻንዳጉዲ ዒዚ ዔያቶም ከኤዘኔ።

6 ጋዓንቴ ዒዮዓሴ ካኣታዳማፓ ዳንዲ ላማታሚ ሃይህሳ ሌያ ሄላንዳኣና ቁኤሳ ጌኤዡ ማኣሮኮ ፑርቴ ቤዞ ፔቴታያ ኮሼ ባኣዚ ባኣሴ፤ 7 ዬያር ዒዮዓሴ ዮዳሄና ቁኤሶ ሃንጎዋቶና ፔ ባንህህ ዔኤሊ፡- «ጌኤዡ ማኣሮኮ ፑርቴ ቤዞ ዒንህ ኮሺባኣህ ዓይጎርዳይ? ሃይማፓ ዓርቃያ ዒንህ ዔካ ሚኢሾ ዒንህ ዓርቃንዳያ ኮይሱዋሴ፤ ጌኤዡ ማኣሮኮ ፑርቴ ቤዞ ኮሺንታንዳጉዲ ሚኢሾ ዔኪ ሃጊ ሺኢሹዋቴ» ጌዔ። 8 ቁኤሳ ዬያ ማሊያ «ቃራኬ» ጌዒ ጌኤዡ ማኣሮኮ ፑርቴ ቤዞ ዔያታ ኮሻጊ ጋዓዞ ሃሼኔ።

9 ዩካፓ ቁኤሳህ፡ ዮዳሄ ፔቴ ሳኣዲና ዔኪ ሳኣዲኮ ጉኡፖይዳና ዪኣና ዑሬኔ፤ ዬያ ሳኣዲኖ ጌኤዡ ማኣሮ ጌሎህኮ ሚዛቆ ዛላ ዓኣ፡ ዒንጎ ባኮ ዒንጎ ቤዞ ኮይላ ጌህኔ፤ ቢያ ከሊ ፔ ከሎና ከሎና ጌሊ ካፓ ቁኤሳ ናንገና ናንጋ ጎዳ ዚጊ ካኣሸካጊ ሙካ ዳራ ዔኪ ሙኪ ዒንጋ ሚኢሾ ዔኪ ሳኣዲኖ ጋራ ዓጋኔ፤ 10 ዬይ ሳኣዲኖ ኩማዛ ካኣቱሞ ማኣሮይዳ ፃኣፖ ባኮ ፃኣፓ ዓህና ቁኤሶ ሱኡጋህና ሙኪ ሙኪ ሚኢሾ ፓይዳያ ቃርዲቴና ቱኪ ቱኪ ጌህኔ። 11 ሚኢሻ ዋኣዲ ማዔቴያ ኮሺ ዛጊ ዔሪ ፃኣፕ ዓርቁሰካፓ ጌኤዡ ማኣሮኮ ፑርቴ ቤዞ ማዲሻ ሱኡጎም ዒንጋዛ ዔያታ ሚኢሾ ዔኪ ማኣሮ ጳርቁኮሻ ዓሶም፡ ሹጮና ማዡ ዓሶም፡ 12 ሹጮ ዓርሳ ዓሶም፡ ፑርቴ ቤዞ ኮሻንደ ሚያና ሹጮና ሻንቃ ዓሶንታ፤ ዬያጉዲ ዲማ ዲማ ኮይሳ ማደም ቢያ ጨገንታኔ። 13 ጋዓንቴ ቢሮ ዓንጎና ኮሺንታ ዔቶ ሳኣና፡ ዲቢንያ ዋሆ ባኮ፡ ዔቶ ሺልያንታ ዲንካህንታ፤ ዬያጉዲ ሃህ ቢሮ ዓንገና ዋርቁና ማዡንታ ጌኤዡ ማኣራ ካኣዡር ማዲንቶ ባኮ ኮሺሳጊ ዬያ ሚኢሾፓ ዔኪ ጨገንቱዋሴ። 14 ዬይ ሚኢሻ ጉቤ ጌኤዡ ማኣሮኮ ፑርቴ ቤዞ ኮሻ ዓሶና ኮሺያም ኮይሳ ባኮኮ ሌሊ ጨገንታኔ። 15 ማደ ማዲሻንዳጉዲ ቢታንታ ዒንገንቴ ዓሳ ጎኔ ጉሙርቁንታ ዓሴ ማዔህረ ሚኢሾ ዒንጌ ዓሳ ዔያቶ ዓልቲ ያኡጪ ያኡጪ ዛጉዋሴ። 16 ዳቢንቲ ዛላና ጎሜ ዛላና ጌዒ ጨገንታ ሚኢሻ ጋዓንቴ ቁኤሶም ዒንገንታያኬ፤ ጌኤዡ ማኣራ ጌሆና ሳኣዲኖ ጋራ ዓገንቱዋሴ።

ካኣቲ ዓዛሄሌ ዬሩሳሌም ካታሞ ያላጊ ዚርቁህ

17 ዒማና ሶኦሪያ ዓጮ ካኣቲ፡ ዓዛሄሌ ጋኣቲ ካታሞ ያሊ ዓርቁ፤ ዩካፓ ዬሩሳሌም ካታሞ ያላጊ ማሌኔ። 18 ዪሁዳ ዓጮ ካኣቲ ዒዮዓሴያ ዒዛኮ ቤርታ ካኣታዳ ካኣቶ ጌይያ፡- ዒዮሳፕጭንታ

12:15 12:15 2ካአቶ. ማ 22:7። 12:16 12:16 ለዊ. ዓኬ 7:7።

ዲዮራሜንታ ዓካዚያሰንታ ናንጊና ናንጋ ጎዳም ዲማሲ ጌህ ዲንጎና ባኮና ፔኤሲያ ቃሲ ጌኤኩ ማኣሮና ካኣቱም ማኣሮናኮ ማህ ጌህ ኬኤፃ ዓኣ ዋርቆ ቢያ ቡኩሲ ካኣቲ ዓዛሄሎም ዲንጋኒ ዳኬኔ፤ ዓዛሄሎያ ዬያ ዔካፖ ፔኤኮ ፖኦሊሶ ዬሩሳላሜፓ ማሄኔ።

ካኣቲ ዲዮዓሴኮ ሃይቦ

19 ካኣቲ፡ ዲዮዓሴ ማዳ ማሌ ባካ ቢያ ዪሁዳ ካኣቶ ሃይሳ ፃኣፒንቲ ዓኣ ማፃአፓ ፃኣፒንቲኔ። 20-21 ዬካፓ ካኣቲ፡ ዲዮዓሴኮ ደንዘ ማዔያ ቢታንታ ዓኣ ዓሳ ዲዛ ዲዒ ጌኔ ማዳ ማዳኒ ዘርቴኔ፤ ዬያቶ ዓሶፓ ላምፖንህ ሸምዓቲ ናኣዚ ዮዛካሬና ሾሜሬ ናኣዚ ዪሆዛባዳና ሲላ ጌይንታ ቤዘ ዔኪ ዴንዳ፡ ዬሩሳላሜኮ ዓባ ኬሰካ ዛሎይዳ ባኣሲ ማኸና ማኣሮይዳ ዲዛ ዎዳኔ፤ ዲማና ዲዮዓሴ ዳውቲ ካታሞይዳ ካኣታ ዱኡታ ቤዘ ዱኡቲኔ፤ ዲዛ ቤዘይዳ ዲዛኮ ናኣዚ፡ ዓሜሲያሴ ካኣታዳኔ።

13

ዲሰራዔኤሌ ካኣቲ ዲዮዓካኣዜ

1 ዓካዚያሴ ናኣዚ፡ ዲዮዓሴ ዪሁዳይዳ ካኣታዳንቲ ላማታሚ ሃይህሳ ለዶና ዲዮ ናኣዚ ዲዮዓካኣዜ ዲሰራዔኤሌይዳ ካኣታዳኔ፤ ዲዚ ዲማና ሳማሪያይዳ ናንጊ ታጾ ላንካይ ሌዔ ዎይሄኔ፤ 2 ዲዚያ ሃህ ዲዛኮ ቤርታ ካኣታዳ፡ ካኣቲ ዲዮርቢዓሜጉዲ ጎሜ ማዲ ናንጊና ናንጋ ጎዳ ያዩሴኔ፤ ዲሰራዔኤሌ ዓሶዎ ዔኪ ጎሜይዳ ጌልዜኔ፤ ዲዮርቢዓሜ ማዳ ፑርቶ ማዳዎ ማዲያ ሃሺባኣሴ። 3 ዬያሮ ናንጊና ናንጋ ጎዳ ዲሰራዔኤሌ ዓሶይዳ ዲጎዲ ሶኦሪያ ካኣቲ ዓዛሄሌንታ ዲዛኮ ናኣዚ ቤንሃዳዳንታ ዔያቶ ያሊ ባሻንዳጉዲ ማርጌ ዎዳ ዓኣህሂ ዓኣህሂ ዲንጌኔ። 4 ዬካፓ ዲዮዓካኣዜ ናንጊና ናንጋ ጎዳ ሸኢቄኔ፤ ናንጊና ናንጋ ጎዳኣ ሶኦሪያ ካኣቲ ዲሰራዔኤሌ ዓሶይዳ ማዳ ፑርቶ ባካ ዑህሂ ዓኣዳ ዴኤህሂ ማዔህሂ ዛጊ ዲዮዓካኣዜኮ ሸኢጲያ ዎይዜኔ። 5 ዬያሮ ናንጊና ናንጋ ጎዳ ዲሰራዔኤሌ ዓሶ ሶኦሪያ ዓሶ ኩሜፓ ቶሊሲ ኬሳንዳ ሱኡጌ ዔያቶም ጊኢጊሹኔ፤ ዬካፓ ዔያታ ቤርታ ናንጋ ጎይያ ኮሺ ናንጌኔ። 6 ዬይ ቢያ ያዲ ማዔቲያ ካኣቲ፡ ዲዮርቢዓሜ ዲሰራዔኤሌ ዓሶ ዔኪ ጎሞይዳ ጌልዜ ዳቢንቶ ማዳ ዔያታ ሃሺባኣሴ፤ ዳቢንታፓ ማፖ ዲዒ ዬያ ጎሞ ማዲ ማዲ ዓሸራ ጌይንታ ላኣሎ ያኦዜሎ ማሊሲ ኮሾና ባኮ ሳማሪያይዳ ካኣሺኪያ ሃሺባኣሴ።

7 ካኣቲ ዲዮዓካኣዜኮ ደንጊታሚ ፓሮና ያላ ዓሲ፡ ታጾ ሳርጌላ ያይታና ታጾ ሺያ ፖኦሊሴሰኬንሂፓ ዓታዛ ማሌ ያልዚ ያላኒ

ገደገንቴ ዋልቁ ባኣሴ፤ ዩይ ያዲ ማዔሢ ዒዛኮ ሃንጎ ፖኦሊሶ ሶኦሪያ ካኣተ ሲላሊ ማሂ ዋዲ ባይዜሢርኩ።

8 ካኣተ፡ ዒዮዓካኣዜ ማዴ ባኮና ጫርቁ ዒዚ ያሊ ባሼ ባሺፃ ቢያ ዒሰራዔኤሌኮ ካኣቶ ሃይሳ ፃኣፒንታ ማፃላፖ ዩዳ ፃኣፒንቲ ዓኣኔ።
9 ዩካፓ ዒዮዓካኣዜ ሃይቁ ሳማሪያይዳ ዱኡቴኔ፤ ዒዛ ቤዘይዳ ዒዛኮ ናኣዚ፡ ዮዓሴ ካኣታዴ።

ዒሰራዔኤሌኮ ካኣተ ዮዓሴ

10 ዩሁዳ ካኣተ፡ ዒዮዓሴ ካኣታዴንቴ ሃይሢታሚ ላንካሳ ሌዖና ዒዮዓካኣዜ ናኣዚ ዮዓሴ ዒሰራዔኤሌዳ ካኣታዴ፤ ዒዚ ሳማሪያይዳ ናንጊ ታጾ ላሆ ሌዔ ዋይሢ። 11 ዒዚያ ዒሰራዔኤሌ ዓሶ ጎሜይዳ ዔኪ ጌልዜ፡ ካኣተ ዒዮርቢዓሜ ማዴ ፑርቶ ማዴ ማዴያና ጎሜ ማዴ ናንጊና ናንጋ ጎዳ ያዩሴ። 12 ዮዓሴ ማዴ ሜሌ ማዴ ቢያ፤ ሃሣ ዩሁዳ ካኣተ፡ ዓሜሲያሴ ዒዚ ያሊ ባሼ ባሺፃኣ ዓቲዋዖ ዒሰራዔኤሌኮ ካኣቶ ሃይሳ ፃኣፒንታ ማፃላፓ ፃኣፒንቲ ዓኣኔ። 13 ዩካፓ ዮዓሴ ሃይቁ፡ ሳማሪያይዳ ዓኣ ዱኡፖ ቤዛ ዱኡቴኔ፤ ዒዛ ቤዛ ዒዛኮ ናኣዚ፡ ላሞዓሳ ዒዮርቢዓሜ ካኣታዴ።

ዔልሳዒኮ ሃይሶ

14 ያኦሲ ማሊዖ ኬኤዛ፡ ዔልሳዒ ሃርገንቴም ደርዒሢ ያይዲ ዋዲ ሀኪ ዓኣንቴ ዒሰራዔኤሌ ካኣተ ዮዓሴ ዒዛ ያኦጫኒ ሙካዖ ሀኡዘ ዴጊዱ፡- «ዓዴ! ዓዴ! ኔኤኒ ዒሰራዔኤሌ ዴሮኮ ዋልቃሢና ገቲማሢናቲዋይ!» ጌዒ ቃዩ።

15 ዒማና ዔልሳዒ፡- «ፔቴ ቆኦሲ ሂኢሺና ዋላ ዔኬ» ጌዒ ካኣተ ዓይሣዛ፡ ዮዓሴ ዓይሢንቴሢ ጎይዖ ማዴ፤ 16 ዔልሳዒ፡- «ሂኢኸ ዱካኒ ገደገንቴ» ጋዓዛ፡ ካኣተ ዒዚ ዓይሢ ጎይዖ ማዴ፤ ዩካፓ ዔልሳዒ ፔኩጮ ካኣተኩጮ ሀፃ ጌሣዖ፡- 17 «ዓባ ኬሰካ ዛሎና ዓኣ ፑልቶ ካር ቡሌ» ጌዔ፤ ዩያር ካኣተ ቡሌ፤ ሃሣ ዔልሳዒ፡- «ሂኢኸ ዱኬ!» ጌዔም ካኣተ ዱዱካማና ዔልሳዒ፡- «ኔኤኒ ያኦሲ ሂኢሺኬ፤ ኔኤና ማዒ ናንጊና ናንጋ ጎዳ ሶኦሪያ ዓሶ ያሊ ባሻንዳ፤ ሶኦሪያ ዓሶ ያሊ ኔ ባሻንዳያ ሂላንዳኣና ዓፔቁ ካታማ ኔ ዔያቶ ያላንዳ፤» ጌዔ።

18 ዩካፓ ዔልሳዒ ካኣተም፡- «ዓቴ ሂኢኸ ዔኪ ዩያቶና ሳዖ ዱኬ!» ጌዔ፤ ዩያር ካኣተ ሳዖ ሃይሢ ማይንቴ ዱካዖ ሃሺ፤ 19 ዩይ ዔልሳዒ ዳጋሴሢር ካኣተ ኮይላ፡- «ዶንጎ፤ ሃንጎ ላሆ ማይንቴ ኔ ዱኬቴ ሶኦሪያ ዓሶ ጋፒ ኔ ባሻንዳያታዖ ሃሢ ጋዓንቴ ኔ ዔያቶ ሃይሢ ማይንቴ ሌሊ ባሻንዳ፤» ጌዔ።

20 ዩካፓ ዔልሳዒ ሃይቁ ዱኡቴ።

ዓሲ ፔ ማዳ ዳቢንቶ ማደማና ሌሊ ዋዲንቶም» ጌራ ዓይሄ ዓይሄያ ካፒ ኩንህኔ።

7 ዓሜሲያሴ ዒማና «ሶኦጌ ዶኦቺ» ጌይንታ ቤሲዳ ታጾ ሺያ ማዓ ዔዶኦሜ ዓጮ ፖኦሊሶ ዋዲ ኩርሴኔ፤ ሃሣ ሴላዒ ጌይንታ ካታማሰኬኖ ያሊ ዓርቃዎ «ዮቅቲዔሌ» ጌይ ሱንሣ ጌህኔ፤ ሃኖ ሃላንዳኣና ዩና ካታማላ ዒማ ሱንያና ዔኤሊንታኔ።

8 ዩካፓ ዒሰራዔኤሌ ካኣቲ፣ ዒያ ናኣዚ፣ ዮዓሴ ኮይላ ዓሜሲያሴ፡- «ሂንዳ ሃኒ ዩዔ ኑ ዋሊ ዛጎም!» ጌራ ሜኤሣ ዓሲ ዳኪ ያላንዳጉዲ ዔቁሴኔ፤ 9 ካኣቲ፣ ዮዓሴ ጋዓንቴ፡- «ለባኖኦሴ ዲኮይዳ ዓኣ ፔቴ ጋውዲ ዓንገሣሰኬና ለባኖኦሴ ዚቢቆ ኮይላ ታ ናዓሢም ኔኤኮ ዉዲር ናዔሎ ዒንጌ» ጌራ ኪኢታ ዳኬኔ፤ ጋዓንቴ ለባኖኦሴ ዲኮይዳ ዓኣ ፔቴ ቦዎ ዒኢና ዳንዲቤቃ ቶኮና ሃርቃዛ ዩና ጋውዳላ ሃይቄኔ» ጋዓኔ።

10 «ዔኤዛይ ዓሜሲያሴ! ኔኤኒ ዔዶኦሜ ዓሶ ያሎና ባሽሣር ያቶርቂ ሺራ? ኔ ባሽ ባሽያማና ኔ ማኣራ ኔ ዳዒ ዚቲ ጌዔቴ ቃራኬ፤ ኔናንታ ኔ ዳርንታ ባይዛንዳ ባኣዚ ዓይጋ ኔ ዓገሣ ሺራይ?» ጌዔኔ።

11 ዓሜሲያሴ ጋዓንቴ ዮዓሴ ዩያ ጌዔሣ ዔኤቢኬ ጌይባኣሴ፤ ዩያር ካኣቲ ዮዓሴ ፔኤኮ ፖኦሊሶ ዔኪ ዓሜሲያሴ ያላኒ ዳንዳዎ ዩሁዳይዳ ዓኣ ቤተሺማሽ ጌይንታ ቤዛ ያሎ ዓርቄኔ፤ 12 ዒማና ዩሁዳ ዓሳ ባሽንቴኔ፤ ፖኦሊሳኣ ቢያ ጳሽኪ ፔ ማኣሪ ማኣሪ ዳንዳኔ። 13 ዮዓሴ ዒማና ዓካዚያሴኮ ናኣዚ ናዎ፣ ዓሜሲያሴ ሽምፔና ዓኣንቴ ዓርቂ ዔኪ ዩሩሳላሜ ሃላኒ ዳንዳኔ፤ ዒኢካ ሃሃላዎ ዔፕሬኤሜ ኬኤሎ ዲያ ካራፓ ዓርቃዎ ዳንዲ «ዋላ ካኣማ ኬኤሎ ዲያ ካር» ጌይንታ ቤዛ ሃላንዳኣና ያይዶ ፃኤታ ዋዳ ማዓ ኬኤሎ ዲያ ደይሴኔ። 14 ዒኢካፓ ዒ ዳንቄ ዋርቆና ቢርና ቢያ፤ ጌኤኩ ማኣርይዳ ካኣኩ ካኣሽኮ ባኮ ቢያሢና ካኣቱም ማኣርይዳ ዓኣ ባኮ ቢያ ጫኣኒ ሳማሪያ ማዒ ዳንዳኔ፤ ዓይሣ ማሃ ዒዚ ዲዔ ዓሶዋ ዔኪ ዳንዳኔ።

15 ካኣቲ፣ ዮዓሴ ማዳ ሜሌ ባካ ቢያ፤ ዩያጉዲ ሃሣ ዩሁዳ ካኣቲ፣ ዓሜሲያሴ ዒዚ ያሊ ባሽ ባሽፃኣ ዓቱዋዎ ዒሰራዔኤሌ ካኣቶኮ ሃይሳ ፃኣፒንታ ማፃኣፓ ፃኣፒንቲ ዓኣኔ። 16 ዩካፓ ዮዓሴ ሃይቄ፣ ሳማሪያይዳ ካኣታ ዲኡታ ቤዛ ዲኡቴኔ፤ ዒዛ ቤዛ ላምዓሳ ዒዮርቢዓሜ ካኣታዳኔ።

ዩሁዳ ካኣቲ ዓሜሲያሴኮ ሃይቦ (2ዎኦሲ. ዓሃኬ 25:25-28)

17 ዒሰራዔኤሌ ካኣቲ፣ ዒዮዓካኣዜ ናኣዚ ዮዓሴ ሃይቄሰካፓ ዩሁዳ ካኣቲ ዮዓሴ ናኣዚ ዓሜሲያሴ ታጾ ዶንጎ ሌዔ ዳዔኔ፤

14:6 14:6 ላሚ. ዋማ 24:16።

18 ዓሜሲያሴ ማዳ ሜሌ ባካ ቢያ ዪሁዳ ካኦቶ ሃይሳ ፃኣፒንታ ማፃአፓ ፃኣፒንቲ ዓኣኔ።

19 ዓሚና ዓሜሲያሴ ዋዳኒ ዬሩሳሌም ዓሲ ዋላ ዘርቴሢር ዒዚ ፑኒ ላኪሽ ካታሞ ዳንዳኔ፤ ዒዘኮ ሞርካ ጋዓንቲ ጊንፆ ዓሲ ዳኪ ዒኢካ ዒዛ ዋዲሽኔ። 20 ዬካፓ ሌዛ ዒዘኮ ፓርና ጫኣኒንቲ ዬሩሳሌም ሙኪኔ፤ ዳውቴ ካታማ ካኣታ ዱኡታ ቤዛ ዒዚ ዱኡቴኔ። 21 ዪሁዳ ዳራ ዒዘኮ ናኣዚ ያኦዚያ ካኣታህሄኔ፤ ዬያ ናዒሢኮ ዒማና ሌዓ ታጾ ላሆኩ። 22 ቤርታ ያሎና ዔውቴ፣ ዔላቴ ካታሞ ዓዳ ሃይቄሰካፓ ያኦዚያ ዋልቄና ያሊ ባሺ ማሂ ዔካፆ ጊንሣ ማሂ ጊኢጊሺ ማገፍኔ።

ዒሰራዔኤሌ ካኣቲ ላምዓሳ ዒዮርቢዓሜ

23 ዒዮዓሴ ናኣዚ፣ ዓሜሲያሴ ዪሁዳይዳ ካኣታዳንቲ ታጾ ዶንጋሳ ሌያና ዮዓሴ ናኣዚ ዒዮርቢዓሜ ዒሰራዔኤሌይዳ ካኣታዳኔ፤ ዒዚ ሳማሪያይዳ ናንጊ ያይዲታሚ ፔቴ ሌዔ ዋይህኔ። 24 ላምዓሳ ዒዮርቢዓሜ ዒሰራዔኤሌ ዓሶ ጎሞይዳ ዔኪ ጌልዚ፣ ዒዘኮ ቤርታ ካኣታዳ፣ ናባፄ ናኣዚ ዒዮርቢዓሜ ማዳ ፑርቶ ማዳ ማዲያና ጎሜ ማዲ ናንጊና ናንጋ ጎዳ ያዪሴኔ። 25 ቤርታ ዒሰራዔኤሌ ዓጪ ማዔያ ጌይፆ፡- ኩዶ ዛሎና ሃማቴ ባንሣ ዳንዳ ዓሬባ ባዞ ሄላንዳኣና ዓኣ ዓጮ ቢያ ያሎና ባሺ ጊንሣ ማሂ ዔኪኔ፤ ዬይ ቢያ ያዲ ማዲንቲሣ ጋትሃፔሬይዳ ሸይንቲ፣ ናንጊና ናንጋ ጎዳም ማዳ፣ ዓሚታዬ ናኣዚ፣ ያኦሲ ማሊያ ኩኤዛ ዮናኣሴ ዛሎና ናንጊና ናንጋ ጎዳ ማዔ ዒሰራዔኤሌ ያኦዛሣ ኩኤዜ ሃጊ ማዓንዳ ዋዞ ቃኣሎ ጎይያናኩ።

26 ናንጊና ናንጋ ጎዳ ዒሰራዔኤሌ ዓሶኮ ዳኤያ ሜታሣ ዛጌኔ፤ ዒማና ዒሰራዔኤሌይዳ ዓይሎ ማዔቴያ ዓይሎቴዋ ዓሶ ማኣዳ ዓሲ ባኣሴ። 27 ያዲ ማዔቴያ ዔያታ ናንጊና ጋፒ ባይቃንዳፐዲ ናንጊና ናንጋ ጎዳኮ ማሊሣቴዋቤ፤ ዬያር ላምዓሳ ዒዮርቢዓሜ ዛሎና ዔያቶ ዒዚ ማኣዳኔ።

28 ላምዓሳ ዒዮርቢዓሜ ማዳ ሜሌ ባካ ቢያ ያሎና ዒ ባሺ ባሺፆ፤ ዬያፕዲ ሃሣ ዪሁዳ ዓጪ ማዔ፣ ዳማሰቆንታ ሃማቴንታ ዒሰራዔኤሌ ዓሶም ማዓንዳፕዲ ዒ ማዳ ሃይሳ ቢያ ዒሰራዔኤሌ ዓሶኮ ካኣቶ ሃይሳ ፃኣፒንታ ማፃአፓ ፃኣፒንቲ ዓኣኔ። 29 ዬካፓ ላምዓሳ ዒዮርቢዓሜ ሃይቄ፣ ካኣታ ዱኡታ ቤዛ ዱኡቴም ዒዛ ቤዛይዳ ዒዘኮ ናኣዚ ዛካሪያሴ ካኣታዳኔ።

14:25 14:25 ዮና. 1:1።

15

ጴሁዳ ካእቲ ያኦዚያ (2ያኦሲ. ዓሃኬ 26:1-23)

1 ለምዓሳ ዲዮርቢዓሜ ዲሰራዔኤሌይዳ ካእታዳንቴ ለማታሚ ለንካሳ ሌዖና ዓሜሲያሴ ናኣዚ፡ ያኦዚያ ጴሁዳይዳ ካእታዳኔ፤
 2 ዲዚ ካእታዳኣና ሌዓ ዲዛኮ ታጾ ለሆኑ፤ ዲዚ ዩሩሳላሜይዳ ናንጊ ደንጊታሚ ለምዖ ሌዔ ወይሄኔ፤ ዲንዳ ዲዛኮ ዩኮሊያ ጌይንታ ዩሩሳላሜይዳ ሾይንቴያኩ። 3 ዲዚ ዓዴ ማዳ ኮዦ ማዳ ጎይዖ ናንጊና ናንጋ ጎዳ ዋዛሳ ባኣዚ ማዳኔ፤ 4 ጋዓንቴ ጌሜራ ጌሜራ ዓኣ ዓሳ ሜሌ ያኦዚ ካእሸካ ማኣሮ ሻሂባኣሢሮ ዴራ ጌሜርይዳ ዲንጎ ባኮ ዲንጊያና ዑንጅ ጩቢሺያ ሃሺባኣሴ፤ 5 ዩካፓ ዑፃ ኬሰካ ደርዓሢ ናንጊና ናንጋ ጎዳ ያኦዚያይዳ ዓጌኔ፤ ዲዚ ሃይቃንዳያ ሄላንዳኣና ዩይ ደርዓሢ ዲዛ ሃሺባኣሢሮ ዲዚ ማዳ ቢያ ሃሺ ዲማ ኬኤሢዳ ፔኤሮ ናንጋኔ፤ ዲማና ካእቲ ማዒ ዓጩ ወይሄሢ ዲዛኮ ናኣዚ ዲዮዓታሜኩ።

6 ካእቲ፡ ያኦዚያ ማዳ ሜሌ ባካ ቢያ ጴሁዳኮ ካእቶ ሃይሳ ፃኣፒንታ ማፃኣፓ ፃኣፒንቲ ዓኣኔ። 7 ዩካፓ ያኦዚያ ሃይቁ፡ ዳውቴ ካታሞይዳ ዓኣ ቤርታ ዲዛኮ ዓደንሢ ዴኡፖ ቤዛ ዴኡቴኔ፤ ዲዛ ቤዘይዳ ዲዛኮ ናኣዚ፡ ዲዮዓታሜ ካእታዳኔ።

ዲሰራዔኤሌ ካእቲ ዛካሪያሴ

8 ያኦዚያ ጴሁዳይዳ ካእታዳንቴ ሃይሢታሚ ሳላሳ ሌዖና ለምዓሳ ዲዮርቢዓሜኮ ናኣዚ፡ ዛካሪያሴ ዲሰራዔኤሌይዳ ካእታዳኔ፤ ዲዚ ሳማሪያይዳ ናንጊ ላሆ ዓጊኒ ወይሄኔ፤ 9 ዲዚያ ዲዛኮ ቤርታ ካእታዳ ካእታ ቢያ ማዳ ጎሞ ማዲ ናንጊና ናንጋ ጎዳ ያዩሴኔ፤ ዲሰራዔኤሌ ዓሶዔኪ ጎማ ጌልዜ፡ ናባፄ ናኣዚ፡ ካእቲ ዲዮርቢዓሜ ማዳ ባኮ ዲ ማዳኔ፤ 10 ሻሉሜ ጌይንታ፡ ያቤሼ ናኣዚ ጌኔ ማሊሢና ዩብሌዓሜ ጌይንታ ቤሰካ ካእቲ ዛካሪያሴ ወዲ ዲዛ ቤዛ ካእታዳኔ።

11 ካእቲ፡ ዛካሪያሴ ማዳ ሜሌ ባካ ቢያ ዲሰራዔኤሌኮ ካእቶ ሃይሳ ፃኣፒንታ ማፃኣፓ ፃኣፒንቲ ዓኣኔ።

12 ያዲ ማዒያና ካእቲ ዲዩም ናንጊና ናንጋ ጎዳ፡ «ዜርፃ ኔኤኮ ዴንዲ ያይዶ ሾይንቲ ሄላንዳኣና ዲሰራዔኤሌይዳ ካእታዳንዳኔ» ጌይ ኬኤዜ ሃጊ ማዓ ዋዞ ቃኣላ ኩሜኔ።

ዲሰራዔኤሌ ካእቲ ሻሉሜ

15:7 15:7 ዲሲ. 6:1። 15:12 15:12 2ካእቶ. ማ 10:30።

13 የኦህዲያ ዩሁዳይዳ ካኦታዳንቴ ሃይሢታሚ ታዘጸሳ ሌዖና ያቤሹ ናኦዚ፣ ሻሉሜ ዒሰራዔኤሌይዳ ካኦታዳንቴ፤ ዒዚ ሳማሪያይዳ ናንጊ ፔቴ ዓጊኒ ሌሊ ዋይሢ።

14 ዒማና ሚናሃሚ ጌይንታ ጋዲ ናኦዚ ቲርፃይዳፓ ሳማሪያ ዴንዳዖ ሻሉሜ ዋዲ ዒዛ ቤዛ ካኦታዳንቴ። 15 ሻሉሜ ማዴ ሜሌ ባካ ቢያ፤ ሃሃ ዒዚ ማዴ ጌኖ ማዴ ሃይሳ ጉቤ ዒሰራዔኤሌ ካኦቶ ሃይሳ ፃኦቲንታ ማፃኦፓ ፃኦቲንቲ ዓኦኔ። 16 ሚናሃሚ ቲርፃፓ ዴንዳ ዴንዲቤቃ ቲፕሳሄ ካታሞና ዒኦኦካ ናንጋ ዓሶና ሃሃ ከይሎይዳ ዓኦ ዓጮ ጉቤ ባይዜ፤ ዬያ ዒ ማዴሢ ዬኖ ካታሞይዳ ናንጋ ዓሳ ዒዛሞ ኩቹ ዒንጋኒ ኮዒባኦሢሮኬ፤ ዬያር ዒዚ ጎጶይንደዋ ዓይሱዋዖ ጎጶ ዳርዚ ዳርዚ ዋዴ።

ዒሰራዔኤሌ ካኦቲ ሚናሃሚ

17 የኦህዲያ ዩሁዳይዳ ካኦታዳንቴ ሃይሢታሚ ታዘጸሳ ሌዖና ጋኦ ያኦዚ፣ ሚናሃሚ ዒሰራዔኤሌይዳ ካኦታዳንቴ፤ ዒዚ ሳማሪያይዳ ናንጊ ታጶ ለዔ ዋይሢ። 18 ዒዚ ዴንዲ ሃይቃንዳያ ሄላንዳኦና ዒሰራዔኤሌ ዓሶ ጎሞይዳ ዔኪ ጌልዜ፣ ናባፄ ናኦዚ፣ ዒዮርቢዓሚ ማዴ ፑርቶ ማዴ ማዲያና ጎሜ ማዲ ናንጊና ናንጋ ጎዳ ዖዩሲ ናንጌ። 19 ዒማና ዓሶኦሪ ካኦቲ፣ ፖሃ * ዒሰራዔኤሌ ዖላኒ ሙከሳ ዓጮ ጌሌን፤ ዬያር ሚናሃሚ ዒዛኮ ካኦቲማ ዶዲ ዴዓንዳጉዲና ዒዛ ዒ ማማኦዳንዳጉዲ ሺኦቃኒ ሃይሢታሚ ዖይዶ ሺያ ከሎ ማዓ ሹቹ ቢራ ዒንጎ ባኦዚ ማሂ ቲግላት ፔሌሴሬሞ ሺኦሹ። 20 ሚናሃሚ ዬያ ሚኦሹ ቡኩሴሢ ዒሰራዔኤሌ ዓሶኮ ዖርጎጮ ፔቴ ፔቴሢ ዶንጊታሚ ሹቹ ቢራ ኬሲ ዒንጋንዳጉዲ ዋልቃዲ ዔኪኬ። ዬያር ፖሃ ዖሎሞ ሃሺ ፔ ዓጮ ማዒ ዴንዴ።

21 ሚናሃሚ ማዴ ሜሌ ባካ ቢያ ዒሰራዔኤሌ ካኦቶ ሃይሳ ፃኦቲንታ ማፃኦፓ ፃኦቲንቲ ዓኦኔ። 22 ሚናሃሚ ሃይቁ፣ ዴኡቴሞ ዒዛ ቤዛ ዒዛኮ ናኦዚ ፔቃህያ ካኦታዳንቴ።

ዒሰራዔኤሌ ካኦቲ ፔቃህያ

23 የኦህዲያ ዩሁዳይዳ ካኦታዳንቴ ዶንጊታሚ ሌዖና ሚናሃሚ ናኦዚ፣ ፔቃህያ ዒሰራዔኤሌይዳ ካኦታዳንቴ፤ ዒዚ ሳማሪያይዳ ዴዒ ላሞዖ ለዔ ዋይሢ፤ 24 ዒሰራዔኤሌ ዓሶ ዔኪ ጎሜይዳ ጌልዜ፣ ናባፄ ናኦዚ፣ ዒዮርቢዓሚ ማዴ ፑርቶ ማዴ ማዲያና ጎሜ ማዲ ናንጊና ናንጋ ጎዳ ዒ ዖዩሴ። 25 ፔቃህያኮ ፖኦሊሶ ባኦካፓ ፓቁሢ ጌይንታ፣ ሬማሊያ ናይ ማዔያ ፖኦሊሶ ሱኡጌሰኬይ ዶንጊታሚ

* 15:19 15:19 ፖሃ ጌይንታ ዓሢኮ ሱንፃ ዓሶኦሪ ዓሶ ሙኦጮና- «ቲግላት ፔሌሴሬ» ጌይንታ።

ጌሌዓዴ ዓሲና ዋላ ጌኔ ማደ መዳኒ ዘርቲ፣ ሳማሪያይዳ ዓኣ ካኣቱሞ ማኣሮ ጋራ ዓኣ ዋርዲዮ ጊዳና ጌሊ ፔቃህያንታ ዓርጎቤንታ ሃሪዬ ጎረብኩያንታ ዋላ ዋዲ ቤዛ ካኣታዳ።

26 ፔቃህያ ማደ ሜሌ ባካ ቢያ ዒሰራዔኤሌ ካኣቶ ሃይሳ ፃኣፒንታ ማፃኣፓ ፃኣፒንቲ ዓኣ።

ዒሰራዔኤሌ ካኣቲ ፓቁሄ

27 ጾኦዚያ ዪሁዳይዳ ካኣታዳንቲ ደንጊታሚ ለምዓሳ ሌዖና ሬማሊያ ናኣዚ፣ ፓቁሄ ዒሰራዔኤሌይዳ ካኣታዳ፤ ዒዚ ሳማሪያይዳ ናንጊ ለማታሚ ለዔ ዋይህኔ። 28 ዒዚያ ዒሰራዔኤሌ ዓሶ ጎሞይዳ ዔኪ ጌልዜ፣ ናባፄ ናኣዚ፣ ካኣቲ ዒዮርቢዓሜ ማደህሂ ጎይዖ ጎሜ ማዲ ናንጊና ናንጋ ጎዳ ጾዩሴ።

29 ዓሶኦሪ ካኣቲ፣ ፖሃ፡- ዒዮኔ፣ ዓቤልቤትማዕካ፣ ያኖሃ፣ ቁዳሼንታ ሃዖሪ ጌይንታ ካታማሰኩንሂ፤ ዬያጉዲ ጌሌዓዴንታ ጌሊላንታ ኒፕታኣሌኤሜንታኮ ዓጮ ጌሊ ዓርቁ ደር ዔኪ ዓሶኦሪ ዴንዴህሂ ዬይ ፓቁሄ ጎሆህሂ ካኣታዲ ዓኣ ዋደናኩ።

30 ጾኦዚያ ናኣዚ፣ ዒዮዓታሜ ዪሁዳይዳ ካኣታዳ ለማታማሳ ሌዖና ዔኤላ ናኣዚ ሆሴዔ ካኣቲ፣ ፓቁሄይዳ ጌኔ ማሊህና ዔቁ ዋዲያ ቤዛ ዒሰራዔኤሌይዳ ካኣታዳ። 31 ፓቁሄ ማደ ሜሌ ባካ ቢያ ዒሰራዔኤሌ ካኣቶ ሃይሳ ፃኣፒንቲ ዓኣ ማፃኣፓ ፃኣፒንቲ ዓኣ።

**ዪሁዳ ካኣቲ ዒዮዓታሜ
(2ዖኦሲ. ዓሃኬ 27:1-9)**

32 ሬማሊያ ናኣዚ፣ ፓቁሄ ዒሰራዔኤሌይዳ ካኣታዳ ለምዓሳ ሌዖና ጾኦዚያ ናኣዚ ዒዮዓታሜ ዪሁዳይዳ ካኣታዳ፤ 33 ዒዚ ካኣታዳኣና ሌዓ ዒዛኮ ለማታሚ ደንጎኩ፤ ዒዚ ዬሩሳላሜይዳ ናንጊ ታጸ ላሆ ለዔ ዋይህኔ፤ ዒንዳ ዒዛኮ ዪሩሻ ጌይንታያ ፃዶቁ ናዎኩ። 34 ዒዚ ዓዶ፣ ጾኦዚያጉዲ ኮሺ ማደ ማዲ ናንጊና ናንጋ ጎዳ ዋዛሴ፤ 35 ጋዓንቲ ጌሜራ ጌሜራ ዓኣ ሜሌ ጾኦዚ ካኣሸኮ ማኣሮ ዒዚ ባይዚባኣሴ፤ ዴራ ዒኢካ ዒንጎ ባኮ ዒንጊዖና ዑንጀ ጩቢሶዋ ሃሺባኣሴ። ዒዮዓታሜ ዒማና ጌኤዦ ማኣሮኮ ኩዶ ዛላ ዓኣ ኩኤሎ ዲያ ካሮ ኮሺሴ።

36 ዒዮዓታሜ ማደ ሜሌ ባካ ቢያ ዪሁዳ ካኣቶ ሃይሳ ፃኣፒንታ ማፃኣፓ ፃኣፒንቲ ዓኣ። 37 ናንጊና ናንጋ ጎዳ ቤርታዲ ሶኦሪያ ካኣቲ ሬፀኔና ዒሰራዔኤሌ ካኣቲ ፓቁሄና ዪሁዳ ጾላንዳጉዲ ዳኩህሂ ዬይ፣ ዒዮዓታሜ ዪሁዳይዳ ካኣታዲ ዓኣንቲኩ፤ 38 ዬካፓ ዒዮዓታሜ ሃይቁ፣ ዴውቲ ካታማ ካኣታ ዴኡታ ቤዛ ዴኡቲሞ ዒዛ ቤዛ ዒዛኮ ናኣዚ ዓካኣዜ ካኣታዳ።

16

ጴሁዳ ካአቲ ዓካአዜ
(2ፆኦሲ. ዓሃኬ 28:1-27)

1 ሬማሊያ ናአዚ፥ ፓቁሄ ዲሰራዔኤሌይዳ ካአታዳንቴ ታጾ ለንካሳ ሌዖና ዲያዓታሜ ናአዚ ዓካአዜ ጴሁዳይዳ ካአታዳኔ፤
2 ዲዚ ካአታዳአና ሌዓ ዲዛኮ ለማታሚኬ፤ ዲዚ ዬሩሳላሜይዳ ናንጊታጾ ላሆ ሌዔ ወይሄኔ፤ ዲዚያ ዲዛኮ ቤርታ ዓዴ፥ ዳውቴ ማዴ ኮዦ ማዴ ጎይዖ ማዴባአሴ፤ ዬያይዶንደሢ ሃሺ ናንጊና ናንጋ ጎዳ ማዔ ዲዛኮ ያኦዛሢ ዎዛሱዎ ማዶ ማዴኔ፤ 3 ዲሰራዔኤሌ ካአታ ማዳ ጎይዖ ፑርታ ማዶ ማዴኔ፤ ዲዚ ዲማና ፔኤኮ ናዖ ማሌ ያኦዞም ሚቹ ዲንጎ ባአዚ ማሂ ሹኪ ሺኢሹኔ፤ ዬያ ዲ ማዴሢ ዲሰራዔኤሌ ዴራ ናንጊና ናንጋ ጎዳ ዔያቶም «ዲንጋንዳኔ» ጌዔ ዓጩሎ ጌላኒ ቤርቲም ዴንዳአና ናንጊና ናንጋ ጎዳ ዬኖ ዓጩፓ ዳውሲ ባይዜ፥ ዴራ ማዳ ሻኦካ ማዶ ማዳኒ ጌዒኬ። 4 ጌሜራ ጌሜራ ማዢንቴያ፥ ማሌ ዴራ ካኦዦ ካአሽካ ማኦርንታ ዴኤፒ ዴኤፒ ማዔ ሚዖ ሺቦንታይዳ ዲንጎ ባአዚ ዓካአዜ ሺኢሹ፤ ዑንጂያኦ ጩቢሹ።

5 ዲማና ሶኦሪያ ካአቲ፥ ሬዲኔና ዲሰራዔኤሌ ካአቲ፥ ፓቁሄና ዬሩሳላሜ ያላኒ ማንጌኔ፤ ጋዓንቴ ዔያታ ዓካአዜ ባሻኒ ዳንዳዒባአሴ። 6 ሶኦሪያ ካአቲ፥ ሬዲኔ ዔላቴ ካታም ያሊ ባሺ ማሂ ዔኪ ፔ ዴማ ማሃዖ ዲኢካ ናንጋ ዓይሁዶ ዓሶ ኬሴኔ፤ ዬኖ ዎዶና ዔላቴይዳ ማዢ ዴዔ ዔዶኦሚ ዓሳ ሃኖ ሄላንዳአና ዲኢካ ዓኦኔ። 7 ዬያር ካአቲ፥ ዓካአዜ ዓሶኦሬ ካአቲ ፖሃም፡- «ታኦኒ ኔኤም ጉሙርቁንቲ ማዳ ዓይሌኬ፤ ኔኤኒ ታ ኮይላ ሙኪ ታና ያላኒ ዬዔ ሶኦሪያና ዲሰራዔኤሌ ካኦቶናይዳፓ ዳውሴ» ጌዒ ከኢታ ዓሲ ዳኬኔ። 8 ዬያ ሌለቱዎንቴ ዓካአዜ ጌኤዦ ማኦርና ካኦቱም ማኦርናኮ ማሆ ጌሃ ማኦርይዳ ቡኩሲ ጌሃና ዎርቆንታ ቢርንታ ዓሶኦሬ ካአቲም ዲንጎ ባአዚ ማሂ ዲንጋኒ ዳኬኔ። 9 ዓካአዜኮ ዬያ ያኦጩዖ ዔኪ ፖሃ ዴማሰቆ ዴንዲ ያሊ ዓርቁኔ፤ ካአቲ ሬዲኔዖ ዎዴኔ፤ ዲኢካ ዓኦ ዴር ዲዚ ዲዒ ዔኪ ቁሬ ጌይንታ ቤሲ ዴንዴኔ።

10 ካአቲ፥ ዓካአዜ ዲማና ዴማሰቆ ዴንዲ ካአቲ ፖሃና ካኦማዖ ዲኢካ ማሌ ያኦዞም ዲንጎ ባአዚ ዲንጎ ቤሲ ፔቴ ዴንቁኔ፤ ዬያ ዲንጎ ባኮ ዲንጎ ቤዛሢ ማሊሲ ማዢንዳጉዲ ዬያ ማሊሲ ኮሽና ባአዚ ጊኢሺሺ ቁኤሳሢ፤ ዑሪያም ዳኬኔ፤ 11 ዬያር ካአቲ ዓካአዜ ሙካንዳሢኮ ቤርታ ዑሪያ ዬኖ ማላያ ዲንጎ ቤሲ ኮሺኔ፤ 12 ዓካዚያሴ ዴማሰቆይዳፓ ማዓዖ ዲንጎ ባኮ ዲንጎ ቤዛሢ ዲማ

16:3 16:3 ላሚ. ዎማ 12:31። 16:5 16:5 ዒሲ. 7:1።

ጎይዖ ፒዜ ማዠፍንቴቴ ዛጋኒ ዒኢካ ዒንጎ ባኣዚ ዒንጋኒ ዒንጎ ቤዜሎ ጊዒ ኬሰኬኔ፤ ¹³ ዒዚ ዒኢካ ሚቹ ዒንጎ ቆልሞ ሹኪ፤ ሃሣ ሃኣኮ ዒንገሢያ ዒንገኔ፤ ዩያጉዲ ዎይናፓ ኮሾና ዑዠ ዒንገያና ፔቱሞና ዒንጎ ባኮኮ ሱጉዖ ዒኢካ ዎሃኔ። ¹⁴ ሞኦኖ ዓንጎና ኮሾና፤ ናንገና ናንጋ ጎዳሞ ዲማዴ፥ ዒንጎ ባኮ ዒንጎ ቤዛ ዩኖ ዓኪ ኮሾና ዒንጎ ቤዜሎንታ ጌኤዠ ማኣሮንታኮ ባኣካ ዓኣኔ፤ ዓካኣዜ ዩያ ዒንጎ ቤዛ ሸኢሸ ዒዚ ኮሺሴ ዓኮ ዒንጎ ቤዛኮ ኪዶ ዛላ ጌሃኔ፤ ¹⁵ ዩካፓ ዒዚ ዑሪያሞ፡- «ሃያ ታኣኮ ኮሾና ዴኤፖ ዒንጎ ቤዛሢ ያኣሰሞ ጉቴና ዒንጎ ባኮ ዒንጎያ፤ ዓባ ኬዳኣና ዒንጎ ሃኣኮ ዒንገያ ዒንጎያ፤ ካኣቲንታ ዴሮንታ ዛሎ ሚቹ ዒንጎ ዒንገያና ሃኣኮ ዒንገያና ዒንጎያ፤ ሃሣ ዴራ ዎይና ዑዠ ዒንገያ ዩኪ ሙካሢ ዎሃንታንዳጉዲ ማሃ፤ ዓሳ ሹካ ቆልሞኮ ሱጉዖ ጉቤ ዒኢካ ዎሃ፤ ሞኦኖ ዓንጎና ኮሾንቴ ዒንጎ ቤዛ ጋዓንቴ ታኣኒ ኮዔ ባኣዚ ማዳያ ማዓንዳኔ» ጌይ ዓይሃኔ። ¹⁶ ዩያሮ ዑሪያ ካኣቲ ዒዛ ዓይሢ ጎይዖ ማዴኔ።

¹⁷ ጌኤዠ ማኣሮይዳ ማዶ ማዶ፡ ሞኦኖ ዓንጎና ኮሾንቴ ሸራ ቶካ ዓኣ ባኮ ካኣቲ ዓካኣዜ ቲቄኔ፤ ላሻሲ ኮሾና ሃላሢ ማዔ ባኮዎ ጎኦቦ ዛላፓ ዩኬኔ፤ ዩያቶይዳ ጌሢንቲ ዓኣ ማሰቶ ሳኣኖዎ ዩኬኔ፤ ሞኦኖ ዓንጎና ኮሾንቴ ዎኣዖ ዴይሃ ዶኣላሢ ዴማ ሬኤኪ ዓርቄ ዓኣ፥ ሞኦኖ ዓንጎና ኮሾንቴ ታጾ ላምዖ ጌማይ ማላ ባኮኮ ገኢራፓ ዩኪ ሸኢሸ ሹቹና ኮሾና ቤሲ ይሃኔ። ¹⁸ ዓካኣዜ ዓሶኦሬ ካኣቲ ዎዛሳኒ ጌኤዠ ማኣሮይዳ ካኣቶ ያይታ ጌሢንታ ዴጌ ቤዛ ባይዜኔ፤ ሃሃ ዩያኮ ቤርታ ካኣታ ጌኤዠ ማኣሪ ጌላ ካሮዎ ዲርቄኔ።

¹⁹ ካኣቲ፥ ዓካኣዜ ማዴ ሜሌ ባካ ቢያ ዪሁዳ ካኣቶ ሃይሳ ያኣፒንታ ማፃኣፓ ያኣፒንቲ ዓኣኔ፤ ²⁰ ዩካፓ ዓካኣዜ ሃይቄ፥ ዳውቴ ካታማ ካኣታ ዲኡታ ቤዛ ዲኡቴኔ፤ ዒዛ ቤዛ ዒዛኮ ናኣዚ፥ ሂዚቂያሴ ካኣታዴኔ።

17

ዒሰራዔኤሌ ካኣቲ ሆሴዔ

¹ ዓካኣዜ ዪሁዳይዳ ካኣታዴንቴ ታጾ ላምዓሳ ሌዖና ዔላ ናኣዚ፥ ሆሴዔ ዒሰራዔኤሌይዳ ካኣታዴኔ፤ ዒዚ ሳማሪያይዳ ናንገ ታዞጳ ሌዔ ዎይሃኔ፤ ² ዒዚ ጎሜ ማዲ ናንገና ናንጋ ጎዳ ያይሴኔ፤ ማዔቴያ ዒዚ ማዴ ዳቢንታ ዒዛኮ ቤርታ ካኣታዴ ዒሰራዔኤሌ ካኣታ ማዴሢጉዲቱዎሴ፤ ³ ዓሶኦሬ ካኣቲ፥ ሳልሚናሶሬ ዒዛ ያሌም ዒ

16:14 16:14 ኬሲ. ማፃ 27:1-2፤ 2ዖኦሲ. ዓሃኬ 4:1። **16:17** 16:17 1ካኣቶ. ማ 7:23-29፤ 2ዖኦሲ. ዓሃኬ 4:2-6። **16:20** 16:20 ዒሲ. 14:28።

ባሽንቲ ኩቸ ዲንጊ ሌዓ ሌዓ ዲዛሞ ጊኢሪህህ ዓርቄ። 4 ጋዓንቲ ደካ ሌዔኮ ጊንፃፓ ካአቲ፣ ሆሴዔ ሶዒ ጌይንታ ጊብፂ ካአቲሰኬይ ሙኪ ዲዛ ማኣዳንዳጉዲ ያእጫኒ ኪኢታ ዓሲ ዳኬ፤ ሃህ ሌዓ ሌዓ ዲዚ ዓሶኦ ካአቲሞ ጊኢሪ ጊኢሮዋ ሃሼ፤ ሳልሚናሶሬ ዬያ ዋይዛያ ሆሴዔ ዓርቄሲ ቱኡሲ ማርካ ቱኪሴ።

ሳማሪያ ካአቲኮ ደዒያ

5 ዬካፓ ካአቲ፣ ሳልሚናሶሬ ያልዚሮ ሙኪ ዲሰራዔኤሌ ዓጮ ጌላያ ሳማሪያ ካታሞ ሃይህ ሌዔ ማንጌ፤ 6 ሆሴዔ ካአታደንቲ ታዘጸሳ ሌያና ሳልሚናሶሬ ያሊ ባሺ ሳማሪያ ዓርቄ፤ ዬካፓ ዲሰራዔኤሌ ዓሶ ዲዓያ ቱኪ ዔኪ ዓሶኦሬ ዴንዴ፤ ዲዜ ዬያ ዓሶኮ ዛሎ ሃላሄ ካታማ፣ ዛሎ ጊንሃ ጎዛ፤ ዓጮ ጋሩ ዓኣ ሃሶሬ ዋሮ ዓጫ፤ ዬያጉዲ ጊንሃ ዓቲ ዓሶ ሜዶኔ ካታሞይዳ ካታሞይዳ ጌህ።

7 ዬይ ያዲ ማደንቲህህ ዲሰራዔኤሌ ዓሳ ጎሜ ማዲ ጊብፂ ካአቲ ኩጫፓ ዔያቶ ዓውሲ ኬሲ ዔያቶሞ ዲዚ «ዲንጋንዳ፤» ጌዔ ዓጩሎ ባንህ ዳኬ ናንጊና ናንጋ ጎዳ ማዔ ዔያቶኮ ያኦዛህ ያዩሴህረኬ፤ ዔያታ ዋዋይቲይ ጌዔ፡- ሜሌ ያኦዛ ዚጊ ካአሽኬ፤ 8 ዲሰራዔኤሌ ዴራ ቤርቲሞ ዴንዳኣና ዔያቶኮ ቤርታፓ ናንጊና ናንጋ ጎዳ ዳኪ ባይዜ ዴርኮ ፑርቶ ማደ ዔያታ ማዴ፤ ዬያጉዲ ሃህ ዲሰራዔኤሌ ካአታ ዔያቶ ዔርዜ ፑርቶ ማደ ዔኪ ዔያታ ማዳያ ማዔ። 9 ዲሰራዔኤሌ ዓሳ ዔያቶኮ ያኦሲ ማዔ ናንጊና ናንጋ ጎዳህ ዲያ ባኮ ቢያ ማዴ፤ ዓጮ ካፓ ዓሳ ኬሰኪ ዔያ ዴጌ ቤዘይዳፓ ዓርቃያ ዴንዲ ዴኤፖ ካታሞንታ ኮይላ ዓኣ ካታሞንታይዳ ቢያ፤ ዬያጉዲ ሃህ ጌሜራ ጌሜራ ዓይሁዴቱዋ ዓሳ ፔ ያኦዛ ካአሽካ ቤሲ ኮሼ፤ 10 ዔያታ ፔቲ ፔቲ ጌሜሮ ዑያና ዴኤፖ ዴኤፖ ሚያ ሽባ ሹቸ ዴኣሶንታ ዓሽራ ጌይንታ፡ ላኣሎ ያኦዜሎ ማላህያ ኮሺ ደቄ፤ 11 ናንጊና ናንጋ ጎዳ ዓጩሎይዳፓ ዳውሲ ባይዜ፡ ሜሌ ዴራ ማደ ባኮ ቢያ ማዲ ዬይ ዴራ ፔ ያኦዛሞ ዲንጋ ቤዛ ቢያይዳ ዑንጄ ጩቢሴ፤ ዬያ ፑርቶ ማደ ቢያህና ናንጊና ናንጋ ጎዳኮ ደጎ ዔያታ ዔቄሴ፤ 12 ዔያታ ሜሌ ያኦዛሞ ዚጉዋጉዲ ናንጊና ናንጋ ጎዳ ዔያቶ ዓይህ ዋጎ ቢያ ዔያታ ሃሼ።

13 ናንጊና ናንጋ ጎዳ ዲማና ዲሰራዔኤሌና ዩሁዳናሞ ላቲ ኬኤዛንዳ ኪኢታ ዓሲና ያኦሲ ማላህ ኬኤዛ ዓሲና ዳኪ፡- «ዲንህ ማደ ፑርቶ ማደ ቢያ ሃሺ ማዑዋቲ፤ ታኣሞ ማደያ ማዔ፡ ታ ማሊያ ኬኤዛ ዓሶ ዛሎና፤ ጊንሃ ሃህ ታ ደዌ ባኮ ዛጋ ዓሶ ዛሎና ዲንህን ቤርታኣ ዓደንህንታ ዲንህንታሞ ታ ዓይህ ዋጎና ዳሞቦና ካፑዋቲ» ጌዔያኬ። 14 ዔያታ ጋዓንቲ ዓይህንታኒ ኮዒባኣሲ፤ ናንጊና ናንጋ ጎዳ ማዔ ያኦዛህሞ ጉሙርቄንቱዋያ ማዔ ዔያቶኮ

ቤርታኦ ዳደንሢጉዲ ዋይዚ ዲፃያ ዔያታ ማዕኔ፤ 15 ናንገና ናንጋ ጎዳ ዔያቶም ዲንጌ ዎጎ ዔያታ ዔኪባኣሴ፤ ዲዚ ዔያቶኮ ቤርታኦ ዳደንሢና ጫኦቄ ጫኦቄሞዎ ዔያታ ካፒባኣሴ፤ ዔያቶም ላቲ ኬኤዞና ባኮ ቢያ ቦሂ ሃሼኔ፤ ዔያታ ጉሪ ማዕ። ማሌ ያኦዞ ዘገ ካኣሽኪያና ጉሪ ፓሁዎ ዓሲ ማዒ ዓቲኔ፤ ዬያ ዓሶኮ ፑርቶ ማዶ ዔያታ ማዶዎጉዲ ጌዒ ናንገና ናንጋ ጎዳ ዔያቶ ዓይሢ ዓይሢዎ ሃሺ ዔያቶ ዓጮኮ ኮይላ ናንጋ። ማሌ ዓሳ ማዶ ባኮ ቢያ ማዶኔ። 16 ናንገና ናንጋ ጎዳ ማዕ ዔያቶ ያኦዞሢኮ ዓይሢዎ ቢያ ዔያታ ሃሺ ፔኤኮ ያኦሲ ማሂ ዚጋኒ ናኣሪ ማላ ላምዎ ባኣዚ ዎርቄና ማዢ ዔቂሴኔ፤ ዬያጉዲ ሃሃ ዓሼራ ጌይንታ ላኣሎ ያኦዜሎ ማሊሲያኣ ዔኤቢ ማዢ ዔቂሴኔ፤ ዡኦጎም ዔያታ ዘጌኔ፤ ባዓሌ ጌይንታ ማሌ ያኦዞማኣ ማዶያ ማዕኔ። 17 ዬያቶ፣ ማሌ ያኦዞም ዔያታ ፔኤኮ ዓቲንቆ ናኣቶንታ ዉዱር ናኣቶንታ ሹኪ ሚቺ ዲንጎ ዲንገሢ ማሂ ሺኢሼኔ፤ ሃይቄ ዓሶኮ ዔኤዡ ዔኤላ ዓሶንታ ዡዎንታ ኮይላኣ ዴንዲ ፔ ማቶ ያኦጫያ፣ ሃሃ ዡኦቻያ ማዕኔ፤ ዬያጉዲ ያኦሲ ዲፃ ፑርታ ማዶ ቢያ ማዶኒ ፔና ዓኣሢ ዲንገያና ናንገና ናንጋ ጎዳኮ ዳጎ ዔቂሴኔ። 18 ዬያር ናንገና ናንጋ ጎዳ ዲሰራዔኤሌ ዓሶ ዑፃ ዳጋዲ ዪሁዳ ዓጮ ዓሶ ሌሊ ሃሻዎ ዲሰራዔኤሌ ዓሶ ፔ ቤርታፓ ሺኢሼኔ። 19 ጋዓንቲ ዪሁዳ ዓሳኣ ናንገና ናንጋ ጎዳ ማዕ ዔያቶኮ ያኦዞሢ ዔያቶ ዓይሢ ዓይሢዎ ካፒባኣሴ፤ ዔያታ ዲሰራዔኤሌ ዓሳ ማዶ ጎይያማ ማዶያ ማዕኔ። 20 ዬያር ናንገና ናንጋ ጎዳ ዲሰራዔኤሌ ዓሶ ቢያ ሃሼኔ፤ ዲዛኮ ቤርታፓ ዔያቶ ሺኢሺ ፑርታ ማዶ ማዶ፣ ዔያቶኮ ሞርኮም ዓኣሢ ዲንገ ማታሴኔ። 21 ናንገና ናንጋ ጎዳ ዲሰራዔኤሌ ዓሶ ዪሁዳ ዓሶፓ ዲማሳዛ ዲሰራዔኤሌ ዓሳ ናባፄ ናኣዚ፣ ዲዮርቢዓማ ዶኦማ ካኣታሢኔ፤ ዲማና ዲዮርቢዓማ ዔያቶ ያኦሲ ሃሺሲ ፑርታ ጎማ ማዶሺኔ፤ 22 ዔያታ ዲዮርቢዓማ ማዶ ጎይያ ጎማ ማዶ ሃሺባኣሴ። 23 ዬያር ናንገና ናንጋ ጎዳ ዔያቶ ፔ ቤርታፓ ሺኢሼኔ፤ ዬያ ዲ ማዶንዳያታሢ ዲዛም ማዶያ ማዕ፣ ዲዛ ማሊያ ኬኤዞ ዓሶ ዛሎና ላቲያኬ፤ ያዲ ማዒያና ዲሰራዔኤሌ ዓሳ ዲዲንቲ ዓሶኦሪ ዓጮ ዴንዲ ሃኖ ሄላንዳኣና ዲኢካ ናንጋኔ።

ዓሶኦሪ ዓሳ ዲሰራዔኤሌ ዓጮይዳ ሙኪ ዴዔሢ

24 ዓሶኦሪ ካኣቲ ባብሎኔይዳ፣ ኩታይዳ፣ ዓዋይዳ፣ ሃማቲይዳ፤ ሃሃ ሴፓርዎዬማ ጌይንታ ካታሞይዳ ናንጋ ዓይሁዴቱዎ ዴር ዔኪ

17:16 17:16 1ካላቶ. ማ 12:28። 17:17 17:17 ላሚ. ዎማ 18:10።

ሙኪ ዳውሲንቲ ደንዴ ዲሰራዔኤሌ ዓሶ ቤዛ ሳማሪያ ካታሞይዳ ደይህኔ፤ ዬያሮ ዔያታ ዬንሢ ካታሞንሢ ዔኪ ዲኢካ ናንጊሢ ዓርቄኔ። 25 ዔያታ ዲኢካ ሙኪ ናንጎ ዓርቃያ ናንጊና ናንጎ ጎዳ ካኣሽኪባኣሢሮ ዲዚ ዘቢ ዔያቶይዳ ዳኪ ዔያቶፓ ዳካ ዛላ ዓሶ ማንሢ ወዲሹኔ፤ 26 ዲማና ዓሶኦ ካኣቲም፡- «ሳማሪያ ካታሞይዳ ኔ ዔኪ ሙኪ ደይህ ዓሳ ዬኖ ዓጮ ያኦሲኮ ዋጎ ዔራያ ማዲባኣሢሮ ናንጊና ናንጎ ጎዳ ዔያቶ ማንሢ ወዳንዳ ዘቢ ዳኬኔ» ጋዓ ሃይሴ ዋይዚንቲኔ። 27 ዬያሮ ካኣቲ፡- «ኵኒ ዲዒ ዔኪ ሙኪ ቄኤሶፓ ፔቲ ዓሶ ዲኢካ ዳኩዋቲ፤ ዲኢካ ዲዚ ደንዲ ደዒ ዬኖ ዓጮ ያኦሲ ዓይህ ደምቦ ዬያ ዓሶም ዔርዘንጎ» ጌዒ ዓይህኔ። 28 ያዲ ጌይ ዓይህንቲሢሮ ሳማሪያፓ ዲዒንቲ ዔውቲ፡ ፔቲ ዲሰራዔኤሌ ዓሶ ማዔ ቄኤሴሰኬይ ቤኤቴኤሌ ደንዲ ዲኢካ ደዓፖ ዴራ ዋማይዲ ናንጊና ናንጎ ጎዳ ካኣሽካኒ ኮይሳቲያ ዔርዘኔ።

29 ሳማሪያ ሙኪ ደዔ ዓሳ ጋዓንቲ ፔኤኮ ካኣሽኮ ባኮ ኮሺያ ሃሾ ዲዒ ዲሰራዔኤሌ ዓሳ ገኢጊሹ፡ ዳጌ ቤዘይዳ ዓኣ ካኣሽኮ ቤዛ ጌህኔ፤ ፔቲ ፔቲ ጉርዳ ዔያታ ናንጎ ካታሞይዳ ቢያ ፔኤኮ ካኣሽኮ ባኣዚ ማዢ ዔቂሴኔ። 30 ዬያይዲ ባብሎኔ ዴራ ሱኮትቤኖቲ ጌይንታ ያኣዛሢ ሱንያና ካኣሽኮ ባኣዚ ማዢኔ፤ ዬያጉዲ ሃሃ ከታይዳ ናንጎ ዓሳ ኔርጋሌ ጌይንታ ማሌ ያኦዞ ሱንያና ካኣሽኮ ባኣዚ ማዢኔ፤ ሃማቲይዳ ናንጎ ዓሳኣ ዲሺማ ጌይንታ ማሌ ያኦዞ ሱንያና ካኣሽኮ ባኣዚ ማዢኔ፤ 31 ዓዋ ዴራኣ ሃሃ ኒብሃዜና ታርታቄ ጌይንታ ያኦዞ ሱንያና ካኣሽኮ ባኣዚ ማዢኔ፤ ጊንሢ ሃሃ ሴፓርዋዬማ ዴራ ዓዲራሜሌኬና ዓናሜሌኬ ጌይንታ ያኦዞም ፔኤኮ ናኣቶ ሹኪ ሚቺ ዲንጎ ዲንጊሢ ማሃ ሺኢሹኔ። 32 ዬይ ዓሳ ዲማና ናንጊና ናንጎ ጎዳ ካኣሽካኔ። ያዲ ማዔቲያ ፔቲ ፔቲ ጉርዳፓ ማሌ ዓሳ ፔ ያኦዞ ካኣሽካ ቤዘይዳ ማዳንዳያ፤ ሃሃ ዲንጎ ባኮ ዲንጎንዳ ቄኤሴያ ደኦሬኔ። 33 ዬያይዲ ዔያታ ናንጊና ናንጎ ጎዳ ካኣሽኪሢ ዓርቄኔ፤ ፔቲ ዛሎና ጋዓንቲ ቤርታ ዔያታ ዋላ ናንጎ ዴራ ማዳ ጎይያ ማሌ ያኦዞም ዚጊ ካኣሽካኔ።

34 ዬያ ዔያታ ሚና ማዳ ባኮ ሃኖ ሄላንዳኣና ማዲ ማዲ ዓኣኔ፤ ዔያታ ናንጊና ናንጎ ጎዳ ካኣሽኩዋሴ፤ ሱንያ ዲሰራዔኤሌ ጌይንቲ፡ ያይቆኦኔ ናኣቶም ናንጊና ናንጎ ጎዳ ዓይህ ደምቦንታ ዓይህያንታ ዋጎንታ ካፒ ናንጎያ ማዲባኣኤ። 35 ናንጊና ናንጎ ጎዳ ዔያቶና ጫኣቁሞ ጫኣቁ ዲሰራዔኤሌ ዓሶም ሂዚ ጌዒ ዓይህኔ፡- «ማሌ ያኦዞ ካኣሽኪፖቲ፤ ዬያቶም ማዳያ ማዲ ካኣሽካኒ ዚጊፖቲ፤ ዲንጎ

17:34 17:34 ማዢ. ማፃ 32:28፤ 35:10።

ባአዚያ ዒንጊፖቴ፤ 36 ዴኤፒ ዎልቁና ሃሣ ቢታንቶና ጊብፄ ዓጫፓ ዒንሢ ኬሴሢ፡ ታና፡ ናንጊና ናንጋ ጎዳሢም ዓይሢንታያ ማዑዎቴ፤ ዘጊ ካአሽካኒና ዒንጎ ባአዚ ዒንጋኒ ኮይሳሢ ታአም ሌሊኬ፤ 37 ፃአፒ ታአኒ ዒንሢም ዒንጌ ዳምቦ፡ ዓይሢያንታ ዎጎንታ ቢያ ዎዴ ካፑዎቴ፤ ሜሌ ያኦዞ ካአሽኪፖቴ፤ 38 ታአኒ ዒንሢና ጫአቁ ጫአቁዎ ዋሊፖቴ፤ ሜሌ ያኦዞ ካአሽኪፖቴ፤ 39 ታና፡ ዒንሢኮ ያኦዞሢ፡ ናንጊና ናንጋ ጎዳ ካአሽኩዎቴ፤ ታአኒ ዒንሢ ሞርኮ ኩጫፓ ዓውሲ ዒንሢ ዳቀሻንዳኔ።» 40 ጋዓንቴ ዬያታ፡ ሜሌ ዴራ ዎይዞ ዒዲ ፔኤኮ ሚናአ ማዶ ማዳኔ።

41 ዬይ ዴራ ዬያይዲ ናንጊና ናንጋ ጎዳ ካአሽኪሢ ዓርቁኔ፤ ፔቴ ዘሎና ጋዓንቴ ፔኤኮ ካአሽኮ ያኦዞ ዘጊ ካአሽካኔ፤ ዬኖ ዓሶኮ ዜርፃ ሃኖ ሄላንዳአና ዬያይዲ ካአሽካ ጎይሣኬ።

18

ዪሁዳ ካአቲ ሂዘቂያሴ
(2ያኦሲ. ዓሃኬ 29:1-2፤ 31:1)

1 ዔላ ናአዚ፡ ሆሴዔ ዒሰራዔኤሌይዳ ካአታዳንቴ ሃይሣሳ ሊዎና ዓካአዜ ናአዚ፡ ሂዘቂያሴ ዪሁዳይዳ ካአታዳኔ፤ 2 ዒ ካአታዳአና ሌዓ ዒዛኮ ለማታሚ ደንጎኬ፤ ዒዚ ዒማና ዬሩሳላሚይዳ ናንጊ ለማታሚ ታዘጳ ሌዔ ዎይሢኔ፤ ዒንዳ ዒዛኮ ዓቢያ ጌይንታያ ዛካሪያሴ ናይኬ፤ 3 ዒዛኮ ዓዴ፡ ዳውቴ ማዶ ኮዦ ማዶ ጎይያ ማዶ ናንጊና ናንጋ ጎዳ ዎዛሴኔ። 4 ሜሌ ዴራ ፔ ያኦዞ ካአሽካ ማአሮ ሻሂ ዒዚ ባይዜኔ፤ ሹጮ ዳአቢ ዔቁሶናሢያ ሜንሢኔ፤ ዓሽራ ጌይንታ ላአሎ ያኦዞሎ ሱንያና ማዢ ኮሾና ባኮ ቆዳ ቆዳ ሜንሢ ኬኤሬኔ፤ ሙሴ ሞኦኖ ዓንጎና ማዢ፡ ኔሁሽታኔ ጌይንታ ሾኦዦ ማላ ባኮዎ ሜንሢ ጋአጩኔ፤ ዬማ ሄላንዳአና ዒሰራዔኤሌ ዓሳ ዬያም ዑንጃ ጩቢሻኔ። 5 ሂዘቂያሴ ዒማና ዒሰራዔኤሌኮ ያኦሲ ማዔ ናንጊና ናንጋ ጎዳሢ ጉሙርቁኔ፤ ዒዛኮ ቤርታአ ማያም ዒዛኮ ጊንፃፓ ዒዛጉዴ ሜሌ ካአቲ ዪሁዳይዳ ካአታዲባአሴ፤ 6 ሂዘቂያሴ ናንጊና ናንጋ ጎዳም ጉሙርቁንታያ ማዔሢሮ ዒዛ ጎይያ ሃንቶ ሃሺ ኬሰኬ ዎዴ ባአሴ፤ ናንጊና ናንጋ ጎዳ ሙሴም ዓይሢ ዓይሢያ ቢያ ሂርጊ ካፒ ዒዚ ኩንሢኔ። 7 ዬያሮ ናንጊና ናንጋ ጎዳ ዒዛና ዎላ ማዒ ዒዛ ማአዴኔ፤ ዒ ማዳ ባካ ቢያ

17:35 17:35 ኬሲ. ማፃ 20:5፤ ላሚ. ዎማ 5:9። 17:36 17:36 ኬሲ. ማፃ 6:13። 18:4 18:4 ፓይ. ማፃ 21:9።

ዲዛም ገኢጋይ፤ ዲማና ሂዘቂያሴ ዓሶኦሪ ካኣቲም ዋይዙዋያ ማዒ ዬያ ካኣቲም ዋርቆ ዒጼኔ። 8 ሃሣ ዒዚ ፒሊሰጻኤሜ ዓሶ ያሊ ባሺ ዳኮ ጉርዳፓ ዴንዲ ካታም ዴኤፖ ሄላንዳኣና፤ ጋኣዛ ካታሞንታ ዒዘኮ ኮይላ ዓኣ ዓጮንታ ፒሊሰጻኤሜ ዓሳ ናንጋ ቤዞ ቢያ ጌሊ ዓርቄኔ።

9 ሂዘቂያሴ ካኣታዴንቴ ያይዳሳ ሌያና፤ ሃሣ ገንሣ ሆሴዔ ዒሰራዔኤሌይዳ ካኣታዴንቴ ላንካሳ ሌያና ዓሶኦሪ ካኣቲ ሳልሚናሶሪ ዒሰራዔኤሌ ዓጮ ያላኒ ሙኪ ሳማሪያ ካታም ማንጌኔ፤ 10 ሳማሪያ ካታማ ማንገንገቲ ዓኣዖ ሃይሣሳ ሌያና ሞርኮ ኩጫ ጉቤ ጌሊ ዓዲንቴኔ፤ ዬይ ያዲ ማዔሢ ሂዘቂያሴ ዪሁዳይዳ ካኣታዴንቴ ላሃሳ ሌያና፤ ሆሴዔ ዒሰራዔኤሌይዳ ካኣታዴንቴ ታዘጸሳ ሌያናኩ። 11 ዲማና ዓሶኦሪ ካኣቲ ዒሰራዔኤሌ ዓሶ ዲዒ ዓሶኦሪ ዔኪ ዴንዳዖ ዔያቶይዳፓ ዳካ ዛላ ዓሲ ሃላሄ ካታማ፤ ዛላ ዓሲ ገንሣ ጎዛኔ ዓጮ ጋራ ዓኣ ሃቦሬ ዋር ኮይላ፤ ዓቲ ዓሶ ሜዶኔ ካታሞይዳ ካታሞይዳ ዴይሣኔ።

12 ሳማሪያ ካታማ ዶዒ ዬያይዲ ባይቄሢ ዒሰራዔኤሌ ዓሳ ናንገና ናንጋ ጎዳ ማዔ ዔያቶ ያኣዛሢም ዓይሢንጉባኣሢሮኪ፤ ዔያታ ዋዋይቲይ ጌዔቲ ናንገና ናንጋ ጎዳና ዋላ ጫኣቄ ጫኣቄም ሃሽኔ፤ ናንገና ናንጋ ጎዳ ዒዘኮ ዓይላሢ ሙሴ ዛሎና ዒንጌ ዋጎ ቢያ ዓይሢንጉ ካፓያ ማዒባኣሴ፤ ያኦሲኮ ቃኣሎ ዋይዛኒ፤ ሃሣ ዋጎ ካፓኒያ ዔያታ ኮዒባኣሴ።

ዓሶኦሪ ዓሳ ዬሩሳላሜ ያላኒ ዚርቄ ዚርቄዖ
(2ያኦሲ. ዓሃኬ 32:1-19፤ ዒሲ. 36:1-22)

13 ሂዘቂያሴ ካኣታዴንቴ ታጶ ያይዳሳ ሌያና ዓሶኦሪ ካኣቲ፤ ሴናክሬሜ ያልዚ ቡሊ ዙሎ ከልቄ ዲርቆና ዪሁዳ ካታም ዓርቄኔ፤ 14 ዲማና ሂዘቂያሴ ላኪሼይዳ ዴንኪ ዴዒ ዓኣ ሴናክሬሜም፡- «ታ ዳቤኔ፤ ሃዳራ ያሊያ ሃሽ፤ ኔ ጌዔ ባኣዚ ታ ኔኤም ጨጋንዳኔ» ጌይ ከኢታ ዳኮኔ፤ ሴናክሬሜ ማሃዖ፡- «ኔኤኒ ታጶ ሺያ ኪሎ ማዓ ሹቲ ቢራና ፔቲ ሺያ ኪሎ ማዓ ዋርቄ ታኣም ዳካንዳጉዲ ታ ኮዓኔ» ጌዔኔ። 15 ዬያር ሂዘቂያሴ ጌኤዢ ማኣሮና ካኣቲም ማኣሮናኮ ሚሆ ጌሃ ከኤያይዳ ዓኣ ሹጮ ቢሮንታ ዋርቆንታ ቢያ ቡኩሲ ዔኪ ዲዛም ዳኮኔ፤ 16 ሂዘቂያሴ ዲማና ጌኤዢ ማኣሮ ጌሎ ካር ጳርቄ ኮሸና ዋርቆንታ ዒዚ ፔኤር ጌኤዢ ማኣሮ ጌሎ ካራ ዓኣ ቱርቱር ጳርቄ ገኢጊሺ ዋርቆ ቡጊ ቡጊ ዔኪ ሴናክሬሜም ዳኮኔ። 17 ዒ ያዲዴቲያ ላሚ ሃሣ ላኪሼፓ ያልዚ ያላንዳ ዲቢ ዓሲ ዬሩሳላሜ ዴንዲ ሂዘቂያሴ ያሎም ጌዒ ዓሶኦሪ ካኣቲ ፖኦሊሶ ዓይሣኔ፤ ዬና ያሎ ዓሳ ዴኤፒ ዴኤፒ ቢታንቶ ዓኣ ፖኦሊሴ ሱኡጌ ሃይሣ ዔያቶ

ዔኪ ዓኣዲያኩ፤ ዔያታ ዒማና ዩሩሳላሜ ሄሄላያ ከዴና ዓኣ ቦቆላፓ ዋኣፃ ዴንዳ ጎይያ ኮይሊና ዓፒሎ ማሰኮ ቤዘ ባንሢ ዔኪ ዴንዳ ጎይያይዳ ዔቁኔ፤ 18 ዩካፓ ዔያታ ሂዚቁያሴም ከኢታ ዳኬኔ፤ ዩያሮ ሂዚቁያሴ ዒዛኮ ደንዛ ማዔያ ቢታንቶ ዓኣ ሃይሣ ዓሲ ዩኖ ዓሶና ዴንዲ ካኣሞሞ ዳኬኔ፤ ዩንሢ ሃይሣ ዓሶንሢ፡- ካኣቱሞ ማእራ ዓኣ ባኮ ቢታንቶና ዎይሣያ፡ ሂልቁያ ናኣዚ፡ ዔኤሊያቁሜንታ ካኣቱሞ ማእሮይዳ ፃኣፖ ባኮ ፃኣፓ፡ ሹቢናንታ ዲማ ዲማ ፃኣፒንቱ ባኮ ጌሢ ዓርቃ፡ ዓሳኣፔ ናኣዚ፡ ዮዓሄንታኬ፤ 19 ዓሶኦሪ ዓሶኮ ያሎ ዓሶ ዓይሣ ዓሶፓ ፔቴሰኬይ፡- «ዴንዲ ሂዚቁያሴም ሂዚ ጎዑዋቱ፤ ሩሶኦሪ ካኣቱ፡ ዴኤፓሢ ሂዚ ጋዔኔ፡ ኔ ዩያይዲ ፑሙርቁ ባኬላ ዓይጌንዴዳይ? 20 ጉሪ ዲቢ ባኣዚ ጌሰቲ ሹሪሢ ሃልዚ ያልዚ ያሊሢና ዎልቁና ማዓ? ያኣኔ ኔና ማኣዳንዳኔ ጌዒዳይ ኔኤኔ ዓሶኦሪም ዎይዘ ዒፃኒ ማሊ ዔቁሢ? 21 ጌብፃ ካኣቲ ታና ማኣዳንዳኔ ጌዒ ኔ ማሌቲ ሜቃኒ ጳሬ ዎኣሽ ኮኣላዳ ዓሲ ኔ ማዔያኩ፤ ዩይ ሜቁም ዩያኮ ጳኣሊንፃ ኩጮ ኔኤኮ ጫርጋንዳኔ፤ ዎይዘ! ጌብፃ ካኣቲ ፑሙርቃ ዓሲም ቢያ ጌብፃ ካኣቲ ያዲ ማዓንዳኔ» ጌይ ዓሶኦሪ ካኣቲ ኔና ያኦጫኔ» ሂዚ ጌዔኔ።

22 ዓሶኦሪ ዓሶኮ ያሎ ዓሶ ዓይሣሢ ገንሣ ሃሃ፡- «ናንገና ናንጋ ጎዳ ማዔ ኔ ያኦዛሢ ኔና ማኣዳንዳኔ ጌዒ ኔ ማላ? ዩይ ያዲ ማዑዋጉዲ ናንገና ናንጋ ጎዳኮ ዲማዳ ቤዘና ዒዛም ዒንጎ ባኮ ዒንጎ ቤዘ ሻሂ፡- «ዪሁዳ ዓሶንታ ዩሩሳላሜ ዓሶንታ ካኣሽካኒ ኮይሳሢ ዩሩሳላሜይዳ ዓኣ፡ ፔቴ ዒንጎ ቤዘማካ ሌሊኬ» ኔኤኔ ጌዔኔ። 23 ሃሢ ታኣኒ ዓሶኦሪ ካኣቲ ሱንፆና ዔቃዘ ኑ ሂንዳ ዎሊ ዛጎም፤ ሳጋሪ ዳንዳዓንዳ ጌዳ ዓሲ ኔኤኮ ዓኣቲ ሂንዳ ታ ኔኤም ላምፃ ሺያ ፓሮ ዒንጎም! 24 ዓሶኦሪ ዓሶኮ ያሎ ዓሶ ሱኡጎፓ ሚርጌና ላኣፓ ማዔ ዓሲናታፃ ኔኤኔ ዓርቁ ዳንዳዓዓኬ፤ «ጌብፃ ዓሳ ሳርጌሎ ያይቶና ፓራሢና ታኣም ዳካንዳኔ» ጌዒ ኔኤኔ ካፓሢ ዩያሮኬ። 25 ታኣኒ ኔ ዓጮ ያሊ ባይዛኒ ሙኬሢ ናንገና ናንጋ ጎዳ ጌዔምቱዎያ ኔኤም ማላ? ሃኖ ዓጮሎ ያሊ ታኣኒ ባይዛንዳጉዲ ናንገና ናንጋ ጎዳ ፔኤር ታና ዓይሣኔ» ጌዔኔ።

26 ዩካፓ ዔኤሊያቁሜንታ ሹቢናንታ ዮዓሄንታ ዩያ ያሎ ዓሶ ዓይሣሢ ኮይላ፡- «ኦም ዔርታያታሢሮ ሃዳራ ሶኦሪያ ሙኡቸና ከኤዜ፤ ካታሞኮ ከኤሎ ዲያ ዑፃ ዓኣ ዴራ ቢያ ዎይዛ፡ ዔብሬ ዓሶ ሙኡጮና ከኤዚ።» ጌዔኔ።

27 ጋዓንቲ ዒዚ፡- «ዓሶኦሪ ካኣቲ ሃያ ባኮ ቢያ ዒንሢና ዒንሢ ካኣቲናም ሌሊ ከኤዛንዳጉዲ ዳኬያ ዒንሢም ማላ? ፔቴታፃ ያዲቱዋሴ፤ ዔያታኣ ዒንሢጉዲ ፔኤኮ ሺያ ሙዓንዳያና ሹኤዦ ዑሽካንዳያ ሄላንዳኣና ካራ ባይዚ ሜታዳንዳ ዓሲታሢሮ ታኣኒ

ከኤዛ ባኮ ካታሞኮ ከኤሎ ዲያ ዑፃ ዓአ ዓሳአ ዋይዛንዳጉዲኬ»
ጌዔኔ።

28 ዩካፓ ዩይ ዓሶኦሬ ዓጮኮ ቢታንታ ዓአ ዓሢ ዴዔ ቤዛፓ
ዔቁ፣ ዑኡዛ ፔኤኮ ዳጊዳፖ ዔብሬ ዓሶ ሙኡቸና ሂዚ ጌይ
ከኤዚሢሢ ዓርቄኔ፤ «ዓሶኦሬ ካኣቲ ዒንሢሢ ጋዓ ባኮ ዋይዙዋቲ!

29 ሂዚቁያሴና ጌሺንቲፖቲ! ዒዚ ዒንሢሢ ዓውሳኒ ፔቲታፖ
ዳንዳዑቀሴ! 30 ሂዚቁያሴ፡- ሩንጊና ሩንጋ ጎዳ ጉሙርቁዋቲ፤
ዒዚ ዒንሢሢ ዓውሳንዳኔ፤ ኦኡኮ ካታማ ዓሶኦሬ ዓሶኮ ሶሎ ዓሶ

ኩጮ ጋር ጌሉዋጉዲ ሩንጊና ሩንጋ ጎዳ ቃዛንዳኔ ጌይ ጌይ ዒንሢሢ
ማቃ ማቁያ ዋይዚፖቲ፤ 31 ሂዚቁያሴ ጋዓ ባኮ ዋይዚፖቲ፤ ዒንሢሢ
ካታማፓ ከሰከ ኩቸ ዒንጋንዳጉዲ ዓሶኦሬ ካኣቲ ዒንሢሢ ዓይሢኔ፤

ዒንሢሢ ዩያይዴቲ ዒንሢሢ ቢያሢ ዒንሢሢኮ ዋይኖ ዓአፖና ቤሌሴ
ሚያኮ ዓአፖቀ ሙዓንዳኔ፤ ዒንሢሢኮ ዔቶ ዋኣፃፓኣ ዋኣፃ ዒንሢሢ
ዑሽካንዳኔ፤ 32 ያዲዲ ዒንሢሢ ማዲ ዴዓንዳሢ ዓሶኦሬ ካኣቲ ሙኪ

ዒንሢሢ ዓጮሎ ማማላ ዓጪ ዔኪ ዓአዲ ዒንሢሢ ዴይሢንዳያ
ሄላንዳኣናከ፤ ዩኖ ዓጮሎይዳ ዋይኖ ዑዠ ጩኡጲ ኮሺንታ ዋይኔ
ጎሺንታ ቃራ ሃኣኮ ካፃ ጊዳ ጎሺያ ዓአኔ፤ ዩኖ ሳዔሎይዳ ዛይቶ

ሪሚቶ ዓአፖንታ ዩያፓ ዔውታ ዛይቶንታ፤ ዩያጉዲ ሃሣ ዔኤሲያ
ኩሜ ዓጪኬ፤ ዓሶኦሬ ካኣቲ ዒንሢሢ ዓይሣማ ዒንሢሢ ማዴቲ ሸምፔና
ዒንሢሢ ሩንጋንዳኔ፣ ሃይቁንዳሞሴ፤ ዩያር ሃሢ ሂዚቁያሴ፡- ሩንጊና

ሩንጋ ጎዳ ዒንሢሢ ዓውሳንዳኔ» ጌይያና ማቁ ጌጌሽሢ ዔሩዋቲ፤
33 ሂንዳ ማሉዋቲ፤ ማሌ ዴርኮ ዓሶኦሬ ካኣቲ ኩጮፓ ፔኤኮ ዓጮ
ዓውሴ ሶኣዛ ፔቲታፖ ዓአ? 34 ሂዳፖ ሃሢ ሃማቲና ዓርፓዴ ካታሞናኮ

ያኣዛ ዋካዳፖ? ሴፓርዋዩሜንታ ሂናዒንታ ዒዋንታኮ ሶኣዛሸ፤
ዋካዳፖ? ዔያቶይዳፓ ፔቲ ሶኣዛሢታፖ ሳማሪያ ካታሞ ታ ኩጮፓ
ዓውሲያ? 35 ዩያቶ ዓጮ ቢያሢኮ ሶኣዛ ዓሶኦሬ ካኣቲ ኩጮፓ ዩያ
ዓጮ ዓውሴ ዋይ ዓአ? ሂዳፖ ዒንሢሢ፡- ሩንጊና ሩንጋ ጎዳ ዩሩሳላሜ

ዓውሳንዳኔ ጌይ ዋይቲ ማላይ?»
36 ዴራ ዒማና ካኣቲ ሂዚቁያሴ ዔያቶ ዓይሢ ከኣቲያታሢር
ዔኤቢ ጎዑዋፖ ዚቲ ጌዔኔ፤ 37 ዩካፓ ዔኤሊያቁሜንታ ሸቢንታ

ዮዓሂንታ ሶዩ ፔኤኮ ማኣዓሢ ዳርዜኔ፤ ዩያይዴሰካፓ ዔያታ ካኣቲ፡
ሂዚቁያሴ ኮይላ ሙኪ ዓሶኦሬ ዓጮኮ ቢታንታ ዓአ ዓሢ ጌዔ ባኮ
ከኤዜኔ።

19

ካኣቲ ሂዚቁያሴ ሶኣሲ ማሊያ ከኤዛ ዒሲያሴ ኮይላ ሶኣጮ

ባኮ

(ዒ.ሲ. 37:1-7)

1 ካእቲ፣ ሂዘቋያሴ ዬያ ባኮ ቢያ ዋይዛዎ ያዪ ፔኤኮ ማኣዓሢ ዳርዘኔ፤ ሲዬ ፓቲሌያ ማይንቲ ናንጊና ናንጋ ጎዳ ካእሸኪንታ ጌኤዡ ማእሪ ዴንዴኔ፤ 2 ኔጉዋዎ ዒማና ዒዚ ካእቱሞ ማእሪ ሱኡጋቶና ማዳ፣ ዔኤሊያቄሜንታ ካእቱሞ ማእሪይዳ ፃኣፖ ባኮ ፃኣፓ፣ ሸቢናንታ ጫዋ ጫዋ ማዔ ቄኤሴንታ ዓሞፃ ናኣዚ ያኦሲ ማሊዎ ከኤዛ ዒሲያሴ ኮይላ ዳኬኔ፤ ዔያታኣ ዒማና ሲዮ ፓቲሌ ማይንቲ ዓኣኔ። 3 ዒሲያሴሞ ዒዚ ሂዚ ጋዓ ከኢታ ዳኬኔ፡ «ሃኖ ሃይ ዴኤፕ ሜቶ ኬሊኬ፤ ኑና ቦርሲሳ ፑርታ ባኣዚ ኑጊዳ ሙኬኔ፤ ሸይጮ ዋዳ ሂላዛ ባናጊ ዋልቄ ባይቄ ላኣሊ ኑ ማዔኔ፤ 4 ናንጊና ናንጋ ጎዳሢ ጫሸካንዳጉዲ ዓሶኦሬ ካእቲ ዒዛሞ ማዳ፣ ዴኤፕ ሱኡጌሰኬያ ዳኬኔ፤ ጎያንቲ ናንጊና ናንጋ ጎዳ ማዔ ኔ ያኣዛሢ ዬያ ጫዡ ዋይዚ ዬያ ጫሸኤሢዳ ሜቶ ዓጋንዳያ ናንዳኔ፤ ዬያሮ ኑ ዳር ባኣካፓ ሸሞፔና ዓቲ ዓኣ ዓሶሞ ሃዳራ ናንጊና ናንጋ ጎዳ ሸኣቄ።»

5 ሂዘቋያሴ ዳኬ ከኢቶ ዓሶንሢ ዒሲያሴ ኮይላ ሙካዛ፣ 6 ዒሲያሴ፡ «ናንጊና ናንጋ ጎዳ ሂዚ ጋዓኔ፣ ጌዒ ዒንሢ ጎዳሢሞ ከኤዡዋቲ፤ ዓሶኦሬ ካእቲሞ ማዳ ዓሳ <ዒንሢ ዒ ዓውሲንዳዋሴ> ጌዒ ታና ጫሸካንቲ ዒንሢ ዋይዜ ባኮሮ ዔያቶ ዒጊጨፖ፣። 7 ታኣኒ ዒዛ ባጊቺ ካራ ባይዚሳንዳ ዓያና ዳካንዳኔ፤ ሃይሴያ ዒ ዋይዛንዳኔ፤ ዬያሮ ዒ ፔ ዓጮ ማዒ ዴንዳዛ ታ ዒኣካ ዒዛ ጩንቻ ዓፓሮና ዋዲሸንዳኔ።»

ዓሶኦሬ ዓሳ ሃሃ ሜሌ ዚርቂሢ ከኢታ ዳኬሢ
(ዒ.ሲ. 37:8-20)

8 ዓሶኦሬ ካእቲ ዒዚ ዳንኪ ዴዔ ቤዞ፣ ላኪሹፓ ሊቢና ያላኒ ዴንዴሢ ዓሶኦሬ ዓሶኮ ያሎ ዓሶ ዓይሃሢ ዋይዛዎ ዒኣካ ዴንዴኔ። 9 ዓማና ዒቶጲያ ካእቲ፣ ቲርቃሃ ጊብፃ ዓሲ ማዔያ ያልዚ ዓሲ ዔኪ ዔያቶ ያላኒ ሙካሢ ዓሶኦሬ ዓሳ ዋይዜኔ፤ ዬያሮ ኔጉዋዎ ዓሶኦሬ ካእቲ ሂዘቋያሴሞ ሂዚ ጋዓ ከኢታ ዋርቃታ ፃኣፕ ዳኬኔ፡- 10 «ዪሁዳ ካእቲዮ፣ ሂዘቋያሴ! ኔኤኒ ጉሙርቃ ያኣዛሢ፡- <ዪሩሳላሚ ዓሶኦሬ ካእቲ ኩጮ ጋሮ ጌላዓኬ> ጌይ ኔና ማቆፓ፤ 11 ዓሶኦሬ ካእቲ ዓጮ ሚርጌሢ ቢያ ዋይቲ ጋፒሲ ባይዜቲያ ኔ ዋይዜኔ፤ ኔ ዬያ ኩጫፓ ቶላንዳያ ኔኤሞ ማላ? 12 ታ ዓዳንሢ ሚና ጎዛኔንታ ካእራኔንታ ሬፃፔ ጌይንታ ካታሞ ዳይሲ ባይዜኔ፤ ቲላሳሬይዳ ናንጋ፣ ዔዴኔ ዓሶ ዔያታ ዋዴኔ፤ ዬይ ባካ ቢያ ማዲንቲያና ዔያቶኮ ያኣዛፓ ፔቲታዎ ዔያቶ ዓውሲያ? 13 ሂንዳ ኮሺ ማሌ፤ ሃማቲ፣ ዓርፓዴ፣ ሴፓርዋዬሜ፣ ሄናዒንታ ዒዋ ካታሞንታኮ ካእታ ሃሢ ዋካዳይ?»

ሂዘቁያሴ ሺኢቁ ሺኢጲያ

14 ካእቲ፡ ሂዘቁያሴ ዬያ ፃኣፒንቴ ከኢቶ ዓሳንሢፓፓ ዔኪ ናባቤኔ፤ ዬካፓ ዬያ ዋርቃቶ ዔኪ ጌኤዠ ማኣሪ ዴንዳያ ናንጊና ናንጋ ጎዳ ቤርታ ቡሊ ጌሢ፡ 15 ሂዘ ጌዒ ሺኢቁ፡- «ናንጊና ናንጋ ጎዳ ማዔ ዒሰራዔኤሌ ፆኦዛሢያ! ከሩቤኤሎይዳ፤ ሃሃ ጊንሢ ኔኤኮ ቦንቸንቴ ካኣቱሞ ያይቶይዳ ዴዒ ዓኣ ፆኦዛሢ ኔና ሌሊኬ፤ ዓጮ ጉቤ ካኣቶኮ ሱኡጋሢ ኔናኬ፤ ጫሪንቸንጋ ሳዓንጋ ማዠሢ ኔናኬ፤ 16 ናንጊና ናንጋ ጎዳሢያ! ኡና ሄሌ ባኮ ቢያ ሂንዳ ሃሢ ዛጌ፤ ናንጊና ናንጋ ፆኦዛሢ፡ ኔና ሴናክሪሜ ጫሽኪ ዚርቃ ዚርቁፆ ጉቤ ዋይዜ፤ 17 ናንጊና ናንጋ ጎዳሢያ! ዓሳኦ ካኣታ ሚርጌ ዴሬንጋ ዓጩንጋ ያሊ ባይዜሢ ጎኔኬ። 18 ዬያቶ ዓሳኮ ፆኦዛ ሚሢና ሹቸናይዳፓ ዓርሲ፡ ዓሲ ፔ ኩቻ ማዠያ፤ ፆኦሲ ማዒባኣያታሢር ዓሳኦ ካኣታ ታሚዳ ዓጊ ሚቸ ባይዜኔ። 19 ናንጊና ናንጋ ጎዳ ማዔ ፆኦዛሢያ! ኔኤኒ ሌሊ ፆኦሲ ማዔሢ ጉቤ ዓጮ ካኣታ ዔራንዳጉዲ ሃሢ ኡና ዓሳኦ ካኣቲፓ ዓውሴ። »

ዒሲያሴ ካእቲ ሂዘቁያሴሞ ዳኬ ከኢቶ
(ዒሲ. 37:21-38)

20 ዬካፓ ዓሞፆ ናኣዚ፡ ዒሲያሴ ካእቲ ሂዘቁያሴሞ ሂዘ ጋዓ ከኢታ ዳኬ፡- «ናንጊና ናንጋ ጎዳ ማዔ ዒሰራዔኤሌ ፆኦዛሢ ሂዘ ጋዓ፤ ዓሳኦ ካእቲ፡ ሴናክሪሜ ዛሎ ኔኤኒ ሺኢቁ ሺኢጲያ ታ ዋይዜኔ፤ 21 ዒዛ ዛሎ ናንጊና ናንጋ ጎዳ ሂዘ ጋዓ፡-

ጳዮኔይዳ ዓኣ ኩሙፆ ዉዲር ናዔላ
 ኔና ቦሃንዳኔ፡ ቶኦኪ ኔኤኮ ዒዛ ባይዛንዳኔ፤
 ኔኤኒ ዒጊጩ ጊንሢሞ ጳሽካኣና
 ዬሩሳላሚይዳ ዓኣ ዉዲር ናኣታ ኔና ሚኢጫንዳኔ።

22 ሂንዳ ማሌ፤
 ኔኤኒ ጫሽኬሢ ሃሃ ኔኤኒ ቦሃሢ ያናዳይ?
 ኔኤኒ ዑኡዘ ኔኤኮ ዳጊዴሢ
 ያቶርሞ ዓኣፒና ኔኤኒ ዛጌሢ ያናዳይ?
 ኔኤኒ ዬያይዳሢ ጌኤዠ፡ ዒሰራዔኤሌ ፆኦሲዳኬ።

23 ኔኤኮ ከኢቶ ዓሳ ዛሎና
 ጋፑዋ ጫሽ ናንጊና ናንጋ ጎዳ ኔ ጫሽኬኔ፤
 ኔኤኒ ጫሽካፆ ሂዘ ጌዔ፡-
 ታኣኮ ሳርጌሎ ያይቶንጋ ዳኤፖ ዳኮ
 ሊባኖኦሴኮዋ ቶኦኮ ታኣኒ ኬሰኬ፤
 ያይዘ ያይዘ ሊባኖኦሴ ሚፆ

19:15 19:15 ከሲ. ማፃ 25:22።

ሚዛጾ ዚቢቆዋ ታኣኒ ቲቄኔ፤
 ዬኖ ቤዘኮ ጋፖ ሄለንዳኣና
 ጊንሣ ሃሣ ሚዛጾ ካዮዋ ዴንዲ ታ ሄሌኔ።
 24 ዓሲ ዓጨዳ ዔቴ ቦኦኪ ዋኣሢ ታ ዑሽኬኔ፤
 ታኣኒ ሄርቄ ኮጲዘና ጊብፄ ዋር ታ ሚጨሲኔ፤
 ጌዒ ኔ ያቶርቄኔ።

25 ሴናክሬሜ! ኮሺ ማሌ፤
 ሚና ታኣኒ ማዖንጎ ጌዔ ጎይዖ
 ቤርታኣ ዋዶና ታ ማሌ ጎይዖ
 ሃሢ ማዲንቲ ኩሜ ጎይዖ
 ዙሎ ዶዲሺ ዲርቆና ካታሞ ሻሃ
 ሻሃንቲ ባኣዚ ኩሎናያ ኔኤኒ ማሃንዳጉዲ
 ዬያ ማዴሢ ታናታሢ ኔ ዋይዚባኣዓዳ?

26 ዬያ ዓጮይዳ ናንጋ ዓሶኮ ዋልቃ ላቢ
 ዋዛ ባኣያ ማዒ ቦርሲንታንዳጉዲ
 ዬይ ዓሳ ዓባ ኬሰካ ዛላፓ ሙካ ዢባርና
 ሄርቄንቲ ሃኣኮ ማዓንዳጉዲ
 ሃሣ ጊንሣ ዑጎ ዒዲ ቢኢጫዴ ባቃሊ ማዓንዳጉዲ
 ማኣሪኮ ቶኦካ ባቃሌ ማኣቲ ዔያታ ማዔኔ።

27 ታኣኒ ጋዓንቲ ኔ ዔቃሢንታ ዴዓሢንታ
 ኔኤኒ ኬሰካሢንታ ጌላሢንታ
 ኔ ታና ዒዲ ማዳ ባኮዋ ታ ዔሬኔ።

28 ኔኤኒ ታና ዒዲ ማዳ ባኮና
 ኔኤኒ ያቶርቃ ያቶርማ ታ ዋያ ጌሌኔ፤
 ሲኢዳ ታ ኔኤኮ ዓንጊ ዳኪ

ዳንጋኣ ታ ኔኤኮ ቢፃላ ኩልሲ
 ኔ ሙኬ ካርና ማሂ ታ ኔና ዳካንዳኔ።»

29 ዬካፓ ካኣቲ፡ ሂዚቄያሴም ዒሲያሴ ሂዚ ጌዔኔ፡- «ዬይ ቢያ ማዲንቲ ኩማንዳሢኮ ማላታ ያዲ ማዓንዳኔ፤ ሃሃኣ ሌዖና ጊንፃኣሲና ጫኣሌ ማዒ ባቃሌ ሃኣኮ ዒንሢ ሙዓንዳኔ፤ ሃይሣሳ ሌዖና ጋዓንቲ ዜርቄ ዒንሢ ጎዢፓ ሃኣኮ ካፂሲ ዔካንዳኔ፤ ሃሃ ጊንሣ ሙዋ ሚሢ ዓኣፒ ቱኪ ዓኣፖ ዒንሢ ሙዓንዳኔ፤ 30 ዪሁዳ ዜርፃፓ ሃይቁዋዖ ዓቲ ዜርፃ ቢያ ሳኣ ዴሚ ፃጲ ዳኪ ዑጊ ዓኣፒ ዓኣፓ ሚሢ ማዓንዳኔ፤ 31 ዬዱሳላሚይዳ፤ ሃሃ ፂዮኔ ዴካፓ ሃይቁዋዖ ቶሊ ዓቲ ዜርፃ ሸምፔና ዓኣያ ማዒ ናንጋንዳኔ፤ ቢያ ባኮ ዋይሣ ናንጊና ናንጋ ጎዳ ማዔ ያኦዛሢ ዬያይዲ ማዲ ኩንሡዋዖ ጊንሢም ጋዓዓኔ።»

32 ናንጊና ናንጋ ጎዳ ዓሶኦሬ ካኣቲ ዛሎ ሂዚ ጌዔኔ፡- «ሴናክሬሜ ሃኖ ካታሞ ፔቲታዎ ጌላዓኬ፤ ፔቲ ሂኢሺታዎ ሃኖ ካታሞ ዒ ዲካዓኬ፤ ጊቲማ ዔኪ ሙካ ፖኦሊሴያ ዒዛ ባንሢ ዑካዓኬ፤ ዓጪ ኩሊ ዋርዲንታ ዋርዲያና ዒዛ ማንጊንታዓኬ። 33 ዒዚ ሃኖ ካታሜሎ ጌሉዋዎ ሙኬ ጎይዎማና ማዒ ዴንዳንዳኔ፤ ሃያ ጋዓሢ ታና፡ ናንጊና ናንጋ ጎዳኬ፤ 34 ታኣኒ ታ ቦንቸሮ ጌዒ፤ ሃሣ ታኣሞ ማዳ፡ ዳውቲም ታ ዒንጌ ሃጊ ማዓንዳ ዎዞ ቃኣሎሮ ጌዒ ሃኖ ካታሜሎ ታኣኒ ታኣሮ ያልቲ ዓውሳንዳኔ።»

35 ዬኖ ዋንቶ ናንጊና ናንጋ ጎዳኮ ኪኢታንቻ ዓሶኦሬ ዓሳ ያሎሮ ዲንኪ ዴዔ ቤዘይዳና ዓኣዳዎ ፔቲ ጸኤታና ሳሊታሚ ዶንጎ ሺያ ፖኦሊሴ ዎዳኔ፤ ዚሮ ጉቲ ዓሳ ጊንዓፓ ጴጫንጉቲ ቢያሢ ሃይቁ ዓኣኔ።

36 ዬካፓ ዓሶኦሬ ካኣቲ፡ ሴናክሬሜ ፔ ያሎ ዓሶና ዎላ ጊንሢሞ ኔኔዌ ካታሞ ዴንዴኔ። 37 ፔቲ ኬሊ ዒዚ ኒሰሮኬ ጌይንታ ያኦዞ ካኣሽኮ ማኣሪዳ ዬያ ያኣዛሢ ዚጊ ካኣሽካንጉቲ ዓዲራሜሌኬና ሳራሳሬ ጌይንታ ዒዛኮ ናይሰከንሢ ጩንቻ ዓፓሮና ጫርጊ ዒዛ ዎዳኔ፤

ዬንሢ ናኣታ ዒማና ዓራራቲ ጌይንታ ዲኮ ዓጮ ፑኒ ዴንዴኔ፤ ዬያሮ ሴናክሬሜ ቤዘይዳ ዒዛኮ ናኣቶ ባኣካፓ ዓሰራዶ ጌይንታሰኬይ ካኣታዳኔ።

20

ካኣቲ ሂዘቂያሴ ሃርጌፓ ዳቂሢ (ዒ.ሲ. 38፡1-8፤21-22፤ 2ያኦሲ. ዓሃኬ 32፡24-26)

1 ዒማና ካኣቲ፡ ሂዘቂያሴ ዶዲ ሃርጌና ሃርጊንጉቲ ሃይቃኒ ዑኪ ዓኣንጉቲ ዓሞጻ ናኣዚ፡ ያኦሲ ማሊያ ኬኤዛ፡ ዒሲያሴ ዒዛ ያኦጫኒ ሙካዎ «ናንጊና ናንጋ ጎዳ፡- «ኔኤኒ ሃያ ሃርጋፓ ፖዓዓኬ፤ ኔ ሃይቢ ዓቲንዲዎኣሢሮ ዔልቃሚ ኔኤኮ ማኣሮ ጊኢጊሺ» ጋዓኔ» ጌይ ኬኤዘኔ።

2 ዬያሮ ሂዘቂያሴ ሴካ ኮጮ ባንሢ ሺሪ ሂዚ ጌዒ ናንጊና ናንጋ ጎዳ ሺኢቁኔ፡- 3 «ናንጊና ናንጋ ጎዳሢዮ! ታኣኒ ኔኤም ጉሙርቁንጉቲ፡ ሃሣ ፒዜ ማዒ ማዳኔ፤ ጊንሣ ሃሣ ኔኤኒ ዎዛዲ ባኣዚ ማዳኒ ቢያ ኬሊ ታ ጳሽኬሢ ኔ ማላንዳጉዲ ኔና ታ ሺኢቃኔ!» ጋዓዎ፡ ዒናፓ ጎጋይቁ ዬኤኬኔ።

4 ዬካፓ ዒሲያሴ ካኣቲ ኮይላፓ ኬሰኪ ካኣቲም ማኣሮኮ ሳዛ ዓኣ፡ ዓሳ ቡካ ቤዘና ዓኣዲዎንጉቲ ናንጊና ናንጋ ጎዳ ዒሲያሴም፡-

5 «ታኣኮ ዴሮ ዔኪ ዓኣዳ፡ ካኣቲ፡ ሂዘቂያሴ ኮይላ ማዒ ዴንዲጋፓ ሂዚ ጌዔ፤ ታኣኒ ናንጊና ናንጋ ጎዳ ማዔ ኔኤኮ ዓዶ ዳውቲ ያኣዛሢ ሺኢጲያ ኔኤሲ ዎይዘኔ፤ ታ ኔኤኮ ዓቢያዎ ዛጌኔ፤ ታ ኔና ፖዒሳንዳኔ፤

ሃይሆ ከሊኮ ጊንፃፓ ጌኤዡ ማኣሪ ዳንዲ ኔ ታና ካአሽካንዳኔ፤
6 ታ ኔኤኮ ሌዖይዳ ታጾ ደንጎ ሌዔ ቃሳንዳኔ፤ ኔናንታ ሃኖ ዩሩሳላሚ
ካታሜሎንታ ዓሶኦሪ ካአቲ ኩጫፓ ታ ዓይሳንዳኔ፤ ታ ቦንቸሮ ጌዒ፤
ሃሃ ጊንሣ ታአም ማዳ፣ ዳውቲም ታ ዒንጌ ሃጊ ማዓንዳ ዋዘ
ቃአሎሮ ጌዒ ካታሜሎ ዛሎ ታአኒ ታአሮ ያልቲ ካፓንዳኔ» ጌዔኔ።

7 ዩካፓ ዒሲያሴ ካአቲም ማዳ ማዳ ዓሶ፡- «በሌሴ ሚዖ
ዓአፖ ላጠሲ ጊኢሺናያ ዔኪ ታአም ዩዑዋቲ» ጋዓዛ፣ ዔያታ
ዔኪ ዩዓዖ ሂዚቂያሴኮ ዲንጫ ኬሰኬ ቤዛይዳ ጌሃዛ ከፃ ፓጃኔ።

8 ዒማና ካአቲ ሂዚቂያሴ ዒሲያሴ ኮይላ፡- «ናንገና ናንጋ ጎዳ ታና
ፖዒሳንዳሢና ሃይሆ ከሊኮ ጊንፃፓ ጌኤዡ ማኣሪ ታ ዳንዳንዳሢ
ዓይጎና ታ ዔራንዳይ?» ጌይ ያኦጩኔ።

9 ዒሲያሴ ማሃዖ፡- «ናንገና ናንጋ ጎዳ ኔኤም ዒንጌ ሃጊ ማዓንዳ
ዋዘ ቃአሎ ኩንሣንዳሢኮ ዒ ፔኤሮ ማላታ ዳዋንዳኔ፤ ኔኤኒ ሃሢ
ኮዓሢ፡- ሃይ ዓሶ ጌሎ ሺባ ሄርቂ ጊዖ ሳኖኮ ታጾ ታአኪሢ ቤርቲም
ዳንዳንዳጉዲም? ታጾ ታአኪሢ ጊንሢም ማዓንዳጉዲዳይ?»
ጌዔኔ።

10 ሂዚቂያሴ ዒማና፡- «ሄርቂ ጊዖ ሳኖኮ ታጾ ታአኪሢ ቤርቲም
ሺባ ዳንዳጉ ሹሌዔኬ፤ ዩያሮ ታጾ ታአኪሢ ጊንሢም ዔኪ ሙኡሴ»
ጌዔኔ።

11 ዩያሮ ዒሲያሴ ናንገና ናንጋ ጎዳ ሺኢቁም ካአቲ፣ ዓካአዜ
ማዡሴ ሄርቂ ጊዖ ሳኖይዳ ዓአ ሺቦ ታጾ ታአኪሢ ናንገና ናንጋ ጎዳ
ጊንሢም ማሃኔ።

ባብሎኔፓ ሙኬ ኪኢቶ ዓሶ
(ዒሲ. 39:1-8)

12 ዩኖ ዋዶና ባብሎኔ ካአቲ፣ ባላዳኔኮ ናአዚ፣ ሜሮዳክባላዳኔ
ጎሥሢ ካአቲ ሂዚቂያሴ ሃርጊ ዓአሢ ዋይዜኔ፤ ዩያሮ ሜሮዳክባላዳኔ
ዒዛም ዒንጎ ባአዚና ኪኢታ ዋርቃታና ዋላ ዳኬኔ፤ ¹³ ሂዚቂያሴ
ዒማና ኪኢቶ ዓሶንሢ ዋዛና ሸኦቹንሢ ዔኬኔ፤ ዩካፓ ዒዛኮ
ካአቲም ማኣሮይዳ ሜሆ ጌሃ ኬኤፃ ዓአ ባኮ ቢያ፤ ጌይፃ፡- ሹጮ
ቢሮንታ ዋርቆንታ ዱማ ዱማ ሳውቃ ዳኤሸንታ ዛይቶንታ ያሎ
ዓንጋዋዋ ቢያ ዳዌኔ፤ ካአቲም ማኣሮይዳ ሜሆ ጌሃ ኬኤፃ ዓአ
ባኮንታዒ ካአታዲ ዋይሃ ዓጮይዳ ዓአ ባኮ ቢያ ፔቲታዖ ዓይሱዋዖ
ዳዌኔ። ¹⁴ ያኦሲ ማሊያ ኬኤዛ፣ ዒሲያሴ ካአቲ ሂዚቂያሴ ኮይላ
ሙካዖ፡- «ሃና ዓሳ ዋካፓ ሙኬይ? ኔኤም ዔያታ ዓይጎ ኬኤዜይ?»
ጌዒ ያኦጩኔ።

ሂዘቁያሱ፡- «ዔያታ ሙኩሢ ባብሎኔ ጌይነታ ሃኬ ዓጨፓኬ» ጌዔኔ።

15 ዒሲያሱ ሂዘቁያሱ ኮይላ፡- «ዔያታ ካኣቱሞ ማኣራ ዓይኅ ዛጌይ?» ጌዒ ያኣጩኔ።

ሂዘቁያሱ ዒዛሞ፡- «ቢያ ባኮ ዛጌኔ፤ ሜሆ ጌሃ ከኤይይዳ ዓኣ ባኮይዳፓ ታ ዔያቶም ዳዊባኣ ባኣዚ ፔቲታ? ባኣሱ» ጌዔኔ።

16 ዩያሮ ዒሲያሱ ካኣቲሞ፡- «ቢያ ባኮ ዳንዳዓ ጎዳሢ ሂዚ ጋዓኔ፤

17 ኔ ዓድንሢ ሃይማ ሄሊሲ ኔኤኮ ካኣቱሞ ማኣሮይዳ ቡኩሲ ጌሢ ባካ ቢያ ጋፒ ባብሎኔ ዓጮ ዔውታንዳ ዎዳ ሙካንዳኔ፤ ፔቲታ? ዓታዓኬ፤ 18 ኔኤኮ ዜርፃፓ ፔቲ ፔቲ ዓሲ ባብሎኔ ዲዒንቲ ዔውቲ ካኣቶ ማኣሮይዳ ዓሽቲሚ ማዒ ማዶ ማዳንዳኔ።»

19 ሂዘቁያሱ ዒማና፡- «ኔኤኒ ከኤዜ፣ ናንገና ናንጋ ጎዳኮ ቃኣላ ቃራኬ» ጌዔኔ፤ ዒዚ ዬያ ጌዔሢ ዒዛ ዎድና ሜታ ሄሊንዱሞኣሢ ዔሬሢሮኬ።

ካኣቲ ሂዘቁያሱኮ ካኣቱሞ ጋፒንፃ
(2ፆኦሲ. ዓሃኬ 32:32-33)

20 ሂዘቁያሱ ማዳ ሜሌ ባካ ቢያ፤ ዒዚ ጫርቂ ያሊ ባሼ ባሺፆንታ ዋኣፆ ዎራፓ ዔኪ ሙኡሲ ዳይሃንዶ ቤሲ ዎማይዲ ኮሺሴቲያ፤ ዬያጉዲ ሃሃ ካታሞ ዔኪ ሙካኒ ሳፆኮ ዳሚና ቦኣኪሲ ዒ ኮሼ ባካ ቢያ ዪሁዳ ካኣቶ ሃይሳ ፃኣፒንታ ማፃኣፓ ፃኣፒንቲ ዓኣኔ። 21 ዬካፓ ሂዘቁያሱ ሃይቄኔ፤ ዒዛ ቤዛ ዒዛኮ ናኣዚ፣ ሚናኣሱ ካኣታዴኔ።

21

ዪሁዳ ካኣቲ ሚናኣሱ
(2ፆኦሲ. ዓሃኬ 33:1-20)

1 ሚናኣሱ ዪሁዳይዳ ካኣታዳኣና ሌዓ ዒዛኮ ታጳ ላምፆኬ፤ ዒዚ ዒማና ዬሩሳላሜይዳ ናንገሊ ዶንገታሚ ዶንጎ ሌዔ ዎይሢኔ፤ ዒዛኮ ዒንዳ ሄፒዲባ ጌይነታያኬ፤ 2 ዒሰራዔኤሌ ዓሳ ያኦሲ ዔያቶም «ዒንጋንዳኔ» ጌዔ ዓጨሎ ሙካኣና ናንገና ናንጋ ጎዳ ዔያቶኮ ቤርታፓ ዳውሲ ባይዜ፣ ሜሌ ዳራ ማዳ ቦርሲሳ ማዳ ሚናኣሱ ማዲ ጎማዲያና ናንገና ናንጋ ጎዳ ያዪሴኔ። 3 ዒዛኮ ዓዴ፣ ሂዘቁያሱ ደይሲ ባይዜ ሜሌ ዳሮኮ ካኣቱ ቤዛ ሚናኣሱ ገንሣ ማኸሲኔ፤ ቤርታ ዒሰራዔኤሌኮ ካኣቲ፣ ዓክዓቤ ማዳ ጎይፆ ባዓኣሌ ጌይነታ

20:16 20:16 2ካእቶ. ማ 24:13፤ 2ፆኦሲ. ዓሃኬ 36:10። **20:18** 20:18 2ካእቶ. ማ 14:14-15፤ ዳኣኔ. 1:1-7። **21:2** 21:2 ዔር. 15:4።

ሜሌ ያኦዞም ዒንጎ ባአዚ ዒንጎ ቤሲ፤ ሃሣ ገንሣ ዓሾራ ጌይንታ ላኣሎ ያኦዞሎኮ ማላሢያ ማዢ፣ ጫሪንጫ ዓኣ ዡኦጋሢያ ዘጊ ካኣሽኬኔ። 4 ናንጊና ናንጋ ጎዳ ፔና ካኣሽካንዳጉዲ ዓይሣ ቤዘይዳ ጌይፃ፡- ጌኤዡ ማኣሮይዳ ሜሌ ዓሳ ፔ ያኦዞም ዒንጎ ባኮ ዒንጋ ቤዘ ማዢሲ ዔቁሴኔ። 5 ጌኤዡ ማኣሮኮ ዓሳ ቡካ ላምፃ ቤዘይዳ ጫሪንጫ ዡኦጋ ካኣሽከንታንዳ ቤሲ ዒዚ ጊኣጊሻኔ፤ 6 ሃሣ ዒዚ ፔኤኮ ናፃ ሚቶ ዒንጎ ዒንጊሢ ማሂ ሹኪ ሸኢሻኔ፤ ዒዚ ፔኤሮ ዡኦጋፃ፤ ሃሣ ማርሻ ማርሻያ ማዒ ዒዘጉዲ ዡኦጋ ዓሳንታ ሃይቄ ዓሳኮ ዔኤዡ ዔኤላ ዓሳ ኮይላ ዴንዲ ዔኤቢ ያኦጪ ዡኦጋ፤ ዩያ ባኮ ቢያ ማዲያና ጎሜ ማዲ ናንጊና ናንጋ ጎዳኮ ዳጎ ዒ ዔቁሴኔ። 7 ዒዚ ጌኤዡ ማኣሮይዳ ዓሾራ ማሊሲ ኮሾና ባኮ ጌልዚ ጌሢኔ፤ ዩይ ጌኤዡ ማኣራ ዳውቴና ዳውቴኮ ናኣዚናም ናንጊና ናንጋ ጎዳ፡- «ሃይ ዩሩሳላሜይዳ ዓኣ ጌኤዡ ማኣራ ታኣኒ ናንጊና ዒኣካ ካኣሽከንታያ ማዓንዳጉዲ ታጾ ላምፃ ዒሰራዔኤሌ ፃጾ ዓጮፓ ቢያ ታ ደኣሪ ቤሲኬ፤ 8 ዒሰራዔኤሌ ዴራ ታኣኮ ዓይሢያ ካፔቴ፤ ሃሣ ታ ዓይላሢ ሙሴም ታኣኒ ዒንጌ ዋጎ ማዲ ዔያታ ኩንሣቴ ዔያቶኮ ቤርታኣ ዓደንሢም ታኣኒ ዒንጌ፣ ሃና ዓጮሎፓ ዳኪ ታ ዔያቶ ባይዛባኬ» ጌዒ ቤርታዲ ኬኤዘያኬ፤ 9 ዩሁዳ ዓሳ ጋዓንቴ ናንጊና ናንጋ ጎዳ ቃኣሎም ዓይሢንታያ ማዒባኣሴ፤ ዔያታ ዋዎይቴይ ጌዔቴ፡- ዒሰራዔኤሌ ዓሳ ቤርቲም ሙካኣና ናንጊና ናንጋ ጎዳ ዔያቶኮ ቤርታፓ ዳውሲ ባይዜ፣ ዴራ ማዲ ጎምደይዳፓ ዑሣ ዓኣዴ ጎሜይዳ ሚናኣሴ ዔያቶ ዔኪ ጌልዜኔ።

10 ዩያሮ ናንጊና ናንጋ ጎዳ ፔ ዓይሎ፣ ዒዛ ማሊያ ኬኤዛ ዓሳ ዛሎና ሂዚ ጌዒ ኬኤዜኔ፡- 11 «ዩሁዳ ካኣቴ፣ ሚናኣሴ ሃያጉዴ ቦርሲሳ ማዶ ቢያ ማዴኔ፤ ዩይ ባካ ቤርታ ካኣናኔ ዓሳ ማዳሢፓ ዑሣ ዓኣዴ ፑርታኬ፤ ዒዚ ያኦዞ ማሂ ኮሾ ባኮ ዛሎና ዩሁዳ ዴሮ ዔኪ ጎሜይዳ ጌልዜኔ፤ 12 ዩያሮ ናንጊና ናንጋ ጎዳ ማዔ ዒሰራዔኤሌ ያኦዞሢ ሂዚ ጋዓኔ፡- ለይዛ ዓሲም ዋይዚ ዓርቁሳንዳ ዴኤሢ ሜቶ ታኣኒ ዩሩሳላሜና ዩሁዳናይዳ ሄሊሳንዳ፤ 13 ሳማሪያንታ ዒሰራዔኤሌ ካኣቴ፣ ዓክባቤ ዜርዎ ታ ማዴ ጎይፃ ዩሩሳላሜያ ታ ዓሚይዳንዳ፤ ጋባዳ ጌኤሺ ማሰከንቴሰካፓ ጉኡፒ ጌሢንታሢጉዲ ዩሩሳላሜ ታኣኒ ጎማፓ ጌኤሺ ጊኣጊሻንዳ፤ 14 ባይሲንታፓ ዓቴ፣ ታ ዴሮ ዔያቶኮ ሞርኮም ታኣኒ ዓኣሢ ዒንጋንዳ፤ ዔያታ ዲዒንታንዳ፤ ዔያቶኮ ዓኣ ባካኣ ቡሪንታንዳ፤ 15 ዔያቶይዳ ዩያ ታ ማዳሢ ዓይጎሮዳይ ጌዔቴ፡- ዔያቶኮ ቤርታኣ ዓደንሢ ታኣኒ ጊብፃፓ

21:4 21:4 2ሳሙ. 7:13። 21:8 21:8 1ካእቶ. ማ 9:3-5፤ 2ያሱ. ዓሃኬ 7:12-18።

ኬሴሰካፓ ዓርቃያ ሃይማ ሄላንዳኣና ጎሜ ማዲያና ታና ዔያታ ያዩሲ፡ ደጎሞ ታኣኮ ዔቁሴህረኮ።» »

16 ሚናኣሴ ማዳ ባካ ዪሁዳ ዳሮ ሜሌ ጾኦዞ ካኣሽኪሲያና ናንጊና ናንጋ ጎዳ ያዩሳ ጎሞ ባንሢ ዔኪ ጌልዚያ ሌሊቱሞንቴ ጌኤሺ ማዔ ሚርጌ ዓሲ ዎዲሺ ዬሩሳላሜ ካታሞኮ ሳዞ ጎይያ ሱጉሢ ሌሊ ማሄኔ።

17 ሚናኣሴ ማዳ ሜሌ ባኮንታ ዒዚ ማዳ ጎማ ቢያ ዪሁዳ ካኣቶ ሃይሳ ፃኣፒንታ ማፃአፖይዳ ፃኣፒንቲ ዓኣኔ፤ 18 ዩካፓ ሚናኣሴ ሃይቁ፡ ዒዛኮ ካኣቱሞ ማኣሮኮ ዲሮ ጋራ «ዑዞ ጎሃሢኮ ዲማ ዲማ ባኮ ቱኮ ጎዡ» ጌይንታ ቤሲዳ ዱኡቴኔ፤ ዒዛ ቤዘይዳ ዒዛኮ ናኣዚ፡ ዓሞኦኔ ካኣታዳኔ።

ዪሁዳ ካኣቲ ዓሞኦኔ
(2ኛኣሲ. ዓሃኬ 33:21-25)

19 ዓሞኦኔ ዪሁዳይዳ ካኣታዳኣና ሌዓ ዒዛኮ ላማታሚ ላሞጾኬ፤ ዒዚ ዬሩሳላሜይዳ ናንጊ ላሞጾ ሌዔ ዎይሄኔ፤ ዒዛኮ ዒንዳ ሜሹሌሜቶ ጌይንታያ ሃሩፄ ናይኬ፤ ዒዛ ሸይንቴሢ ያዒቤ ካታማኬ። 20 ዓሞኦኔያ ሃሃ ዒዛኮ ዓዴ፡ ሚናኣሴ ማዳ ጎሞጉዴያ ናንጊና ናንጋ ጎዳ ቤርታ ፑርታ ማዶ ማዳኔ። 21 ዒዚ ዒዛኮ ዓዴ ማዳ ፑርቶ ማዳ ቢያ ማዳያ ማዔኔ፤ ዒዛኮ ዓዴ ዘጊ ካኣሽካ፡ ሜሌ ጾኦዞ ዒ ካኣሽኬኔ፤ 22 ናንጊና ናንጋ ጎዳ ማዔ ዒዛኮ ቤርታኣ ዓዶንሢ ጾኦዞሢ ዒ ሃሹኔ፤ ናንጊና ናንጋ ጎዳ ዓይሃ ጎይሢያናኣ ዓኣዳኒ ኮሲባኣሴ።

23 ዒዛኮ ደንዞ ማዔ፡ ቢታንታ ዓኣ ዓሳ ጌኔ ማሊሢና ዒዛይዳ ዔቁ ካኣቱሞ ማኣሮይዳ ዒዛ ዎዳኔ፤ 24 ዒማና ዪሁዳ ዴራ ዓሞኦኔ ዎዳ ዓሶ ዎዲ ባይዘያ ዒዛኮ ናኣዚ፡ ዒዮሲያሴ ካኣታሄኔ።

25 ዓሞኦኔ ማዳ ሜሌ ባካ ቢያ ዪሁዳ ካኣቶ ሃይሳ ፃኣፒንታ ማፃአፓ ፃኣፒንቲ ዓኣኔ። 26 ዓሞኦኔ «ዑዞኮ ዲማ ዲማ ባኮ ቱኮ ጎዡ» ጌይንታ ዱኡፖ ቤዛ ዱኡቴኔ፤ ዒዛ ቤዛ ዒዛኮ ናኣዚ፡ ዒዮሲያሴ ካኣታዳኔ።

22

ዪሁዳ ካኣቲ ዒዮሲያሴ
(2ኛኣሲ. ዓሃኬ 34:1-2)

1 ዒዮሲያሴ ሃጊ ሳሊ ሌዔ ናይ ዓኣጾ ዪሁዳይዳ ካኣታዳኔ፤ ዒዚ ዬሩሳላሜይዳ ናንጊ ሃይሢታሚ ፔቱ ሌዔ ዎይሄኔ፤ ዒዛኮ ዒንዳ

ዪዲዳ ጌይንታያ ቦፅቃቲ ካታማ ሾይንቴስኬያ፣ ዓዳያ ጎዖሢ ናይኬ፤
2 ዒዮሲያሴ ዒዛኮ ቤርታኦ ዓዳሢ፣ ዳውቴኮ ኮዦ ማዶ ጎይያ ማዶ፤
ሃሣ ያኦሲኮ ዋጎም ጉቤ ዓይሢንታያ ማዒ ናንጊና ናንጋ ጎዳ ዋዛሳ
ማዶ ማዶ።

**ያኦሲኮ ዋጎ ማፃአፓ ጴዳሢ
(2ያኦሲ. ዓሃኬ 34:8-28)**

3 ዒዮሲያሴ ካኦታዳያ ታጶ ሳላሳ ሌዖና ሜሹላሜኮ ናኦዚ ናይ፣
ዓፃሊያ ናይ ማዒ ካኦቲሞ ማኦራ ፃኦፖ ባኮ ፃኦፓ፣ ሳፓኔ ቡፃ
ጌኤዦ ማኦሪ ሂዚ ጋዓ ኪኢታ ዳኬ።- 4 «ሂልቂያ ጌይንታ፣ ቄኤሶ
ቢያኮ ሱኡጋሢ ኮይላ ዳንዲጋፓ ጌኤዦ ማኦሪ ጌሎ ካሮ ኮራ ዋሊ
ዓኦሢ ዓኦሢ ዳሮይዳፓ ሚኢሾ ዓካንዳጉዲ ቢታንታ ዒንጊንቴ
ቄኤሳ ሃይማ ሄላንዳኦና ዋማዲ ሚኢሾ ቡኩሴቴያ ዒዛፓ ያኦጪ
ዒሪ ዪዔ፤ 5-6 ዪና ዓሳ ጌኤዦ ማኦሪ ጊንሣ ጊኢጊሻ ዓሶኮ ሱኡጎም
ሚኢሾ ዒንጎንጎ፤ ዪያታ ሱኡጋ ዓኬ ሚኢሾ ጌኤዦ ማኦሪኮ ደዔ
ቤዞ ጊኢጊሻ ዓሶም፣ ሚያ ዓርሲ ጊኢጊሻ ዓሶም፣ ሹጮና ኬልቂ ማዦ
ዓሶንታ ሹጮ ዓርሳ ዓሶንታም ጪጎንጎ፤ ሃሣ ጊንሣ ጌኤዦ ማኦሪ
ማጎንደ ላሻሢ ሚያንታ ዓርሲንቴ ሹጮንታ ዔያታ ሻንቆንጎ፤ 7 ዪና
ማዶ ማዶ፣ ሱኡጋ ጉቤ ዒናፓ ጉሙርቂንታ ዓሲታሢሮ ሚኢሾ ዛሎ
ዒያቶ ያኦጪንደያቲዋሴ።»

8 ዪካፓ ዪይ፣ ካኦቶ ማኦራ ፃኦፖ ባኮ ፃኦፓሢ፣ ሳፓኔ ሂልቂያም
ካኦቲ ዒዛ ዓይሢ ዳኬ ኪኢቶ ኬኤዜኔ፤ ሂልቂያ ዒማና፡- «ያኦሲኮ
ዋጎ ማፃአፓ ጌኤዦ ማኦሪ ጋራፓ ታ ዳንቂ ዔኬ፤ ሃኦዛጌ» ጌዒ
ሳፓኔም ዒንጋዛ ሳፓኔ ዔካያ ናባቤ፤ 9 ሳፓኔ ናባቤሰካፓ ካኦቲ
ኮይላ ማዒ ዳንዳዮ፡- «ኔኤኮ ዓይላ ጌኤዦ ማኦሪይዳ ዓኦ ሚኢሾ
ዔኪ ጌኤዦ ማኦሪ ጊኢጊሻ ማዦ ዓሶኮ ሱኡጎም ዒንጌ።» ጌይ
ኬኤዜ፤ 10 ዪካፓ ሃሣ ዒ ኬኤዛዮ፡- «ቄኤሳሢ ሂልቂያ ማፃአፔ
ዳንቂ ዔኪ ታኦም ዒንጌ፤ ሃኦዛጌ» ጋዓዖ ካኦቲም ዪያ ማፃአፓ
ናባቤ።

11 ዪይ፣ ያኦሲኮ ዋጎ ማፃአፓ ናባቢንታኦና ካኦቲ ዋይዛዖ ያዪ
ፔኤኮ ማኦሪሢ ዳርዘ፤ 12 ዒማና ሃሣ ዒ ኔጉዋዖ ቄኤሳሢ
ኪልቂያም፣ ሳፓኔ ናኦዚ ዓሂቃም፣ ሚካያ ናኦዚ ዓክቦሬም፣ ካኦቲሞ
ማኦሪይዳ ፃኦፖ ባኮ ፃኦፓ ሳፓኔንታ ካኦቲኮ ደንዞ ማዒ ማዶ
ዓሳያንታም ሂዚ ጋዓ ኪኢታ ዳኬ።- 13 «ሃሢ ዳንዲጋፓ ታናንታ
ዪሁዳይዳ ናንጋ ዳሮንታም ጴዳ ሃያ ማፃአፖይዳ ዓኦ ባካ ዓይጎ
ባኦዚታቴያ ኬኤዛንዳጉዲ ናንጊና ናንጋ ጎዳ ያኦጪዋቴ፤ ኦኡኮ

22:1 22:1 ዔር. 3:6። 22:7 22:7 2ካኦቶ. ማ 12:15።

ቤርታኦ ዓድገህ ሃያ ማፃአፖይዳ ፃኣፒንቴ ዳምቦ ካፒ ማዲባኣሢር ናንጊና ናንጋ ጎዳ ኑ ዑፃ ሚርጌና ዲጋዴኔ።»

14 ዬያሮ ሂልቂያ፡ ዓሂቃሜ፡ ዓክቦሬ፡ ሳፓኔንታ ዓሳያንታ ዬሩሳላሜይዳ ዓኣ ዓኪ ማዢንቴ ጉርዳሰከኖይዳ ናንጋ ሁልዳ ጌይንታ ያኦሲ ማለሂ ከኤዛሰከኖ ኮራ ያኦጫኒ ዴንዴኔ፤ ዒማና ሃርሃሴ ናኣዚ ናይ ማዔሂ፡ ቲቂዋ ናኣዚ፡ ዒዛኮ ዓኒ ሻሉሜ ጌኤዡ ማኣሮይዳ ማይንቶ ማኣዓሂ ቢታንቶና ዓርቃያከ፤ ዔያታ ዬያ ባኮ ቢያ ዬኖ ያኦሲ ማሊያ ከኤዛዞም ሃይሳዴኔ። 15 ዒዛ ዔያቶም ሂዚ ጌዔኔ፤ ናንጊና ናንጋ ጎዳ ማዔ ዒሰራዔኤሌ ያኦዛሂ ሂዚ ጋዓኔ፤ ታ ኮይላ ዒገሂ ዳከ ዓሂም ሂዚ ጌዒ ከኤዙዋቴ፡- 16 «ናንጊና ናንጋ ጎዳ ሂዚ ጋዓኔ፤ ዪሁዳ ካኣቲ ናባቤ ማፃአፖ ጋራ ፃኣፒንቴ ጎይያ ሃኖ ዓጮይዳ፤ ሃሃ ጊንሣ ዴሮ ዑያይዳ ፑርታ ባኣዚ ታ ዔኪ ዬዓንዳኔ። 17 ዔያታ ታና ሃሺ ሜሌ ያኦዞም ዒንጎ ባኣዚ ሺኢሺኔ፤ ዔያታ ያኦዞ ማሃ ፔ ኩቻ ማዜ ባኮ ቢያሂና ታና ዲጋሴኔ፤ ታኣኮ ዬይ ዲጋ ማዓዓከ፤ 18 «ናንጊና ናንጋ ጎዳ ኮይላ ያኦጮዋቴ» ጌዒ ዒገሂ ዳከ፡ ዪሁዳ ካኣቲም ሂዚ ጎዑዋቴ፤ ታኣኒ፡ ናንጊና ናንጋ ጎዳ ማዔ ዒሰራዔኤሌ ያኦዛሂ ሂዚ ጋዓኔ፤ ሕኤኒ ዬያ ማፃአፖይዳ ጌይንቴ ባኮ ዋይዚ፤ 19 ሃኖ ዓጮንታ ዴሮንታ ጋዳንቂንቴያ ታ ማሃንዳሂ፤ ሃሃ ጊንሣ ቤሲ ታ ዔያቶኮ ባይዛንዳኔ ጌዒ ከኤዜ ቃኣሎ ኔኤኒ ዋይዛያ ዒኔ ዴጲ ኔና ኔ ሂርኪዴኔ፤ ማኣዓሂያ ኔኤኮ ኔ ዳርዚ፡ ታ ቤርታ ዬኤኪ ኔ ሺኢቁ ሺኢጲያ ታ ዋይዜኔ። 20 ዬያሮ ዬሩሳላሜይዳ ታ ዔኪ ዬዓንዳ ፑርቶ ባኮ ኔኤኒ ኔ ዓኣፒና ዛጉዋያ ሃይቃንዳያ ሄላንዳኣና ዬይ ባካ ማዲንታዓከ፤ ኔኤኒ ዔባ ቢያ ኮሺ ዓኣንቴ ሃይቂ ዴኡታንዳኔ።»

ከኢቶ ዓሶንሂ ዬያ ሃይሶ ዔኪ ካኣቲ፡ ዒዮሲያሴ ኮራ ማዒ ዴንዴኔ።

23

ዒዮሲያሴ ሜሌ ያኦዞ ካኣሽኮ ካኣዡ ባይዜሂ (2ያኦሲ. ዓሃኬ 34:3-7፤29-33)

1 ካኣቲ፡ ዒዮሲያሴ ዪሁዳና ዬሩሳላሜናፓ ዔርቲ ዓጮ ጪም ቢያ ዔኤሌኔ፤ 2 ዬያታ ሙከ ዓሳ፡- ቁኤሶንታ ያኦሲ ማሊያ ከኤዛ ዓሶንታ ዲካጋ ዴንዳ ዴኤፒ ጌይንታ ዓሶ ሄላንዳኣናከ፤ ዬያታ ዓሳ ጌኤዡ ማኣሪ ሙካዛ ካኣቲ ባይቂያታያ ጌኤዡ ማኣሮይዳ ጴጫ ማፃአፖ ጋራ ዓኣ ባኮ ቢያ ዴሮም ናባቤኔ፤ 3 ካኣቲ ዒማና ጌኤዡ ማኣሮኮ ቤርቶ ዛላ ዓኣ ቱርቱር ኮራ ዔቂ ጉቤ ዒናፓ፤ ሃሃ ጊንሣ ጉቤ ማሊያፓ ናንጊና ናንጋ ጎዳም ዓይሂንታኒና ዓይሂያንታ ዳምቦንታ ዋጎንታ

ካፓኒ ያኦሲ ቤርታ ጫክቁሞ ጊንሣ ዓካሴኔ፤ ዬኖ ማፃአፖይዳ ፃኦፒንቴ ጫክቁሞ ካፒ ኩንሣንዳሢ ጉቤ ዒናፓ ኬኤዜኔ፤ ዳራኦ ዬያ ማዳኒ ዒዛና ዎላ ጫክቁ።

4 ዬካፓ ዒኖሲያሴ ቁኤሶ ቢያሢኮ ሱኡጋሢ፡ ሂልቁያንታ ዒዛ ማኣዲ ማኣዲ ማዳ ቁኤሶንታ ጌኤዢ ማኣሪ ጌሎ ካሮ ካፓ ቁኤሶንታ ዔኤሊ ባዓኣሌና ዓሼራ ጌይንታ ላኣሎ ያኦዜሎና፤ ዬያጉዲ ሃሣ ዡኦጋሢ ካኣሽኮ ባኮዎ ቢያ ጌኤዢ ማኣራፓ ኬሳንዳጉዲ ዓይሣኔ፤ ካኣቲ ዬያ ሚሆ ቢያ ዬሩሳላሜ ካታሞኮ ዙላ ዓኣ ቁድሮኦኔ ደኦጮይዳ ታሚና ሚቹ ዲቢንያ ቤኤቴኤሌ ዔኪ ዓኣዳ። 5 ዪሁዳ ካታሞና ዬሩሳላሜኮ ኮይላ ዓኣ ቤዘናይዳ ቢያ ጌሚራ ጌሚራ ሚሌ ያኦዘሞ ዒንጎ ባኮ ዒንጎ ቤዘይዳ ማዳንዳጉዲ ቤርታ ዪሁዳ ካኣታ ደኦሪ ጌሣ፡ ቁኤሶ ቢያ ማዳፓ ኬሲ ዳኬኔ፤ ባዓኣሌ ጌይንታ ሚሌ ያኦዘሞ፡ ዓባሞ፡ ዓጊኖም፤ ዬያጉዲ ሃሣ ዓባኮ ኮይላ ሺራ ዓጮንታ ዡኦጋሢንታም ዒንጎ ባኮ ዒንጊ ዒንጊ ማዳ ቁኤሶ ቢያ ኬሴኔ። 6 ዓሼራ ጌይንታ ላኣሎ ያኦዜሎ ማሊሲ ማዡና ባኮ ጌኤዢ ማኣራፓ ቱጊ ዔኪ ካታሞኮ ዙሎ ኬሳን ቁድሮኦኔ ደኦጮ ዔኪ ዳንዲ ታሚና ሚቹኔ፤ ዬና ባኬላ ሲላሊ ማዓንዳያ ሃላንዳኣና ጋኣጠ፡ ሃይቁ ዳሮኮ ዲኡጉይዳ ላኣሌኔ። 7 ዓቲንቆና ላሃ ዓቲንቃ ጌኤዢ ማኣሮይዳ ፔ ማዶ ማዳ ኬኤዳንታ ላኣላ ዓሼራ ጌይንታ ያኦዜሎም ጋሮይዳ ዲማሲያሮ ጎኦቦ ዓፒሎ ሱኪ ጊኣጊሻ ኬኤዳም ቢያ ደይሴኔ። 8 ዒዚ ዒማና ዪሁዳ ካታሞና ዓጮ ጉቤናይዳ ጌይፃ፡ ጌባዔይዳፓ ዓርቃያ ቤርሳቤ ሃላንዳኣና ዓኣ ቁኤሶ ቢያ ዬሩሳላሜ ዔኪ ሙኬኔ፤ ዔያታ ዒንጎ ባኮ ዒንጋ ቤዛ ጉቤ ዒኣቲያ ማዔሢ ቢያ ዓሶም ዒ ኬኤዜኔ፤ ካታሚሎ ዎይሣ፡ ዒያሱ ካታሞ ጌሎ ካሮ ኮይላ ማዡሲሴ ካኣሽኮ ቤዘ ዒኖሲያሴ ሻሃ ደይሴኔ። 9 ዬያታ፡ ቁኤሳ ጌኤዢ ማኣሮይዳ ማዲሞጉዲያ ዒዚ ላኣጌኔ፤ ያዲ ማዔቴያ ዔያቶኮ ላጎ ማዔ ቁኤሶም ዒንጊንታ፡ ሙኦቆ ፃኣዛ ጌለባኣ ካሃ ዔያታ ሙዓንዳጉዲ ጌይንቴኔ።

10 ካኣቲ፡ ዒኖሲያሴ ሂኖሜ ደኦጮይዳ «ቶፔቴ» ጌይንታ ሚሌ ዓሳ ፔ ያኦዘ ካኣሽካ ቤዛ ዒኣቲ ቤሲ ማዔሢ ዓሶም ኬኤዜኔ፤ ዬያሮ «ሞሎኬ» ጌይንታ ያኦዘም ዓቲንቁ ናይያ ማምም ዉዲሮ ናይ ሚቹ ዒንጎ ዒንጊሢ ማሂ ዒንጋ ዓይጎ ዓሲያ ባኣያ ማዓንዳጉዲ ላኣጊንቴኔ፤ 11 ቤርታ ዪሁዳ ካኣታ ዓቦ ካኣሽኪያም ማምንጎ ጌዒ ዲማሲ ጌሣ፡ ፓራሢ ቢያ ዒኖሲያሴ ዒኣካፓ ሺኢሺ ባይዜኔ፤ ዬያ

23:6 23:6 2ካእቶ. ማ 21:3፤ 2ዮኦሲ. ዓሃኬ 33:3። 23:10 23:10 ለዊ. ዓኬ 18:21፤ ዓር. 19:1-6፤ 32:35።

ካአቶም ገሊጊሾና ሳርጌሎ ያይቶዎ ታመና መቼኔ፤ ዬይ ባካ ቢያ ዋንዴ ዴኤፖ ሱኡጋሢ ጌይንታ ናኣታንሚሌኬ ጎያሢ ናንጋ ኬኤጾኮ ኮይላ፤ ሃሣ ገንሣ ጌኤዮ ማኣሮኮ ቤርቶ ዛላ ዓሳ ቡካ ቤዞ ጌሎ ካራ ዓኣያኬ፤ 12 ካአቲ፡ ዓካኣዜ ማዢሴ ዎይጾ ኬኤጾኮ ዑይይዳ ዓኣ ካአቲዎ ማኣሮይዳ ዪሁዳ ካአታ ማዢሴሴ ዒንጎ ባኮ ዒንጎ ቤዞንታ ጌኤዮ ማኣሮኮ ዓሳ ቡካ ላምጾ ቤዞይዳ ካአቲ፡ መናኣሴ ማዢሴሴ ዒንጎ ባኮ ዒንጎ ቤዞ ዒዮሲያሴ ሻሂ ዶይሴኔ፤ ዬያ ዒንጎ ቤዞ ኮሾና ባኮ ጋኣጨ ሲላሊ ማሂ ዔኪ ዴንዲ ቁድሮኦኔ ዶኦጫ ላኣሌኔ። 13 ዬያጉዲ ሃሣ ዬሩሳላሜፓ ዓባ ኬሰካ ዛሎና ዒኣቲ ዲኮኮ ዶኦሎ ዛላ ዓሰታሮቲ ጌይንታ ሲዶና ዓሶ ያኣዜሎ፡ ኬሞሼ ጌይንታ ሞዓኣቤ ዓሶ ያኣዞንታ ሞሎኬ ጌይንታ ሞኦኦኔ ዓሶ ያኣዞም ካአቲ ሴሎሞኔ ማዢሴሴ ሻኣካያ ማዔ ማሊሲ ኮሾና ባካ ቢያ ዒኣቲ ባኣዚ ማዔሢ ዓሶም ዒዚ ኬኤዜኔ። 14 ካአቲ፡ ዒዮሲያሴ ዒመና ሹጮና ዳኣቦና ዳኣቦ ቢያ ማንሣኔ፤ ዓሼራ ጌይንታ ያኣዜሎ ማሊሲ ኮሾና ባኮዎ ቆዒ ቆዒ ኬኤሬኔ፤ ዬይ ዶቂንቲ ዓኣ ቤዞ ቢያ ዓሲ ማንሣ * ሌሊ ማሂኔ።

15 ዒሰራዔኤሌ ዓሶ ጎሞይዳ ዔኪ ጌልዜ፡ ናባዔ ናኣዚ፡ ዒዮርቢዓሜ ቤኤቴኤሌይዳ ማዢሴሴ ካአቶ ቤዞ ዒዮሲያሴ ሻሂ ባይዜኔ፤ ዒኣካፓ ዒንጎ ባኮ ዒንጎ ቤዞዎ ቱጌ፡ ዶቆና ሹጮዎ ቢያ ዲይ ማንሣ ጋኣጨ ሲላሊ ማሂኔ፤ ዓሼራ ማሊሲ ማዢና ባኮዎ ታመና መቼኔ፤ 16 ዬካፓ ዒዮሲያሴ ኮይሎ ሺሪ ዛጋንቲ ጌሚሮይዳ ዑይ ገሊጊሾ ኮሾና ዴኡፒ ዴዴኔ፤ ዒዚ ዬያ ዴኡፖ ጋራ ዓኣ ማንጌጾ ቢያ ዔኪ ዒንጎ ባኮ ዒንጎ ቤዞይዳ ታመና መቼኔ፤ ዬያይዲ ዬይ፡ ዒንጎ ባኮ ዒንጎ ቤዞ ዒኣቲያ ማዔሢ ዔርዜኔ፤ ዒዮሲያሴ ዬያ ቢያ ማዴሢሮ መርጌ ዎዴኮ ቤርታ ፔቲ ካኣሺ ኬሊሰኬኖና ካአቲ ዒዮርቢዓሜ ዒንጎ ባኮ ዒንጎሢኮ ኮይላ ዔቂ ዓኣንቲ ያኣሲ ማሊያ ኬኤዛሢ ጌዔ ሎንሣ ዬያና ኩሜኔ፤ ካአቲ፡ ዒዮሲያሴ ሃሣ ኮይሎ ሺሪ ዛጋጾ ዬያ ያኣሲ ማሊያ ኬኤዜሢኮ ዴኡፖ ዴንቂ፡- 17 «ሃሴኬ ዴኡፓ ያ ዴኡፒዳይ?» ጌዒ ያኣጩኔ።

ዒመና ቤኤቴኤሌ ዓጮ ዓሳ፡- «ዪሁዳፓ ሙኪ ሃያ ዒንጎ ባኮ ዒንጎ ቤዞይዳ ኔኤኒ ማዴ ባካ ቢያ ኩማንዳሢ ኬኤዜ፡ ያኣሲ ማሊያ ኬኤዛ ዓሢሲኬ» ጌዔኔ።

23:12 23:12 2ካአቶ. ማ 21:5፤ 2ያኦሲ. ዓሃኬ 33:5። 23:13 23:13 1ካአቶ. ማ 11:7። * 23:14 23:14 ዓሲ ማንሣ፡- ዬይ ያዲ ማዴንቲሣ ዬኖ ቤዞይዳ ሜሌ ያኣዛ ካኣሽኪንቱዎጉዲ ማሂኬ። 23:15 23:15 1ካአቶ. ማ 12:33። 23:16 23:16 1ካአቶ. ማ 13:2። 23:17 23:17 1ካአቶ. ማ 13:30-32።

18 ዲዮሲያሴ፡- «ዬና ዲኡፓ ዴዎንጎ፤ ሃሹዋቴ፤ ዲዛኮ ሜጌፃ ቤዛፓ ዳጊፃንዲያ ኮይሱዋሴ!» ጌዔኔ።

ዬያሮ ዲዛንታ ሳማሪያ ካታሞይዳ ያኦሲ ማሊያ ከኤዛ ዓሶንታኮ ሜጌፃ ቱጊንቲባኣሴ።

19 ካኣቲ፡ ዲዮሲያሴ ዲሰራዔኤሌ ካታሞ ጉቤህዲ ዲሰራዔኤሌ ካኣታ ማዠሲሴ፡ ናንጊና ናንጋ ጎዳኮ ዳጎ ዔቁሳ፡ ሜሌ ዴራ ፔ ያኦዞ ካኣሸካ ቤዞ ቢያ ሻሂ ባይዜኔ፤ ቤኤቴኤሌይዳ ዲ ማዴ ጎይዎማ ዬያቶ፡ ዲንጎ ባኮ ዲንጎ ቤዞ ቢያ ዲማይዴኔ።

20 ዬያ፡ ዲንጎ ባኮ ዲንጎ ቤዞይዳ ማዳ ቁኤሶ ቢያ ዲዚ ዋዴኔ፤ ዬያ ዲንጎ ባኮ ዲንጎ ቤዞይዳ ዓሲኮ ሜጌህ ሚቼኔ። ዬያ ቢያ ዲ ማዴሰካፓ ዬሩሳላሚ ማዲ ዴንዴኔ።

**ዲዮሲያሴ ዑህ ዓኣዲያ ቦንቾ ቦንቼህ
(2ያኦሲ. ዓሃኬ 35:1-19)**

21 ካኣቲ፡ ዲዮሲያሴ ያኦሲኮ ጫኣቁሞ ማፃኦፕይዳ ፃኣፒንቴ ጎይዎ ናንጊና ናንጋ ጎዳ ማዔ ዔያቶኮ ያኦዞህኮ ዑህ ዓኣዲያ ቦንቾ ቦንቻንዳጉዲ ዴሮ ዓይህኔ። 22 ዲማ ዲማ ሱኡጋ ዴሮ ዋይህ ዋዳፓ ዓርቃዎ ሃይማ ሄላንዳኣና ዲሰራዔኤሌ ካኣቶይዳ፤ ሃህ ጊንህ ዪሁዳ ካኣቶይዳ ዓይጎ ካኣቲ ዋዴናኣ ማዎሞ ዬያጉዴ ቦንቾ ዑህ ዓኣዲያ ኬላ ቦንቼንቴ ቤቁባኣሴ። 23 ዲዮሲያሴ ካኣታዴንቴ ታጾ ሳላሳ ሌዎና ዬይ፡ ዑህ ዓኣዲያ ቦንቻ ዬሩሳላሚይዳ ቦንቼንቴኔ።

ዲዮሲያሴ ማዴ ሜሌ ባኮ

24 ቁኤሶ ቢያኮ ሱኡጋህ፡ ሂልቁያ ጌኤዠ ማኣራፓ ዴንቁ ዔኬ ማፃኦፕ ጋራ ዓኣ ዋጎሞ ቢያ ዓይህንታንዳጉዲ ጌዒ ካኣቲ ዲዮሲያሴ ዬሩሳላሚንታ ሜሌ ዪሁዳ ካታሞ ቢያህፓ ሃይቁ ዓሶኮ ዔኤዠ ዔኤላ ዓሶንታ ዠዋንታ ፔቴ ፔቴ ዓሳ ፔ ማኣራ ያኦዞ ጌዒ ካኣሸካ ባኮንታ ሜሌ ዓሳ ፔ ያኦዞ ካኣሸካ ሚሆዋ ቢያ ዓጫፓ ባይዜኔ። 25 ሙሴ ዔርዜ ዋጎሞ ዓይህንቴ ጉቤ ዲናፓ፡ ጉቤ ሸምፓፓ፤ ሃህ ጉቤ ዋልቃፓ ናንጊና ናንጋ ጎዳሞ ማዴይ ካኣቲ ዲዮሲያሴጉዴ ዲዛኮ ቤርታኣ ማዎሞ ጊንፃፓ ጴዲባኣሴ።

26 ዲዚ ዬያ ቢያ ማዴንቴ ካኣቲ፡ ሚናኣሴ ማዴ ፑርቶ ማዴ ዛሎና ዪሁዳይዳ ናንጊና ናንጋ ጎዳኮ ዔኤቴ፡ ዲጊቻ ዳጋ ዬያ ሄላንዳኣና ሸሚባኣሴ። 27 ዬያሮ ናንጊና ናንጋ ጎዳ፡- «ዲሰራዔኤሌይዳ ታ ማዴ ባኮ ቢያ ዪሁዳይዳኣ ዲማይዳንዳኔ፤ ታ ዋዳንዳይ ጌዔቴ ዪሁዳ ዴሮ ታ ቤርታፓ ታኣኒ ሺኣሻንዳኔ፤ ታኣኒ ዶኦሬ፡ ዬሩሳላሚ ካታሞንታ <ሱንፃ ታኣኮ ዲኢካ ካኣሸከንቶንጉ ታ ጌዔ ጌኤዠ ማኣሮንታ ታኣኒ ሃሻንዳኔ» ጌዔኔ።

**ዒዮሲያሴኮ ካኣቱሞ ዎዶ ጋፒንያ
(2ፆኦሲ. ዓሃኬ 35:20—36:1)**

28 ካኣቲ፥ ዒዮሲያሴ ማዳ ማሌ ባካ ቢያ ዪሁዳኮ ካኣቶ ሃይሳ ፃኣፒንታ ማፃኣፓ ፃኣፒንቲ ዓኣኔ፤ 29 ዒዮሲያሴ ካኣታዲ ዓኣ ዎዶና ኔኮ ጌይንታ ገብፄ ካኣቲ ዓሶኦሬ ካኣቲ ማኣዳኒ ፔኤኮ የሎ ዓሶ ዔኪ ዔፕራዲሴ ዎሮ ካሮ ሙኬኔ፤ ዬያሮ ካኣቲ፥ ዒዮሲያሴ ማጊዶ ጌይንታ ቤሰካ ገብፄ ካኣቲኮ የሎ ዓሶ የሊ ማሃኒ የልዚ ዓርቃያ ዬያ የሎይዳ ሃይቄኔ፤ 30 ዒዛኮ ዶንዘ ማዔ፥ ቢታንታ ዓኣ ዓሳ ዒዛኮ ሌዘ ሳርጌሎ የይቶና ጫኣኒ ዔኪ ዬሩሳላሜ ሙካያ ካኣታ ዱኡታ ቤዛ ዱኡኬኔ።

ዬካፓ ዪሁዳ ዓሳ ዒዮሲያሴ ናኣዚ፥ ዒዮሃዜ ዶኦሚ ካኣታሣኔ።

**ዪሁዳ ካኣቲ ዒዮሃዜ
(2ፆኦሲ. ዓሃኬ 36:2-4)**

31 ዒዮሃዜ ዪሁዳይዳ ካኣታዳኣና ሌዓ ዒዛኮ ላማታሚ ሃይሣኬ፤ ዒዚ ዒማና ዬሩሳላሜይዳ ናንጊ ሃይሣ ዓገኒ ዎይሣኔ፤ ዒዛኮ ዒንዳ ሃሙፃሎ ጌይንታያ ሊቢና ካታማ ሾይንቱ፥ ዔርሚያሴ ናይኬ፤ 32 ዒዮሃዜያ ዒዛኮ ቤርታኣ ዓዶንሢ ማዳ ጎይያ ናንጊና ናንጋ ጎዳ ቤርታ ፑርታ ባኣዚ ማዳኔ። 33 ዬያሮ ገብፄ ካኣቲ፥ ኔኮ ጎምሢ ዒዮሃዜ ዬሩሳላሜይዳ ካኣታዲ ዎጉዲ ሃማቲ ዓጮይዳ ዓኣ ሪቢላ ጎያ ቤሰካ ቱኡሲ ማርካ ቱከ፥ ዪሁዳ ዓጮዎ ሃይሣ ሺያና የይዶ ጃኤታ ከሎ ማዓ ቢራ፤ ሃይሣታሚ የይዶ ከሎ ማዓ ዎርቄ ገኢሪሼኔ። ዬማ ዒዮሃዜኮ ካኣቱሞ ዎዶ ጋፒንያ ማዔኔ። 34 ገብፄ ካኣቲ፥ ኔኮ ዒዮሲያሴኮ ናኣዚ ዔኤሊያቄሚ ዒዮሲያሴ ቤዛ ዪሁዳይዳ ካኣታሣኔ፤ ዬይ ገብፄ ካኣታሣ ዔኤሊያቄሚኮ ሱንያ ላኣሚ ዒዮዓቄሚ ጌይ ጌሣኔ፤ ዒማና ካኣቲ ኔኮ ዒዮሃዜ ዲዒ ዔኪ ገብፄ ዴንዴሞ ዒኢካ ዒዚ ሃይቄኔ።

**ዪሁዳ ካኣቲ ዒዮዓቄሚ
(2ፆኦሲ. ዓሃኬ 36:5-8)**

35 ካኣቲ ዒዮዓቄሚ ገብፄ ካኣቲ ኔኮ የኦጩ ቢሮንታ ዎርቆንታ ጩጌኔ፤ ዬያ ዴንቃኒ ዴራ ገኢራኒ ዴንዳዓሢጉዴያ ገኢራ ዓሶ ዑፃ ዓጌኔ።

36 ዒዮዓቄሚ ዪሁዳይዳ ካኣታዳኣና ሌዓ ዒዛኮ ላማታሚ ዶንጎኬ፤ ዒዚ ዬሩሳላሜይዳ ናንጊ ታጾ ፔቱ ሌዔ ዎይሣኔ፤ ዒዛኮ ዒንዳ ዜቢዳ ጌይንታያ ሩማ ካታማ ሾይንቱ፥ ፔዳያ ጎየሰኬያ

23:34 23:34 ዓ.ር. 22:11-12።

ናይኩ። 37 ዲዮዓቄሜያ ዒዛኮ ቤርታኣ ዓደንሢ ማዳ ጎይቻ ናንጊና ናንጋ ጎዳ ቤርታ ቸርታ ማዶ ማዳ።

24

1 ዲዮዓቄሜ ካኣታዲ ዓኣንቴ ባብሎኔ ካኣቲ፣ ናቡካዳናዖሬ ፔ ዖልዚ ዓሲና ሙኪ ዪሁዳ ዓርቄ፤ ዬያሮ ዲዮዓቄሜ ሃይሆ ለዔ ዲዛሞ ጊኢሬሰካፓ ጊንሣ ዋይዞ ዒፃ፤ 2 ናንጊና ናንጋ ጎዳ ፔኤኮ ዓይሎ ማዔ፣ ዲዛ ማሊያ ኬኤዛ ዓሶ ዛሎና ዪሁዳ ባይዛኒ ኬኤዜሢ ኩንሣኒ ዪሁዳ ሙኪ ዖላንዳጉዲ ባብሎኔ ዓጮ፣ ሶኦሪያ ዓጮ፣ ሞዓኣቤ ዓጮንታ ዓሞኣኔ ዓጮንታ ዲዮዓቄሜይዳ ዓቄሴ። 3 ዪሁዳ ዴራ ናንጊና ናንጋ ጎዳ ቤርታፓ ሺኢካንዳጉዲ ዬይ ባካ ቢያ ያኦሲ ዓይሢ ጎይቻማጉዴያ ማዲንቴ፤ ዬይ ማዲንቴሢ ካኣቲ፣ ሚናኣሴ ማዳ ጎሞ ዛሎናኩ። 4 ሚናኣሴ ጌኤዢ ዓሶኮ ሱጉያ ላኣሊ፣ ዬሩሳላሜ ካታሞ ሱጉሢ ሌሊ ማሃሢሮ ባሼ ዬይ ባካ ቢያ ማዲንታኒ ዳንዳዔ፤ ናንጊና ናንጋ ጎዳ ሚናኣሴም «ዓቶንጎ» ጋዓኒ ኮይባኣሴ።

5 ዲዮዓቄሜ ማዳ ሜሌ ባካ ቢያ ዪሁዳ ካኣቶ ሃይሳ ፃኣፒንታ ማፃኣፓ ፃኣፒንቲ ዓኣ፤ 6 ዬካፓ ዲዮዓቄሜ ሃይቄ፤ ዲዛ ቤዘይዳ ዲዛኮ ናኣዚ፣ ዮዓኪኔ ካኣታዳ።

7 ባብሎኔ ካኣቲ ዔፕራዲሴ ዋራፓ ዴንዲ ጊብፃኮ ኬዳ ዛሎ ዓጮ ዛጳ ሄላንዳኣና ጊብፃሮ ማዔ ዓጮ ቢያ ዓርቄሢሮ ጊብፃ ካኣቲንታ ዲዛኮ ዖሎ ዓሶንታ ሜሌ ዓጪ ማይ ዴንዲ ዖሊባኣሴ፤

ዪሁዳ ካኣቲ ዮዓኪኔ (2ያኦሲ. ዓሃኬ 36:9-10)

8 ዮዓኪኔ ዪሁዳይዳ ካኣታዳኣና ሌዓ ዲዛኮ ታጳ ሳሊኬ፤ ዲዚ ዒማና ዬሩሳላሜይዳ ናንጊ ሃይሆ ዓጊኒ ዋይሢ፤ ዲዛኮ ዲንዳ ኔሁሽታ ጌይንታ፤ ዲዛኮ ዓዴ ዬሩሳላሜይዳ ሸይንቴያ፣ ዔልናኣታ፤ ጌይንታያኩ። 9 ዮዓኪኔያ ዲዛኮ ዓዴ ማዳ ጎይቻማ ቢያ ባኮ ማዲ ናንጊና ናንጋ ጎዳ ዖዪ።

10 ካኣቲ ናቡካዳናዖሬኮ ዖሎ ዓሶ ሱኡጋ ዔኪ ሙኬ ባብሎኔ ዓሳ ዬሩሳላሜ ዖሊ ማንጊ ዓርቄሢ ዬይ፣ ዮዓኪኔ ጎሆሢ ካኣታዲ ዓኣንቴኩ። 11 ዬሩሳላሜ ማንጊንቲ ዓኣንቴ ናቡካዳናዖሬ ፔ ቶኣኪና ዲኢካ ሙኬ፤ 12 ዲማና ካኣቲ ዮዓኪኔ ፔኤኮ ዲንዳንታ ዲዛኮ ደንዞ ማዔ ዴኤፖ ዴኤፖ ሱኡጎንታ ዖሎ ዓሶ ሱኡጎንታ ቢያ ዋላ ሙኪ ባብሎኔ ዓሶም ኩቺ ዲንጌ፤ ናቡካዳናዖሬ ካኣታዳዖ ሳላሳ

23:36 23:36 ዓ.ር. 22:18-19፤ 26:1-6፤ 35:1-9። 24:1 24:1 ዔ.ር. 25:1-38፤ ዳኣኔ. 1:1-2።

ሌዎና ካአቲ፣ ዮዓኪኔ ዓርቂ ዔኪ ቱኬኔ፤ 13 ጌኤዡ ማአሮና ካአቲሞ ማአሮናይዳ ዓአ ባኮ ቢያ ናቡካዳናዖሬ ጋፒሲ ዔኪ ባብሎኔ ዳንዴኔ። ቤርታ ናንጊና ናንጋ ጎዳ ኬኤዜ ጎይዖ ካአቲ፣ ሴሎሞኔ ያኦሲኮ ጌኤዡ ማአሮሞ ኮሺሴ ዎርቆና ሚዛጲሶና ማሆ ጉቤ ማንሣኔ። 14 ናቡካዳናዖሬ ዩሩሳላሜ ዓሲንታ ካአቲኮ ዶንዘ ማዔ፣ ዴኤፖ ዴኤፖ ሱኡጎንታ ማሌ ዴኤፒ ዴኤፒ ጌይንታ ዓሲንታ ቢያ ዎሊ ዑዖ ታጳ ሺያ ዓሲ ዲዒ ዔኪ ዳንዴኔ፤ ዩያቶ ዓሶና ዎላ ኩቸና ዔኤቢ ማዢ ዔራ ዓሲንታ ዓንጊ ዲዒ ዓሲንታ ቢያ ዔኪ ዳንዴኔ፤ ዒዚ ዩሩሳላሜይዳ ጋፒንሣ ማንቆ ማዔዘንሣ ሌሊ ሃሺኔ።

15 ናቡካዳናዖሬ ዮዓኪኔ ዓርቂ ቱኪ ዒዛኮ ዒንዶንታ ላአሎንታ ዒዛኮ ዶንዘ ማዔ ሱኡጎንታ ዪሁዳይዳፓ ዴኤፖ ዴኤፖ ዓሶንታ ዎላ ቢያ ዔኪ ባብሎኔ ዳንዴኔ። 16 ባብሎኔ ካአቲ ያልዚ ያላኒ ዳንዳዓ ላንካይ ሺያ ዓቲንቱ፤ ዩያጉዲ ሃሣ ዓንጊ ዲዒ ፔቴ ሺያ ዓሲንታ ኩቸና ዲማ ዲማ ባአዚ ኮሻ ዓሲ ዔኪ ባብሎኔ ዓአዴኔ።

17 ናቡካዳናዖሬ ዮዓኪኔ ቤዛ ማታኒያ ጌይንታ ዮዓኪኔኮ ዓዶ ዒሾ ዪሁዳይዳ ካአታሃዖ ሱንዖ ዒዛኮ ሴዴቂያሴ ጌይ ጌሣኔ።

ዪሁዳ ካአቲ ሴዴቂያሴ
(2ዖኦሲ. ዓሃኬ 36:11-12፤ ዔር. 52:1-3)

18 ሴዴቂያሴ ዪሁዳይዳ ካአታዳአና ሌዓ ዒዛኮ ላማታሚ ፔቴኬ፤ ዒዚ ዩሩሳላሜይዳ ናንጊ ታጳ ፔቴ ሌዔ ዎይሣኔ፤ ዒንዳ ዒዛኮ ሃሙዓሎ ጌይንታኔ፤ ዒዛኮ ዓዴ ሊቢና ካታማ ሸይንቱያ፣ ዔርሚያሴ ጎዖሣኬ። 19 ዒዮዓቂሜ ማዴ ጎይዖ ሴዴቂያሴያ ናንጊና ናንጋ ጎዳ ቤርታ ፑርታ ማዶ ማዴኔ። 20 ዩያሮ ናንጊና ናንጋ ጎዳ ዩሩሳላሜና ዪሁዳ ዴሮናይዳ ዳጋዲ ፔ ቤርታፓ ዔያቶ ሺኢሺኔ፤ ሴዴቂያሴያ ሃሣ ባብሎኔ ካአቲሞ ዎይዘ ዒዳኔ።

25

ዩሩሳላሜኮ ሞርኮ ኩጫ ዓዲንቲዖ
(2ዖኦሲ. ዓሃኬ 36:13-21፤ ዔር. 52:3-11)

1 ዩካፓ ናቡካዳናዖሬ ፔኤኮ ያሎ ዓሶ ቢያ ዔኪ ሴዴቂያሴ ካአታዴንቲ ታዘጳሳ ሌዖና ታጳሳ ዓጊሮኮ ታጳ ማዓ ኬሎይዳ ዩሩሳላሜ ያላኒ ሙኬኔ፤ ዒማና ዩይ ፖኦሊሳ ካታሞኮ ዓጮ ማንጊ

24:12 24:12 ዔር. 22:24-30፤ 24:1-10፤ 29:1-2። 24:15 24:15 ሂዚ.
17:12። 24:17 24:17 ዔር. 37:1፤ ሂዚ. 17:13። 24:18 24:18 ዔር.
27:1-22፤ 28:1-17። 24:20 24:20 ሂዚ. 17:15።

ዲንካዎ ዓጩ ኩሊ ዋርዲ ዳዔኔ፤ 2 ሴዴቂያሴ ካኣታዳንቴ ታጳ ፔታሳ ሌዎ ሄላንዳኣና ዩሩሳላሜ ካታማ ማንጊንቴ ዳዔኔ፤ 3 ዒዛ ሌዎኮ ያይዳሳ ዓጊና ታዘጳ ኬሊ ማዓኣና ናያ ዓሶ ባሺ ዶዳሢሮ ዳራ ሙዎንዶ ባኣዚ ባይዜኔ። 4 ዒማና ባብሎኔ ዓጮ ፖኦሊሳ ካታሞኮ ዙሎ ማንጊ ዓኣንቴ ዪሁዳ ካኣቲኮ ፖኦሊሳ ዲማ ካታሞኮ ዙሎ ኬልቂ ዲርቆና ዲዎ ዳርዛዎ ቶሊ ኬሰኪ ዳንዳኔ፤ ዩይ ፖኦሊሳ ላምዎ ዲዎ ዋላ ካኣማ ቤዘይዳ ዓኣ ካሮና ኬሰኪ ካኣቲኮ ዲማ ዲማ ባኮ ቱኮ ጎዡ ባንሢ ዳንዳ ጎይዎና ፑኒ ዳንዳኔ። 5 ባብሎኔ ዓጮኮ ያሎ ዓሳ ጋዓንቴ ሴዴቂያሴ ዳውሲ ዳንዲ ዒያርኮ ኮይላ ዓኣ ቦኦሎይዳ ዓርቄኔ፤ ሴዴቂያሴኮ ፖኦሊሳ ዒማና ዒዛ ሃሺ ጳሽኬኔ፤ 6 ዩያሮ ፖኦሊሳ ሴዴቂያሴ ዔኪ ሪቢላ ካታሞይዳ ዓኣ፣ ናቡካዳናዎሬ ኮይላ ዳንዳኔ፤ ዒኢካ ዒዛይዳ ማዲንታንዳ ባኮ ናቡካዳናዎሬ ዎጌኔ፤ 7 ዎዎዳይ ጌዔቴ፡- ሴዴቂያሴኮ ዓኣፓ ዛጋንቴ ናኣታ ዒዛ ቤርታ ሹኪንቴኔ፤ ዒዛኮ ዓኣፓዎ ዎቂ ኬሲ ዓኣፒ ባይቄ ዓሲ ዒዛ ማሄኔ፤ ካኒ ቢራታናኣ ኩጮ ዒዛኮ ቱኪ ዔኪ ባብሎኔ ዳንዳኔ።

ጌኤዡ ማኣሮኮ ሻሂንቴዎ
(ዔር. 52:12-33)

8 ናቡካዳናዎሬ ባብሎኔይዳ ካኣታዳንቴ ታጳ ታዘጳሳ ሌዎና ደንጋሳ ዓጊኖኮ ላንካሳ ኬሎይዳ ናቡዛርዳኣኔ ጌይንታዎ ናቡካዳናዎሬ ካፓ ፖኦሊሶ ሱኡጌሰኬይ ዩሩሳላሜ ሙኬኔ። 9 ዒዚ ዒማና ጌኤዡ ማኣሮንታ ካኣቱሞ ማኣሮንታ ዩሩሳላሜይዳ ናንጋ፣ ዴኤፖ ዴኤፖ ዓሶኮ ማኣሮንታ ካታሞይዳ ዓኣ ማኣሮ ቢያ ታሚና ሚቹኔ፤ 10 ካኣቲ ካፓ ፖኦሊሶ ዓይሣሢ ዔኪ ሙኬ፣ ባብሎኔ ፖኦሊሳ ቢያሢ ዩሩሳላሜኮ ዙላ ዓኣ ኬኤሎ ዲዎ ሻሄኔ፤ 11 ዩካፓ ዩይ፣ ናቡዛርዳኣኔ ጎዎሢ ካታሞይዳ ዓቲ ዓኣ ሜሌ ዓሶ፤ ዩያጉዲ ሃሢ ባብሎኔ ዓሶሞ ኩቹ ዒንጊ ዓኣ ዓሶዎ ዔኪ ባብሎኔ ዳንዳኔ፤ 12 ጋዓንቴ ዒዚ ዒማና ፔቴታዎ ዔኤቢባኣ ማንቆ ዓሳ ቱኮ ባኣዚ ቱኪ፣ ጎሺያ ጎሺኪ ናንጋንዳጉዲ ዪሁዳ ዓጮይዳ ሃሺ ዳንዳኔ።

13 ባብሎኔ ዓሳ ጌኤዡ ማኣሮይዳ ዓኣ ሞኦኖ ዓንጎ ቱርቱሮንታ ሺራ ቶኪ ዓኣያ፣ ሜሆ ጌሦ ባኮንታ ሞኦኖ ዓንጎና ኮሾና ዋኣዎ ዳይሦ ዴኤፖ ዶኦላሢያ ማንሣኔ፤ ዩያ ሞኦኖ ዓንጎ ቢያ ዔኪ ባብሎኔ ዳንዳኔ። 14 ዔያታ ዒማና ሺልዓ፣ ታሞ ካኣሾ ባካ፣ ዲቢንዎ ቆንቾ ባካ፣ ዑንጆ ጌሦ ባኮንታ ሞኦኖ ዓንጎና ኮሺንቴ ጌኤዡ ማኣራ

25:1 25:1 ዔር. 21:1-10፤ 34:1-5፤ ሂዚ. 24:2። 25:4 25:4 ሂዚ. 33:21።
25:7 25:7 ሂዚ. 12:13። 25:13 25:13 1ካላቶ. ማ 7:15-26፤ 2ዎኦሲ. ዓሃኪ 3:15-17።

ማደንቶ ማሆንታ ዔኬኔ። 15 ጌኤሺ ዋርቁና ቢራ ዓንገና ኮሺንቴ ታሞ ጩቢሾ ባኮንታ ፑጮ ባኮ ፑጮ ዔቶ ሳኣኖንታ ዔኪ ዴንዴኔ።
 16 ካኣቴ ሴሎሞኔ ጌኤዡ ማኣሮም ኮሺሴ ላምዖ ቱርቱርንታ ሺራ ቶኮና ዓኣ ማሆ ጌሦ ባኮንታ ዋኣዖ ዴይሦ ዴኤፖ ደኣላሢንታ ዴኤሠሞ ዓኣሢሮ ዔሮ ባኮና ዛጊ ዔራሲ ዔያታ ዳንዳዒባኣሴ።
 17 ፔቴ ፔቴ ቱርቱራ ታጳ ሳሊ ዋዳ ማዔኔ፤ ቶኦካ ሙሰኩሌ ማሊሲ ሞኦና ዓንገና ኮሺናይ ዓኣኔ፤ ዬያ፡ ሙሰኩሌ ማሊሲ ኮሺና ባኮኮ ዔጳ ሃይሦ ዋዳኬ፤ ዬያ ባኮኮ ዓጮ ሺርሺ ሮኦጩ ማላያ ኮሺና ባኮይዳ ሮኦማኣኔ ጌይንታ ሚዖ ዓኣፖ ማላያ ኮሺ ጌሦና ባኣዚ ዓኣኔ።

ዪሁዳይዳ ናንጋ ዓሳ ዲዒንቲ ባብሎኔ ዔውቴሢ
 (ዔር. 52:24-27)

18 ጆሎ ዓሶ ዓይሣሢ፡ ናቡዛርዳኣኔ ቄኤሶ ቢያኮ ሱኡጋሢ ሴራያንታ ሴራያኮ ሄሊ ዴማ ማዒ ማዳ ቄኤሳሢ ሶፖንያሴንታ ጌኤዡ ማኣሮ ካፓ፡ ሃይሦ ዓሲሰኬንሢያ ዋላ ቱኪ ዔኪ ዴንዴኔ፤
 19 ካታሞ ፖኦሊሶኮ ሱኡጌ ማዔ ፔቴ ዓሲሰኬያንታ ዬማ ሄላንዳኣና ዬኖ ካታሞይዳ ካኣቴኮ ደንዞ ማዒ ዞራ ደንጎ ዓሲሰኬንሢያንታ ዬኖ ዓጮ ዴርፓ ጆሎ ዓሶ ደኦሪ ደኦሪ ኬሳ፡ ፖኦሊሴ ሱኡጌሰኬያንታ ማሌ ላሂታሚ ዓሲያ ዋላ ዔኪ ዴንዴኔ፤ 20 ናቡዛርዳኣኔ ዬያቶ ዓሶ ቢያ ዔኪ ሃማቴ ዓጮ ጋራ ዓኣ ሪቢላ ካታማ ናንጋ ባብሎኔ ካኣቴ ኮይላ ዓኣዴኔ፤ 21 ካኣቴ ዬያ ዓሶ ዲኢካ ጳርቁሲ ማታሲ ዋዳሺኔ።
 ዬያይዲ ዪሁዳ ዴራ ፔ ዓጫፓ ዲዒንቲ ዔውቴኔ።

ጌዳሊያ ጎዖሢ ዪሁዳ ዓጮ ዋይሣሢ
 (ዔር. 40:7-9፤ 41:1-3)

22 ባብሎኔ ካኣቴ ናቡካዳናጆ ሳፓኔኮ ናኣዚ ናዖ ማዔሢ፡ ዓሂቃሜ ናኣዚ፡ ጌዳሊያ ዲዒንቲ ባብሎኔ ዔውቴዋዖ ዓቴ ዴሮኮ ቢያ ሱኡጌ ማዒ ዪሁዳ ዓጮ ዋይሦም ደኦሪኔ። 23 ዒማና ኩጮ ዒንገባኣዖ ዓኣ ዪሁዳ ዓጮኮ ፖኦሊሶ ሱኡጎንታ ፖኦሊሶንታ ባብሎኔ ካኣቴ ጌዳሊያ ደኦሪ ዓጮይዳ ሱኡጋሴሢ ዋይዞዖ ሚዳጳ ሙኪ ጌዳሊያና ካኣሚኔ፤ ዬያታ ጆሎ ዓሶኮ ሱኡጋ፡- ኔታኒያ ናኣዚ ዒሰማዔኤሌ፡ ቃሬሃ ናኣዚ ዮሃናኔ፡ ታንሁሜቴ ናኣዚ ሴራያ ጌይንታያ ኔፃፓ ካታማ ሸይንቱሢንታ ማዒካ ካታማ ሸይንቱ ዛኒያንታኬ፤ 24 ጌዳሊያ ዔያቶና ዔያቶ ፖኦሊሶናም፡- « ባብሎኔ ዓጮኮ ቢታንታ ዓኣ ዓሶ ዛሎና ዲንሢዳ ሄላንዳ ባኣዚ ዓኣኔ፤ ጌራ ዲንሢ ዲጌጩዋጉዲ ታ ዲንሢም ጩኣቃኔ፤ ሃኖ ሳዖይዳ ዴዒ

25:14 25:14 1ካላቶ. ማ 7:45፤ 2ዖኦሲ. ዓሃኬ 4:16።

ናንጉዋቱ፤ ባብሎኔ ካኦቲም ጊኢሩዋቱ፤ ዲንሢ ዩያይዴቱ ቢያ ባኣዚ ዲንሢም ጊኢጋንዳኔ» ጌዔኔ።

25 ጋዓንቲ ዬኖ ሌዖኮ ለንካሳ ዓጊኖና ካኦቲ ዜርሢ ማዔሢ፤ ዔሊሻማዔኮ ናኣዚ ናዖ ማዔሢ፤ ኔታኒያ ናኣዚ፤ ዲሰራማዔሌ ታጳ ዓሰና ዋላ ማዔጳ ዳንዳኔ፤ ዲኢካ ዳንዳዖ ያልዚ ቡሊ ጌዳሊያ ዋዳኔ፤ ሃሣ ዲዛና ዋላ ዓኣ ዲሰራዔኤሌ ዓሰንታ ባብሎኔ ዓሰንታ ቢያ ዋዳኔ፤ 26 ዬያሮ ባብሎኔ ዓሰ ዲጊጨ ዲሰራዔኤሌ ዓሰኮ ያርጎጮንታ ማንቆ ማዔ ዓሰንታ ፔኤኮ ፖኦሊሶ ሱኡጎንታ ዋላ ፔቲይዳ ዔቁ ጊብዔ ዓጮ ቤቲኔ።

ዮዓኪኔኮ ቱኡዛፓ ቡሊንቲዖ
(ዔር. 52:31-34)

27 ዮርማሮዴቅ ዔዊልማሮዳኬ ጎዖ ዓሣሢ ባብሎኔይዳ ካኦታዴ ሌዖና ዩሁዳ ካኦቲ፤ ዮዓኪኔ ቱኡዛፓ ቡሊ ጉሪ ሃሼኔ፤ ዬይ ያዲ ማዔሢ ዮዓኪኔ ቱኪ ዲዒ ዔኮናንቲ ሃይሢታሚ ለንካሳ ሌዖኮ ታጳ ለምዓሳ ዓጊኖ ለማታሚ ለንካሳ ኬሎናኬ። 28 ዔዊልማሮዳኬ ዲማና ዮዓኪኔም ኮሺ ባኣዚ ማዳኔ፤ ዒ ዋዋዳይ ጌዔቲ፡- ዲዛጉዲ ዲዒንቲ ዔውቲ ባብሎኔይዳ ናንጋ ካኦቶ ቢያፓ ቦንቲንታ ዳኤፒ ቤሲ ዲዛም ዲንጌኔ፤ 29 ዬያሮ ዮዓኪኔ ቱኡዛ ማኣራ ዓኣዖ ማይንታ ማኣዓሢ ለኣሚ፤ ዳንዲ ዲዚ ሃይቃንዳያ ሄላንዳኣና ካኦቲ ሙዒ ሙዖ ዋላ ሙዓንዳጉዲ ዲዛም ዓይሢንቲኔ፤ 30 ዲዚ ናንጌ ዋዳ ቢያይዳ ቢያ ኬሊ ዓይጎ ባኣዚማኣ ማዖም ኮይሳ ባኣዚኮ ዲዛም ዲንጌንታ ባኣዚ ዓኣኔ።

25:26 25:26 ዔር. 43:5-7።

ጌሌዥ ማጻሕፍት

**The Holy Bible in the Maale language of Ethiopia,
using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929